


Hethadenee  
waunauyaunee vadan  
Luke Vanenāna



The Gospel According to Luke in the Arapaho Language of the  
United States of America

Hethadenee waunauyaunee vadan Luke Vanenāna  
The Gospel According to Luke in the Arapaho Language of the United States of America

Public Domain

Language: Arapaho

Translation by: Michael White Hawk and John Roberts

2015-05-06

---

PDF generated using Haiola and XeLaTeX on 4 Mar 2019 from source files dated 29 Nov 2017  
49903679-7190-57d9-b73a-1c2da4854577

Contents

Luke . . . . . 1

## Hethadenee waunauyaunee vadan Luke Vanenāna

<sup>1</sup> Hanau waunauthathee hadnedanuu hejadenenau hadjenanuu hauthase vavesee hauthedau hena hayauhuhau nanāe hājavaānethauwuthajauthaunin, <sup>2</sup> Hasevenānauau nanaa hehethee jasee vasesā hāenuu nau nejaanuu hanadedaunau; <sup>3</sup> Hasethajaunau hethadee hee nananenau jea, vavesethaugudenau vahee hayauhuhau hehetheejasee hadnewauthaunauwunathane nedānee, javaānethadee Theauthenus, <sup>4</sup> Hadeaenauwu hethauwu hena hayauhuhau nesechauhauthehane. <sup>5</sup> Hena hese Herod, naja Judea, jasaa vevethahehe Zacharias haseede, hadauchunanede Abia: nau henene hedaunāhene Arauneau, nau heneseedaunin Elisabeth. <sup>6</sup> Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade. <sup>7</sup> Nau hehauwunesaunenauau, hanau henee hehauwunesaune Elisabeth; nau wauwu haenesauu vaehahenenauau. <sup>8</sup> Nau hethauwu, henee daunauvadanedaude hathaāhenith Hejavaneauthu hāenauauchaude, <sup>9</sup> Nesedaunethe vevethahehehau, nesedaude hadnejaāde yehauthe hevadannauauwunene Vahadāhenith. <sup>10</sup> Nau haunauude henanedanede haevethahedaune jathee nauaichuu jaa. <sup>11</sup> Nau haenauhauva hautheaune Vahadāde haetheaugune hejavee jaanaa. <sup>12</sup> Nau hāenauhauwaude Zacharias, haejanethajau, nau nāthajaude haedasaa. <sup>13</sup> Hau nuu hautheaune, jevanāthajau hathāhuk, Zacharias: havevethahede nandedauwuhuu; nau hadasea Elisabeth hadjanesewaude hāau, nau Jaun hadeseau. <sup>14</sup> Nau nananin hadaunauwuthajau nau hadeneethajau; nau hadnewauthathee neethajauthee hāejanese. <sup>15</sup> Hanau haudvasāthaa hathaāhenith Vahadāhenith, nau haudnehauwuvane daudause dadajevenenaje, wauāthe neauthunaje; nau haudnechauchaunadede Hevadanauwauthauwunene Hejavaneauthu, haa hehethee hāejanese. <sup>16</sup> Nau haudnewauthaa dāeyaunenede Israel hadjaechuwayūāaunaude hese Vahadāhenith Henesaunaunenau. <sup>17</sup> Nau haudnedauwaunaude nauguu Vadanauwuthauwu nau neesenaudāhenith Elias hadjaechuwayūāauau vadauhau henesaunaunenau hese dāeyaunauau nau nejenedauvathee gauguauthajaudenau hadauehadee; hadnesaanudedede henanedanede hesanaa hese Vahadāhenith. <sup>18</sup> Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheaune. <sup>19</sup> Nau hautheaune hanaāauchuhananadethāde, Nananenau Gabriel henee theaugudaunauau hathaāhede Hejavaneauthu; nau janeautheavānuu haudnāedauwunathana, nau hadnauhauthehathana nuu neethajaude waunauyauau. <sup>20</sup> Nau, naune, nananin haudnejanadene nau haudnehauwunee, haunaude hese nuu hayauhuhau nauauchaugu hethauwu, hanau nananin daujethauwaudauwu nadanadede, nuu hadnethauwunauaichuu nauauchaugaune. <sup>21</sup> Nau henanedanede haedauyauhauvanauau Zacharias, nau haegauguanadauwu henee dauguthetheaugude vadannauauwu. <sup>22</sup> Nau hāejenauāhede, haejaneanadetha: nau haeaenauwu daunauhauthāde vadannauauwu: haevathasauwuna nau haejanade. <sup>23</sup> Nau hethauwu, henee, chauchanu hese hāesevadanedaude haeyehau hese nehayau hedauauwu. <sup>24</sup> Nau hee hena hese henene Elisabeth hanaāenesaunenith, nau haegauduse nehayau hayauthaunenethe hesese hee, hanaāenehede, <sup>25</sup> Hesau Vahadāde naasehānuu hese hāedaugauhauvānuu hadgudanauwunānuu nāedayāhede henenedaa. <sup>26</sup> Nau nanedauchauchaugaude hesese hautheaun Gabriel haejeauthewau hehethee Hejavaneauthu hese hedan Gananee haseenau Nazareth, <sup>27</sup> Hesāhedāeyaun haenenehauwaune henanin Joseph haenaneesenith, hehethee hedauauwu David; nau hesāhedāeyaun Mare haenaaseede. <sup>28</sup> Nau hautheaun haedasaa, nau hanaāenehethāde, Haunauwuthajau, nananin vechauthane, Vahadāde hanedaunaunāne: hauwunaunane hesānaa. <sup>29</sup> Nau hāenauhauwaude, haejanethajaude hedanadedauin, nau haegauguanade daun

hadnesenaunenechuhude nuu hadnesauau. <sup>30</sup> Nau hautheaun, Jevanāthajau, hathāhuk, Mare: hanau nananin vechauthāne Hejavaneauthau. <sup>31</sup> Nau, naune, nananin hadnesesaunin, nau hadneahene, nau JESUS hadeseau. <sup>32</sup> Hadvasāthaa, nau Vāa Hejavaa hadethauva: nau Vahadāde Hejavaneauthau hadvenaude naja theaugudau henesaunaune David: <sup>33</sup> Nau hadnajawaudauau hededanin Jacob jethauujenee; nau henajanede hadnehauwuthauuvadaunaune. <sup>34</sup> Hanaāenehethaude Mare nuu hautheaune, Haddusenesau nuu hanau nāhauwāenaunau henane? <sup>35</sup> Nau hautheaun hanaāauchuhananadethāde, Hejavaneauthau Hevadanauwauthauwu hadnedasāne: nau naunauthauau Hejavaa haddugauyāaunāne; henaheee jea henee Naunaudāde hadnesesaunewaude Heau Hejavaneauthau hadnethade. <sup>36</sup> Nau, naune, have Elisabeth, jea wauwu henesaunede hadneahede wauwu dauvadavehahenede: nau nuu nanedauchaunethe hesese wauwu hehauwunesaune neethade. <sup>37</sup> Hanau Hejavaneauthau vahee nenedede hayauhuhau. <sup>38</sup> Nau naune, Vahadāde daununānu hahagu Mare, hadnaasauau nuu hasenehene, nau hautheaun hanaāenauthāde. <sup>39</sup> Nau Mare hanaāethauwauthede hena hese, nau hanaāehaude jauaudanenauauwu nauhauhaunee hesee hedan Juda; <sup>40</sup> Nau hanaejedāde hedauauwunene Zacharias, nau haenaunenechautha Elisabeth. <sup>41</sup> Nau hethauwu, henee, Elisabeth hāenedauwauthaude daunaunenechuhunith Mare, dāeyaunaa haenauauwuja hethauwaudauau; nau Elisabeth haechauchaunaude Vadanauwauthauwu: <sup>42</sup> Nau haevasanade, nau hanaāenehede, Hauwunaunane hesānaa, nau hauwunaunade dāeyaunaa hethauwaudauau. <sup>43</sup> Nau naudauhuthedasaa nuu, henee henaune Navahadāhewaunāde hadnedasānu? <sup>44</sup> Hanau, naune, chauchaunu hanadedauau haunaunenechauhude hāenedauwaudauwau naunaudaunuu, dāeyaunaa naunauauwujahede naunaudauau heee haunauwuthajaude. <sup>45</sup> Nau hauwunaunade hesā henee hethauwuthajaude: hanau hena hayauhuhau hadnethauwunaasauau neethāedauwunade hehethee Vahadāhenith. <sup>46</sup> Nau Mare hanaāenehede, Navadathuwu hauwaunehāde Vahadāhenith, <sup>47</sup> Nau navadathuwu neethajaudaunaude Hejavaneauthu Nānayauhāde. <sup>48</sup> Hanau nedaugauhauwaude hadavenuhuhau hedaununaunau: hanau, naune, hewaunehaa heejasesee vahee henaededaunau hauwunaunade hadnethanaunau. <sup>49</sup> Hanau hena Naunaudāde vanasaunee hayauhuhau hasehānu; nau vadanaunee henesede. <sup>50</sup> Nau nauwunaunaude henee headaunādaunau henajāthee henaedede nau nausunee henaedede. <sup>51</sup> Nenauhauthethāde hedāhede hejadena; neneāsauaunaude hesāethajauhuhau hedāhene. <sup>52</sup> Nejananaude naunaudāhenethe hehethee hetheaugudaunene, nau nejejenanaude hadavenuhuhau. <sup>53</sup> Negaudauhaude hasenahehau nauuu hethadenee; nau nethauyādahehehau negudanaude jessaa. <sup>54</sup> Nenedahewaude heau Israel, nedauyewuwude hedauwuyau; <sup>55</sup> Neesenehethaude havasevāene, Abraham nau hedāeyaunewau jethauujenee. <sup>56</sup> Nau Mare haenedauguva hanāenethe hesese heee, nau hanaāejaehaude nehayau hedauauwu. <sup>57</sup> Wauhā Elisabeth hanaāevadaudaude hadneejanesāde; nau hanaāeahede. <sup>58</sup> Nau henedaudevādaunau nau henethesaunau haenedauwauthaa hasauwunaunāde Vahadāhenith haenauhauthehaa vanasaunee hauwunaunadede, nau haenetheneethajauvaa. <sup>59</sup> Nau hethauwu, henee hāenasaudaunese haejenausanauau hadgauguusenith dāeyaunauau; nau haedethanauau Zacharias, thauguu henesedaunin henesaunaune. <sup>60</sup> Nau henaune hegau, hāheyaugaune, Jaun hadnethade, <sup>61</sup> Nau hathauhaugaunee hehauwuseenauau hādauānauau nuu neseede, <sup>62</sup> Nau haevathasauwunanaunau henesaunaunin, haadeneseenethe. <sup>63</sup> Nau haenaude dasewauthaunauha, nau haewauthaunauhā, Jaun haseede, hahagu. Nau haunauude haegaugauuthajaudene, <sup>64</sup> Nau haegaunadenanaunau, nau henethaune haegauchaunauaune, nau hanaāanadede, nau haevaveenethedauna Hejavaneauthu. <sup>65</sup> Nau nāthajaude haedasā haunauude henee hathāeuchaunauthee: nau vahee nuu nehedaunau haegaugauudedaune jedauwu hathāauau jauaudanenauauwu Judea. <sup>66</sup> Nau vahee hathāenedauvade haejenanauwu hedahenauau, haudduthā naa dāeyaunaa, hahagaunee? Nau hejadenene Vahadānith haenedaunaunaa. <sup>67</sup> Nau henesaunaune Zacharias haechauchaunaudene Vadanauwauthauwu, nau

haeaeyānautheda, <sup>68</sup> Vaveenethedaunaa Vahadāde Hejavaneauthau Israel; hanau haenauujāda nau daujauaudaunaudauau hedenanedanede, <sup>69</sup> Nau thauwaudanaude henenese hadnenayauhānauau jedauwuu hedauauwunene hedaununaune David; <sup>70</sup> Dau nausunanadede hedenaa Hevadanaeyāhewau neenaedenethe hāejeenaedenauau; <sup>71</sup> Henee hadnenanedanenuau hehethē haujauthavene, nau hehethē hejadena vahee hāthāasānavādaunene; <sup>72</sup> Hethauwuu hauwunaunadede nesayānāedauwunaude havasevāene, nau hadnedauyewuwude Hevadanenesedauwau; <sup>73</sup> Deneauwauhude yeseē havasevāene Abraham, <sup>74</sup> Henee hadvenānauau, jenāthajauude hehethē hejadenene haujauthavene hadnenayauhānauau hadnevevethedaunaunauau. <sup>75</sup> Nauguu vadanaunee nau chuwwu hathaāhede, vahee heseē hadenaededaunene. <sup>76</sup> Nau nananin, dāeyaunaa, haeyāhe Hejavaa haudnethane: hanau nananin hadnedauwaudauwu Vahadāde hadnesaanudene hevaunaa; <sup>77</sup> Hadvāde haeyaude hadnenanedanedaunee hededane hadjaegudanauwunaude hewauchudaunenenuau, <sup>78</sup> Hehethē havathē hauwunaunadede Hāsaunaunene; nanaa Naugusaje hehethē hejavaa hadnenauujādaunānauau, <sup>79</sup> Hadvenaude heseē hathāetheaugunethe hadauveeyaunee nau hadaudugauyāsaa gaujauaudahede, hadnedauwaudauau hauauthene heseē hadaudādauyaunee. <sup>80</sup> Nau dāeyaunaa haeseau, nau hevadathuwu haedāeaune, nau haenaadaude hadaunechaunee haunaude heseē hadneenauhauthethāde Israel.

## 2

<sup>1</sup> Nau hethauwuu hena hese hauchuwude haeneāsanau hehethē Caesar Augustus henee vahee henanedanede hadnayāadee. <sup>2</sup> (Nau nuu nayāadede haenedauwunesede deauchuwunanenede Cyrenius Syria.) <sup>3</sup> Nau vahee haeauāchaudene hadnayāadee hanaunauude hanesāde heseē nehayau hededan. <sup>4</sup> Nau Joseph jea haeyehau hehethē Gananee, hehethē hedan Nazareth, jedauwuu Judea, jedauwuu hededan David Bethlehem neseē, (hanau naadahagu hedauauwunene nau nedānee David,) <sup>5</sup> Hadnethenayāade naguu Mareheau heauthehewauthādaune hadnewaune wuwu haehāthane hee heneesaune. <sup>6</sup> Nau hethauwuu, henee hajesenausunanedauthē, hese haevadaunau hadneejanēsāde. <sup>7</sup> Nau hanaāejanesāde henedauwusaune heau, nau haeajetha, nau haesevana hewauchuhauche nedau vethehenethe; hanau haeneau vethehedau nauauwuu. <sup>8</sup> Nau hena vavade vedauauwuu haudānajauāhehauau haeadenauau, haeaunaunehanaunau haeaunauyauhauvanauau hedajauanenuau vegau. <sup>9</sup> Nau, wauhā, Vahadāde hedautehaune haedasā, nau havathē haeseenuasāunauau Vahadānith; nau haevasenāthajauau. <sup>10</sup> Nau hautheau jevanāthajauau hathāhaugaunee: hanau, naune, nauuchaudaunathana hethadeē waunauyauau havathē neethajauude, nanaa hee vahee henanedanede. <sup>11</sup> Hee nananena janeseē nuu deseneē hededan David Henayauthāhe, nananede Chris Vahadāde. <sup>12</sup> Nau nuu hadneaunauwuna; Nananena hadveehauna dāeyaunaa hanajehede, saeseē hewauchuhauche nedauvethethē. <sup>13</sup> Nau nauhaunaunee hena haewauthanaunau hejavaa hautheanaunau nauguu naa hautheau haevaveenethedaunanaunau Hejavaneauthu, nau hasenehehaugaunee, <sup>14</sup> Havathē hauwaunede heseē Hejavaneauthu hejavaa, nau daseē vedauauwuu nanethauaunee, hethadeē hathanavana henanedanede. <sup>15</sup> Nau hethauwuu, hautheanaunau haejaenauthā heseē hejavaa, Wauhā hadehaunau Bethlehem, hanathadagaunee nuu haudānajauāhehauau, nau nauhaudauwuu nuu hayewhu javeauau, nanaa Vahadāde hāāedauwunādaunene. <sup>16</sup> Nau haenauchuhanauusanauau, nau haeveehanaunau Mare nau Joseph, nau dāeyaunauau haesaeseene hewauchuhauchauwauwuu henee nedauvethēhenethe hewauchuhauchāve. <sup>17</sup> Nau hāenauhauwauthē, haeneānauthedanauau nuu hathauthedaunāhethē hee dāeyaunauau. <sup>18</sup> Nau vahee hathāenedauvade haegauguanadauwu henee hayauhuhau nuu hathauthedaunāthē haudānajauāhehau. <sup>19</sup> Nau Mare haeaunaunede vahee nuu hayauhuhau, nau haegauguanade hedahaa. <sup>20</sup> Nau haudānajauāhehauau haejaesanauau, haevaveenethedaunanaunau nau haevaveenethedaunanaunau Hejavaneauthu hee vahee hanathadavathē nau

hathauhauthāthee, neethāedauwunāhethee. <sup>21</sup> Nau hāenasaudauchunese hadnee-gauguusede dāeyaunaa heneseede Jesus, haseadagu nuu haseede haenaneeseāde hautheau nau haunauau deejethāsee. <sup>22</sup> Nau hese hāewaudeauchaude hasaunee hedauchuwude Moses hāevadauane, haeyehauthanauau hese Dadaunedan hadjenanauwunauthee Vahadāhenith; <sup>23</sup> (Hathauthanauhunee hauchuwudaunaa Vahadāde, Dajee haunauahee hene nedauwusau vadade hadnethade hese Vahadāhenith:) <sup>24</sup> Nau hadnausāyaudene neesenedaunee hauchuwudaunaa Vahadāde, Hanesethee vedāenauau, wauāthe hanesethee neauthuvedāesaunauau. <sup>25</sup> Nau, naune, hena henane haenedau Dādaunedan, Simeon haenaneeseede; nau naa henane haechuvā nau haethauwuthajau, haejauwuwude hadneneethajauthee Israel: nau Vadanauwauthauwu haethāsade. <sup>26</sup> Nau haeauthedaunaa Vadanauwauthauwu, hene hadjenauhaudauau gaujauaudahede, haunau hadnauhauwaude Vahadāhenith Chris. <sup>27</sup> Nau haejeheenuusa Vadanauwauthauwu jedauwu Vadannauauwu: nau hāene henehā Hejavaeneauthusau jedanāde hadnesehāde thauguu hasauau hauchuwude, <sup>28</sup> Hanaāejavethenauanaude hejadana, nau haevaveenethedauna Hejavaneauthu nau hanaāenehede, <sup>29</sup> Vahadāhene, hewaunehaa nanehājenanaude hauwauwaunave hadnauau nanethauane, hasauau hadanadede: <sup>30</sup> Hee nasesā naunauhauwauau havāde Henayauthāhe, <sup>31</sup> Naa nananin hadnesaanudene hathāhedaunee vahee henanedane; <sup>32</sup> Hese hadneesene Hathāuau henanedane, nau havathee hadnenedane Israel. <sup>33</sup> Nau Joseph nau henaune haegauguanadauwu hena hayauhau hanasenehethavathe. <sup>34</sup> Nau Simeon haevevethasa, nau haeāedauwuna Mareheau henaune, Naune, Naa dāeyaunaa hanejenanade hadneaunenauaudenene nau hadneejaegauhadenene hauwuhuu Israel; nau hanau nauhauthethau hadnevathevade; <sup>35</sup> (Haa, gaugachu hadneegauchuguhune nehayau havadathuvaa jea;) hene gaugauthajaudenau hauwuhuu vadauhau hadneauthasuu. <sup>36</sup> Nau hena haenesā Anna, haeyāhe, hedaunau Phanuel, hanaadāde Aser: haewauthanenau hejajenewau, nau haenethenaedeva hechu nesaudauchu jajene hehethene neesede; <sup>37</sup> Nau haenevesāne hee nasaudausauau yānene jajene, nananede haejethauunaude vadanauauwu, hau haenesedauna Hejavaeneauthu nauguu naugauyaude nau vevethahede dajāee nau hese. <sup>38</sup> Nau haejejedā hee haevaveene jea Vahadāhenith, nau haeauthedauna vahee nethāejauwuwudethee jauaudaunauthadede jedauwu Dādaunedan. <sup>39</sup> Nau hāesedauthee vahee hayauhau hasauau hauchuwude Vahadāde, haejaesanauau hese Gananee, hadahethee hedan Nazareth. <sup>40</sup> Nau dāeyaunaa haeseau, nau haedāeaune hevadathuwu, haechauchaunaude haeyaude: nau Hejavaneauthu vadaude haethāsade. <sup>41</sup> Nau wauhā henehā haehaunenau hese Dādaunedan hadauchuvelanene vasevadanese Hadavechauthadede. <sup>42</sup> Nau denesene hejajenewau, haehaunauau hese Dādaunedan hanau nesedaunene vasevadanese. <sup>43</sup> Nau hese hāevadauane, hāejāesathee, dāeyaunaa Hejavaneauthusau hanesedaunaa Dādaunedan; nau Joseph nau henaune haejaenauwu. <sup>44</sup> Hau henanedaa haenehauvā hathanauwauhaugaunee, nau haejanaugudaunee; hanaāenaudehauthee henedauānene nau henedaehāhene. <sup>45</sup> Nau hāejeveehauthee, haejaesanauau hese Dādaunedan, daunaudehauthee. <sup>46</sup> Nau hethauwu hāenasese hanaāeveehauthee jedauwu vadannauauwu, haetheaugune nahethāe hauthedahehau, haejaathea, nau haenaunaudedauna. <sup>47</sup> Nau vahee hathāenedauwauthāthee haegauguanadauwu hedaeyanene nau hedauchuhanehedanene. <sup>48</sup> Nau hāenauhauwauthee, haegauguanavanauau: nau henaune, Nā, naudu hanesehāane? hathāhuk, naune hāsaunau nau nananenau nenaudehane nejeneethajane. <sup>49</sup> Nau hathauhuk, naudu haenaudehena? gauhajaene nachāe wauwu hanedaudauwau Nāsaunau henesethaude? <sup>50</sup> Nau haejaenauwu hasenehethāthee. <sup>51</sup> Nau hanaāenethaunaude, nau haenauusanauau Nazareth, nau haethauwaudaunā: hau henaune haeanaunedene vahee nuu nehedaunau hedahaa. <sup>52</sup> Nau Hejavaneauthusau haeneanane hedaeyau nau hājedāde nau vechauthaude Hejavaneauthu nau henanedane.

## 3

<sup>1</sup> Wauhā yauthaunenee jajene wauwu neeenajanede Tiberius Caesar, Pontius Pinade nausunajawaudauau Judea, nau Herod nanajawaudauau Gananee, nau henauhauwauau Theneb nanajawaudauau Iturea nau vedauauwuu Trachonitis, nau Lysanias naja Abilene, <sup>2</sup> Annas nau Caiaphas vevethahenajanauau, Hejavaneauthu nanadede haedasaa Jaun heau Zacharias nauaunee. <sup>3</sup> Nau haedade vahee vedauauwuu hanathaudanee Jordan, haeauthedaude dusaahede haudneaugauthuu gaugauuthajaudenau hadneegudanee wauchudaunenau; <sup>4</sup> Naathauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesaanuu hathaāhede Vahadāhede, nesedee hevau chwuwuu. <sup>5</sup> Hadauchugauaudayauau hadnechauchanaa, nau hadauchāe hauane nau jauaudane hadjananee, nau jajāvāe hadchuvanee, nau hadauhauauyauau bau\* hadneyauthauau; <sup>6</sup> Nau vahee henanedanede hadnauhaudauau Hejavaneauthu hedenayauthaunene. <sup>7</sup> Haenaāenehethaude waunauthanee henanedanede henee hedaśdaunau haddusaanaude, Hau hedenaededaunenau seseyānauau, hanaa hāedauwunādaunenau haddaugauhudaunau nauthee hasenaunaude hadnauusanauau? <sup>8</sup> Hethadee nesedee hadeheaenaunee hadnaugauthuu haugaugauuthajaudenenau jevaauthenehee hadahenauau, hāsaunaunene Abraham: hanau nāedauwunathana, Hejavaneauthu neene nesehaude nuu hauunaugānau Abraham hedāeyaunewau. <sup>9</sup> Nau wauhā jea hauunauchu janenanee hethājee hauhaudee: vahee hauhaudee jeneeaudehuk vevenaunenau haddauwauhude, nau hadneewaudedaunaunee. <sup>10</sup> Nau henanedanau haenaudedaunaa, hauddusedaune? hathāhuk. <sup>11</sup> Hanaāēdauwunaude, Daun nanesevechudaunade, jvena daun janevechudaunenith; nau daun hevethenede jenaasedaude, hahagu. <sup>12</sup> Wauhā haenaāenuusathee hauyāhehauau haddusaahethee, Hechauhauthethāhe hauddusedaune, hathāhuk, <sup>13</sup> Nau hathāhaugaunee, javaauthaunaudaunāthe henee nethautheavane. <sup>14</sup> Nau vanenanenau hanaśedaunethe, hanaasenehethāde, Nau haddusedaune, hathāhuk? Nau javaauthasenehaa henaneda, hathāhaugaunee, javaauthenanedauneeva henaneda, nau hadnanethauaunahedava haunaudaunadene-nau. <sup>15</sup> Nau henanedanau hathanavāhuk, nau vahee henanedanede haegaugauanavaa hedāhenenau Jaun wauau Chris haenane, nau wauāthe hajee; <sup>16</sup> Jaun hanaāauchuhanehethaude, hathauhuk vahee, Hadneedusaanathana hee naje; hau hanesāde javaānaudāde javaāhenau jaunaude hewauhugu hewauaunaa nāhauwuneaugunavane, hadneedusaanāna hee Hejavaneauthu Vadanauwauthauwu hee heseda. <sup>17</sup> Henaunasāhu nanewauunauau, nau hadgaunauhauau heyauthee nedauthauayāde, nau hadnauānauau wauchuunethauauhanau nedauthānauau jenayaunau; hau jenethauayaunau hadvadauchauauau hesedaa nedaujesaudaunahee. <sup>18</sup> Nau waunauthanee hanasejāesaunee hayauhuhau hanathauthedaunaude henanedanau. <sup>19</sup> Hau Herod naja haeaunaunewau hee Herodias henauhauwauau Thenebeau henenene, nau vahee hathāewausaunee hanasedaude Herod, <sup>20</sup> Haewauhaunene nuu vahee henee dauaugauhude Jauneau duguhunauauwuu. <sup>21</sup> Wauhā hāevahesedusaahedaunee henanedanede, hethauwuu henee Hejavaneauthusau haenethedusaā, nau haeevetha, hejavaa hanaāegaunanenee, <sup>22</sup> Nau Hejavaneauthuvadanauwauthauwu haejejanauhusane hedanayaunaa hedanayau haenaasaunee waude vedāene nau hanadede haejenauusa hehethēe hejavaa, hasenehehuk, Nananene vechauthauau Nāa, nananene vaveenethedaunathane. <sup>23</sup> Nau Hejavaneauthusau nehayau wauwu wauau hanasauau jajeneva, hanane (hathanavade) heau Joseph, nananenith heau Heli, <sup>24</sup> Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph, <sup>25</sup> Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nagge, <sup>26</sup> Nananenith heau Maath, nananenith heau Mattathias, nananenith heau Semei, nananenith heau Joseph, nananenith heau Juda, <sup>27</sup> Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri, <sup>28</sup> Nananenith heau Melchi, nananenith heau Addi,

\* 3:5 “Bau” probably should be “vau” (meaning “way” or “road”), in line with the rest of the text, since the letter “b” appears nowhere else except in foreign names.



nananenith heau Cosam, nananenith heau Elmodam, nananenith heau Er,<sup>29</sup> Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi,<sup>30</sup> Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim,<sup>31</sup> Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David,<sup>32</sup> Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason,<sup>33</sup> Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda,<sup>34</sup> Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor,<sup>35</sup> Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala,<sup>36</sup> Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech,<sup>37</sup> Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan,<sup>38</sup> Nananenith heau Enos, nananenith heau Seth, nananenith heau Adam, nananenith heau Hejavaneauthau.

## 4

<sup>1</sup> Nau Hejavaneauthusau wauwu haechauchaunaude Vadanauwauthauwu haejeehedesa hehethee Jordan, nau haeyehauthaa Vadanauwauthauwu nauaunee, <sup>2</sup> Yāyauau hese hananeedauchunese haenayāthehaa Haujaune, nau hena hese haeheejevethē: nau hāevathenese, haenaāsenade waunee. <sup>3</sup> Nau Haujaune hathāhuk, hith nananene Haāthauwuāvaa Hejavaneauthau hāedauwunene naa hauunauga hadejauaujaunenede. <sup>4</sup> Nau Hejavaneauthusau haeachuhanehe hathauhuk, Wauthaunauhuu henane hehauwuunaede jauaujaunau jasaa, hau hee haunauude hedanadedauene Hejavaneauthu. <sup>5</sup> Nau Haujaune haenauauhuchauhaa hauanee hadaujauudanenee, nau haenauhauthehaa vahee najanede hathāauauvaa henanedanede chauchaunu. <sup>6</sup> Nau vahee nuu najawaude hadvenathane, nau hauwaunede, hathāhuk Haujaun: hanau henee nananenau devenanau; nau daun navadaunenau hadevenauau. <sup>7</sup> Hith nananene henaheee hevevethedaunenagu, vahee hadnehanāhene. <sup>8</sup> Nau Hejavaneauthusau hanaāauchuhananadethāde nau hathāhuk, Hedehau naugauvaa, Haujau haugau hathauthaunauhuu, Nananene hadevevethedaunaude Vahadāde Hāsaunau, nau hanesāde haudnevevethedaunaude. <sup>9</sup> Nau hanaāehauthāde Dādaunedan, nau haejenanaa naunauchuu vadannauauwuu, nau hith Haāthauwuāvaa Hejavaneauthau hauwujanauau hede hehethee, hathāhuk: <sup>10</sup> Haugau hathauthaunauhuu, Hadāedauwunaude hedautheaunau haddunānaune: <sup>11</sup> Nau hejadenenau hadejedunānaune, havaaugugausene headaa dasee hauunaugāe. <sup>12</sup> Nau Hejavaneauthusau hanaāauchuhananadethāde nau hathāhuk, Hasenehee, Nananene jevanayāthehene Vahadāde Hāsaunau. <sup>13</sup> Nau hāevathenayāthedaude vahee, hanaāejathāaude haujau najee, <sup>14</sup> Nau Hejavaneauthusau hanaāejaenaudāhede Vadanauwauthauwu haduu Gananee: nau hanaāauthedaunenede hanaāeneāsanaunee vahee hathāauau Gananee nauanee. <sup>15</sup> Nau haechauhautheha vevethahenauauwuu, nau vahee haevaveeneha. <sup>16</sup> Nau haenauusa Nazareth, needaunauuchauhade: nau dajauaunee nesedaude haeyehau vevethahenauauwuu vadanese, nau haetheaugu dasauhaudauau wauthaunauha. <sup>17</sup> Nau haevenau hewauthaunauhanene haeyāhew Esaias. Nau hāegaunanauau wauthaunauha, haeveede hadauwauthaunauhunee, <sup>18</sup> Vahadāde Hedauwauthauwu nanadeaunānau, hanau dehedusaanānau javeda hadnauthedaunu hethadenee waunauyaunee hadavenuhunethee: hanejevāde haudnenayauhu naudauwuthajauthee, hadnauthedanau haudjaejenanathee wauwaunauau, nau hadnejanauhauthāthee nanenauguthee, haudjaejenanathee\* hasenethaunauau, <sup>19</sup> Haudnauthedaudauwau hethadee jaunaunauau jaje Vahadāde. <sup>20</sup> Nau haeauauvane wauthaunauha nau haejaevana vevethahew, nau hanaāejanagude. Nau vasesā vahee hathānedauthee vevethahenauauwuu

\* 4:18 There is a midline hyphen in “haud-jaejenanathee” which doesn’t appear in same word earlier in the verse. There are no other midline hyphens in this text at all, and this hyphen is probably without significance.

haenāuhauvanauau. <sup>21</sup> Nau hanaāejasesenehethaude, nuu desenee nuu hathauthaunauhuu hethauvaa haunaudaununenau. <sup>22</sup> Nau vahee haesegaugauudedeaunene, nau haegaugauanadauwu hethadenee hedanadedeaunene hethāenehethaunene. Nau gaunuu jee heau Joseph? hahagaunee, <sup>23</sup> Nau hanaāenehethaude, Nananena hethauwunehesena nuu heeejegausudede, Naudaunehāhe, nehanenayauhade: henee nanāthadauwaunee nanāsedane Capernaum nanehasedane nechau hede nehayau havedauauwuvaa. <sup>24</sup> Nau hathauhuk hethauwu nehethathana, Hegau haeyāhe hehauwuvechauthau nehayau hevedauauwuvaa. <sup>25</sup> Hau hadauthedaunathava hethauwu, waunauthathee henevesānauau neanedauthee Israel, hesee deanedaude Elias, hejavaa denausunaugauhuu nasau jajene nau nedaudachu hesese, devasauau hasenaude denanadesanauau vedauauwu; <sup>26</sup> Hau hehauwunesāhene hejevādaunene Elias, vavade Sarepta, hedan Sidon, hesā nananede henevesā. <sup>27</sup> Nau newauthathee naugaugauwuhuhauau neanedauthee Israel deanedaude Eliseus haeyāhe; nau hehauwunesā henayauhade vavade Naaman Syrian. <sup>28</sup> Nau vahee hathāetheauguthee vevethahenauauwu, hāenedauwauwu nuu hayauhuhau, haechauchaunaudene-nau hasenaunaude, <sup>29</sup> Nau haegauhānauau, nau haenunanatheguthanauau hedan, nau haehauthanauau hauchaugu jauaudanee haduunee hededanenau needaunesehenee neaudnedauauwuguthathee hauthedaunaānee. <sup>30</sup> Hau haejavechautha hehethēe nahethāe, haejathāu, <sup>31</sup> Nau haenauusa Capernaum, hedan Gananee, nau haeauthedauna vadanesenene, <sup>32</sup> Nau haegaugauanadauwunenau hasechauhauthe-haude hedanadedeaunau, hanau hedanadedeaunau haenauthaunenau. <sup>33</sup> Nau vevethahenauauwu henane haenedau hevadathuwu haewauchāhene haujaun, nau haevasanade, <sup>34</sup> Jenehāaa; hathāhuk, haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau. <sup>35</sup> Nau Hejavaneauthausau haeneuva, dādaunauguu, hathauhuk, nau jenauchune. Nau hauju hāegauusewaude nahethāe hanaāejenauthaude nau haejaseneha. <sup>36</sup> Nau vahee haegaugauanavaa, nau haenanadethadenenau jae, nuu hayew hanadede; hathāhuk, hethauwu nauugu haenauthenehetha haenesedauna wauchāhenethe haujaunau, nau hanaāejenauāhethēe. <sup>37</sup> Hanaāauthedaunenede nanadee jasee gauānee vedauauwu, <sup>38</sup> Nau haegauhā haenauā vevethahenauauwu, nau haejedā Simon hedauauwu. Nau Simon henene henaunene haenaudauwauvāhene; nau haeauthewaunauthasanauau. <sup>39</sup> Nau haetheaugudauna, nau haeneude hasauwauvahede; nau haenauthaa: nau nauhauhaunee haegauhā nau haedauyauhauvanauau. <sup>40</sup> Wauhā hesese hāenaesade vahee hathāenethenauthee hasauwauvahehau hanasejaechauwauvāhenethe haenauuchaudaunau; nau haedajevasana nau haenayauha. <sup>41</sup> Nau haujaunauau nauugu haevanauusanauau haewauthanauau, haenēnadenauau, nau haenehenauau, Nananene Chris Heau Hejavaneauthau. Nau haeneneuva haechuwauanadeha: dauhaenauwunethe dau Chris denede. <sup>42</sup> Nau hāesenenee, hanaāejathāaude hese hadaunechaudanee, nau henanedanau haenaudehaa, nau haedasaa, nau haedauduvaa, haudjenauthaude. <sup>43</sup> Nau hanaāēdaunauwaude, haudnauthedaudauwau najanede Hejavaneauthau gauchuhunee hedanau nauugu: haugaunaasejejenananau. <sup>44</sup> Nau haeautheda vevethahenauauwu Gananee.

## 5

<sup>1</sup> Nau hethauwu, henanedane haeneenavadaunedaudauwu hedanadedeaunene Hejavaneauthu, haetheagu sathauwu neajee Gennesaret, <sup>2</sup> Nau haenauhaude hanesanene thewaunau haetheaugunenau sathauwu neajee: hau naunauyāhehauau haeyauhadesanauau, nau haenanahesadenauau henauyaudenenau. <sup>3</sup> Nau haejedā jasaa hethewaunene, Simon, nau haenehetha hadwauauwuhudede vanehaa hehethēe vachuwauauwu vedauauwu. Nau haejanaugu, nau haechauhauthe-ha henanedanau hehethēe thewaunaa. <sup>4</sup> Wauhā hāevadauthedade, hanaāenehethaude Simon, wauauwuhude hadaudavee, nau henauwunau haunauyaude hadjathāne. <sup>5</sup> Nau Simon hanaāauchuhanadethaude, Hechauhauthethāhe, naunaugaune-

nesethānauau, nau nāhauwuthauujathāva: hau hegaugaunauau hadnaaenauwuudenau nauyaude haugau hasenehene. <sup>6</sup> Nau hāesedauthee nuu haewauthane nau hejathaunenau, nau haethauwunauaune henauyaundenenau. <sup>7</sup> Nau haeedethanauau henedaehahenau danachaugunethe jasaa thewaunaa, haudjaunethe, nau haudnedāhevāthee. Nau haenauusanenau, nau haeechauchaunaudenauau hanesanenee thewaunau hanaāenauwuuu. <sup>8</sup> Hāenauhaudauau Simon Peda, haechauāgujanaugu hejaedayānene Hejavaneauthusaun, nauchu, hathāhuk; haugauhauhauganenau, Hau Vahadāhene. <sup>9</sup> Haejenaunethajau, nau vahee hethāenethaunādaunau daunauanauthee nauwu hejathaunenau. <sup>10</sup> Nau nauguu James, nau Jaun, heauhau Zebedee, henedaehauhau Simon. Nau Hejavaneauthusaun hanaāēdauwunaude Simon, Jevanāthajau, hewaunehaa heee nananene haudnesedanaude henanenauau. <sup>11</sup> Nau hāenauuchaudethee hethewaunenau vedauauwu, hanaāenauduu vahee, nau hanaāenethauguhauthee. <sup>12</sup> Nau hethauwu, hānedaude jasaa hedan, naune henane haeechauchau-naude naunaujaunee haugauwude; hāenauhauwaude Hejavaneauthusaun haeuāneseve, nau haeautheva, Vahadāhene, vathehānenagu hadeneeyaudanene hathauhuk. <sup>13</sup> Nau haeyethauha, nau haevasana, vanathehānau: heyaudāhe, hathaukuk. Nau nauhauhaunee naunaujaunee haugauwude haenauthaa. <sup>14</sup> Nau haenesedauwaunā haudjāedauwunaunith henanedane: hau najesa hadnauhauthehau hadanayau vevethahevāhe, nau hadvā dauhenayauhane, Mosase neesedauvade, haudneāenuu. <sup>15</sup> Hau haeneenanauthedaunene neānee: nau havathee haewautha henanedanede haeuānauuchaudene daujewaunejaathededane, nau haudnenayauhāthee hedaauwauvahedaunenau. <sup>16</sup> Nau haejathāau hese nauaunee, nau haevevetha. <sup>17</sup> Nau hethauwu jasaa hese, hajesechauhauthethāde, Nesethajauhuhauau nau hechauhau-dauwuhuhauau nanavaavede haetheaugunauau hejava, haejeehedesanauau hadauchāe hauwauhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude. <sup>18</sup> Nau, naune, henanenauau haenauuchauhanauau henanene heee hedauwune haesevāhene nau haenayāthejedananauau, nau hadjenanauwunauthee hathaājenith, <sup>19</sup> Nau hāejevedethee haudnethejedanauthee hanau dauwauthaa henanedanede, hanaāenauauhusathee dasee hauauwu, nau haejanauhau-jānanauau, hehethee dasee hejavaa hauauwu nauguu hedauwune nahethāe hathaājenith Hejavaneauthusaun. <sup>20</sup> Nau hāenauhaudauwunith hedethauwuthajaudenenau, hanaāēdauwunaude, Henane, hauwauchudaude gaunudanauwunane. <sup>21</sup> Nau wauthaunauhāhehauau Nau Nesethajauhuhauau hanaāejasesegaugauuthajauthee, Hanaa naa hananadede nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthu, naanesāde? <sup>22</sup> Hau hāenauwunith Hejavaneauthusaun hegaugauuthajaudenenau, Haudusethajauva hadahenauau? hathāhauganee, <sup>23</sup> Hayew gauchaua, nehehāgu, Hauwauchudaude gaunudanauwunana; nau wauāthe gauhā nau javesa heheagu? <sup>24</sup> Hau hadaenauwu henee Heau henane nau-naudāde dasee hathāauauvadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedanau haud-dau nau najesa nananene haudauauwu. <sup>25</sup> Nau nauhauhaunee haethauwauthe hathaājenethe nau haedane heaugusenadenau nau hanaāejathāaude hedauauwu haeveenethedauna Hejavaneauthu. <sup>26</sup> Nau vahee hegaugauuthajaudene nau haeveenethedaunanauau Hejavaneauthu, nau haeechauchaunaudenauau nāthajau, Naunaudauhauthānauau nuu desene, hāheagu. <sup>27</sup> Nau hāevathedaude haejathāau nau haenauhauva hauāyāhe Levi hanaaseenith, haetheaugune nedauudanauau hauāyau-nau, nau jethauguhu hathauhuk. <sup>28</sup> Nau haevanauthā, haegauhā, nau haethauguha. <sup>29</sup> Nau Levi haevasevethheha nehayau hedauauwu, nau haewauthanauau hauāyāhe-hauau nau hauthauau haenedauguvā. <sup>30</sup> Hau wauthaunauhāhehau nau Nesethajauhuhauau haeaunevā hethauguhādaunau, naudū haenethevethehewauna nau haenedaveyāwauna hauāyāhehauau nau wauchudauhuhauau, hathāhauganee? <sup>31</sup> Nau Hejavaneauthusaun hanaāauchuahanadethāthee, hathāedāenaedethee hehauwuvathehā

naudaunehāhew; hau hathāasauwauvahethee. <sup>32</sup> Nāhauwujenauusa haudnadethu hethahethee hau wauchudauhuhauau hadnaugaudanenee hegaugauuthajaudenenau. <sup>33</sup> Nau hathāhuk nau du hethauguhādaunau Jaun denauaunenaugauyānethe, nau devevethahethee, nau naasedauthee hethauguhādaunenau Nesethajauhuhauau; hau hanethenaunauau havethehethēe nau havaveyāthee? <sup>34</sup> Nau hathāhaugaunee, Gauhājeneenesehauva dāeyaunauauau nedauenenedaunee hauauwuu naugauyaude hajesanedaudaunāthee waunenenehew? <sup>35</sup> Hau hese haudnauauchuu, haudneedanauwunana waunenenehe, nau hee hadnaāenaugauyāthee hena hese. <sup>36</sup> Nau hanaāanadethaude jea jegausauhānee; Henane hehauwu jenane waunauyaunee neauthayew hadaugauthāyaunee, hith hesedauhuk, nau hadauwayaunee needaudenauuu, nau jasaa needanee hadau wayaunee hehauwuneauchauna gauthāyaunee. <sup>37</sup> Nau hegau henane hehauwujenane waunauyaunee vasevenenaje gauthānēnevajaunaa; nau wauāthe wayaugu vasevenenaje haddaudeauau nevajaunau, nau hadgusenauauau, nau nevajaunau haddenanaunauuu. <sup>38</sup> Hau waunauyauau vasevenenaje hadedaunee hadauwayauau nevajau, nau nanesaunauthadee. <sup>39</sup> Nau hegau henane hesevanaagu gauthānevasevenenaje nauhauhaunee haevathehaa waunauyaunee; hanau gauthāyauau hethadee, hathauhuk.

## 6

<sup>1</sup> Nau hethauwuu naneseauwauau vadanese, haehedesa jenayaunaa; nau hethauguhādaunau haegaugauunauwu wauchuunethauauhanau, nau haevethenauau, haegaunee gudenauau hejadenenau. <sup>2</sup> Nau hauthauauau Nesethajauhuhau, Naudu hanesedauna wujaa nanavanau nesedaude vadanese hathauhaugaunee? <sup>3</sup> Nau Hejavaneauthusau hanaāaachuhananadethaude, Gauhājethaunauhaude nuu hasauau David neesedaude, nehayau deasenade, nau neethāenethaunāde. <sup>4</sup> Neesejedāde Hejavaneauthu hedauauwunene, nau needanauau nau nevethee nauhauthethājauaujau, nau haevena heethāenethaunaunau; wujaa nanavanau veyāgu hau jasaa vevethahevehehauau? <sup>5</sup> Nau hanaāāedauwunāthee, Heau henane nanethadāde vadanese. <sup>6</sup> Nau hethauwuu jea jasaa vadanese haejedā vevethahenauauwuu nau haeautheda: nau henane haenedau hejavese hejadenaa haesevane, <sup>7</sup> Nau wauthaunauhāhehau nau Nesethajauhuhau haeanauyauhauvaa, wauau haadenenayauthā vadanese; hadnejauaudaunauthee dauhanājauwauaunauthee. <sup>8</sup> Hau haeanauwu hegaugauuthajaudenenau nau hanaāanadethaude henanene hesevenasanith, Gauhā nau yethaagu nahethāe. Nau haegauhā nau haeyethaagu. <sup>9</sup> Hejavaneauthusau hanaāāedauwunaude, haudnaudedau-nathana nananena hanesadee; Gaujenanavanau vadanese hethadāgu hasedaunee, nau wauāthe wauchudaunee? henayauhāgu henaedede, nau wauāthe nanaunehāgu? <sup>10</sup> Nau hanaāenaunauānede vahee, hanaāāedauwunaude henanene, Segauha hajade. Nau hanaasedaude: nau hejade haenayauhune jasaa hasaunee. <sup>11</sup> Nau haeechauchaudenauau hasenaunaude: nau hanaāaunauchuwuhadethee daun haudnesehauthee Hejavaneauthusaun. <sup>12</sup> Hethauwuu hena hese, haehau hauanee haudnevevethahede, nau haunaude naugaunee haevethedauna Hejavaneauthu. <sup>13</sup> Nau hāesenee, hanaāadethaude hethauguhādaunau; nau haedana vadadauchunesenee, hanaāene-seaude vadahanauau. <sup>14</sup> Simoneau (jea haeaugauthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew, <sup>15</sup> Matthew, nau Taumis, James heau Atheas, nau Simon Zenautes haseadagu, <sup>16</sup> Nau Judas James henauhauwauau, nau Judas Iskariot,\* hanane jea neheaudaunade Hejavaneauthusaun. <sup>17</sup> Nau haenauunethauna nau haetheaugunauau hethauwuu, nau hadauchunanenethe hethauguhādaunau, nau haevasenauthenedau henanedanede hehethēe vahee Judea nau Dādaunedan, nau hehethēe sasethauwu hadajee Tyre nau Sidon hethāejenauu-jaathēhādaunau, nau haudnenayauhāthee hedsauwauvahedaunenau; <sup>18</sup> Nau hathāenaunauthauwauvahethee wauchāhenethe haujaunau: nau haenayauhaunauau, <sup>19</sup> Nau

\* 6:16 "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

haunauude hadaucha haevadauvasanau hanau daunudesanaunee hevadaude nau haevahenayauha. <sup>20</sup> Nau hanaāenāauhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk. <sup>21</sup> Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena. <sup>22</sup> Hauwunaunana nananena, henaneda hasānavānā, nau jaasauaunānā, nau naunaunauthevānā, nau hausāgudenauthe haneseedaunenau hadauwusaunee, haugau Henane Heāhene heee. <sup>23</sup> Haunauwuthajauau henee hese heee, nau jajanauau heee haunauwuthajau: hanau, naune, hanavanasauau hadaugautheavadenau hejavaa: hanau naneesedaugaune henesaunaunenau naneesehauhaugaune haeyāhehau. <sup>24</sup> Hau naunauthauau hadnauauchaudaune hathāeveaunauaune; haugau hanesedanauwuna hauwauthenaedede. <sup>25</sup> Naunauthauau hadnauauchaudauna hathāegaudana; haudnasenana. Naunauthauau hadnauauchaudauna hathāauchaunena hewaunehaa, hadnauwuthajauau nau hadvewauhuna. <sup>26</sup> Naunauthauau hadnauauchaudauna, daunhāene vahee henaneda hāethadenee hasenehethānā, hanau henesaunaunenau naneesehauyugaune jayaudauwaeyāhehau. <sup>27</sup> Hau hadāedauwunathava nananena hathāenedauvana, Vechauthaa nananena haujauthavenau, heneehaa hasānavādaunenau, <sup>28</sup> Hauwunaunaa hāwauwauchuvādaunenau, nau hevevethasaa hāwauwauchuhādaunenau nananena. <sup>29</sup> Nau henee haudauuvāde hajāeaunaa nau naugautha venene; nau hedanauaugu nananene hauddu jevaedanau jea naudauguvechude jevaethaa. <sup>30</sup> Hevenaa daun henaneda hānedauwunādaunenau nananene; nau jea jaenedauwunaa hedanauwunānagu daun hanetheyaunenau. <sup>31</sup> Daun hasevathehānaune henaneda hesehānenagu, nechau jenaasehaude. <sup>32</sup> Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevehauthauthee hethāevchauthādaunenau. <sup>33</sup> Nau hith nananena hethadāgu hasehaunā daun hāneneehādaunenau, haddusevaveeneva nananena? hanau naneesedaugaunee wauwauchudauhuhauau. <sup>34</sup> Nau hith nananena hehaunagu daun hāneejaunaudaunādaunenau, haddusevaveeneva? hanau wauwauchudauhuhauau nechau neehauhaugaunee wauwauchudauhuhau, hadnejanasesedanuu. <sup>35</sup> Hau vechauthaa nananena haujauthavenau, nau hethadeha hasedauna, nau hehānagu, jevajavathehāe; nau nananena haudaugautheavadenau hadvasauau, nau nananena hadnaāedāeyaunenena Javaājauuthee: nau neneenehaude nethāejevaveenenethe nau hauhauganau. <sup>36</sup> Hedauwuyaunee nananena, nananena Hāsaunaunenau jea hasedauwuyaunede. <sup>37</sup> Jevaauchuwuu, nau nananene hadnaajauchuwuhane: nau jevaduguthāe nau nananena hadnehauwuduguhuva: hejaegudanauwuyāe nau hadnejaegudanauwunane nananene: <sup>38</sup> Vāe, nau hadnevenana nananene, vavesethajauauthāe, dāayāe, nau dāesathāe, nau haunauwauauthāe, hauchauva, henane hadvenāna. Nechau hadnaasethajauaudaunāna hasethajauauthānā hadnanesethajauaudaunana. <sup>39</sup> Nau hanaāanadethaude haejejegausuhu, Gaunane-nauguhu jenenauājetha nanenauguhu? Gauhaudjenesauujanesenauau gauhanaa? <sup>40</sup> Thauguthāhe hehauwujavāāhe hechauhauthehādaune: hau haunauude hanesāde daun haunauudaunāde hathāhenith hechauhauthehādaune. <sup>41</sup> Nau naudu hanauhau-dauwu nananene hahavaa hejaheede hesesāe, hau haājevesehau havadauhaude hathāsewau hasesāe? <sup>42</sup> Wauāthe haudusenehethau nananene hahavaa, Jāedaā, hadaugauhauwunathe hajaheede hasesāe, hau daujenauhauwaude havadauhaude hathāsewau nehayau hasesāe? Nananene jayaudauwunaedehe, nedauau haugauhune havadauhaude hathāsewau nehayau hasesāe, nau hadenaāeneauvane hadenaāeneaugauhauwu jaheede hethāsathau hahavaa hesesāe. <sup>43</sup> Hanau hauhaude hethahagu hehauwuseaude wausaunee vevenaundenau; nau wauāthe wauchahagu hauhaude hehauwuseaude hethadenee vevenaundenau. <sup>44</sup> Hanau hadauchude hauhaude neaenaunede hanasaunee hevevenaundenau. Hanau hauchahevesee henanenauau hehauwunaadauhauānuu hauyauwunau nau dauchuwusee hehauwunaadauguunee dadajevenau. <sup>45</sup> Henane hethāde hehethee hethadenee heda nenauchaude hethadenee; hau wauchāhede

henane wausaunee heda nenauchaudede wausaunee: hanau waunauthaa hehethee hedahaa hede nanadenaunee. <sup>46</sup> Nau nauđu, Vahadāhene, Vahadāhene, haesena, hau nejeseđana hayauhuhau hasenehethathana? <sup>47</sup> Daun nādasāde nau nedaunānaugu hasenehenaunauau, nau hesedauhuk, haudnauhauthehathana haudnethāde: <sup>48</sup> Henanene henee nenesedenethe hauauwu naathāde, nau henee nejayauchauhuu, nau naneejenanauau hauauwuu dasee hauunaugāe: nau nauunauuu naje neje nau-nauthuu jaathāsāe henee hauauwuu, nau hehauwunauauvathāau: hanau daunāaudaa hauunaugāe. <sup>49</sup> Hau jaathedehe, nau janenaasedauthe, naathāde henanenau henee nedasauauvānethe vedauauwuu; nau neje jaathāsāe naunauthuu, nau nauhauhaunee naunenauauau; nau thauwusāe henee hauauwuu nevasauau.

## 7

<sup>1</sup> Wauhā hāevathanadede vahee hanasenehede daujajaathehade henanedanede, haedjedā Capernaum. <sup>2</sup> Nau jasaa vanenenaja hewauwaune haevechautha haeaugauwune, nau haeyānajane. <sup>3</sup> Nau hāenedauwauthaude Hejavaneauthusaun, haeautheava vachaugananenau Jews, haeadetha hadjaunith nau hadnenayauhaunith hewauwaune. <sup>4</sup> Nau hāedauchauthee Hejavaneauthusaun, haeautheauwaunauthasanauau haugau-naunee, hanau hethāde naa henane naa haudneenesedaude, hathauhaugaunee: <sup>5</sup> Hanau vechaudauau nadedanenau, nau nenesedaunānauau vevethahenauwuu. <sup>6</sup> Heee Hejavaneauthusaun hanaāejasesenethaunāde. Nau hāeauchauau hauauwu, vanenenaja haejajedauananenau henedaehauhau, Vahadāhene, jevawauchuthajau Nananene: haugau wauchāhenau hadjedāne naudauauwuu, hathauhuk: <sup>7</sup> Nanaa nāejawauchanavadede dauđasathane: hau vavade nehedaunanedede, nau naudautheau hadeenanedanede. <sup>8</sup> Hanau nananenau nanethenanenenau naunaudāhenau, nanethenu vanenanenauau, nau naāēdauwunauau hanesāde yehau nau naāejathāaude; nau jasaa, Nahāje, hathauau nau jaunaude; nau naudautheau, Nesede, hathauau, nau nanesedaude. <sup>9</sup> Hejavaneauthusaun hāenedauwaudauau nuu hayauhuhau, haegaugau-nava, nau haenauthegauthaagu, nau hanaāēdauwunaude henanedanau hethāethauguhādaunau, Hadāedauwunathava, Haunauau nāhauwuveehau vasee hethauwuthajuhu (naa hathāde henane), hegau, hehauwuu haduu Israel. <sup>10</sup> Nau henee hathāautheathee, hāejaenuusathee hauauwuu, haeveehanauau wauwaune haenanedanene henee neasauauvāhenith. <sup>11</sup> Nau hethauwuu jasaa hesee, hanaāehaude hedan Nain haseenauryāgu; nau haewauthanenau hethauguhādaunau henethaunādaunau, nau hauwauhuu henanedanede. <sup>12</sup> Wauhā hāayānausade hejavāaa dajanaunaa hedan, naune, naa najaa henane naunudanade, jasāsau henaune, nau haeeenesānene: nau haewauthane henanedanede hehethee hedan haenethaunaa. <sup>13</sup> Nau hāenauhauwaude Vahadāde haeauwunauna, Najenaudāve, hathauhuk. <sup>14</sup> Nau haedasa nau haevasane nauaunechauthau: nau hethāenauaunechauhādaunau haedādauyaugunenau. Haunaua, hāedauwunathane, Thauwauthe, hathauhuk. <sup>15</sup> Nau henee nenajaa haethauwau-daugu, nau haenaāejasesanadede, nau hanaāevenaude henaunene. <sup>16</sup> Nau nāthajaude haedasā vahee: nau haevaveenethedaunauau Hejavaneauthu, Havathee haeyāhe hanejauaude hadedanene; nau, Hejavaneauthu haenauujādauna henesaunau, hahagaunee. <sup>17</sup> Nau nuu dauauthedaunenede haenadesanaune vahee Judea, nau nanadee gauānee vedauauwuu. <sup>18</sup> Nau hethauguhādaunau Jaun haeauthedaunaa vahee nuu hayauhuhau. <sup>19</sup> Nau Jaun haeadetha hanesenethe hethauguhādaunau haeyethautheava Hejavaneauthusaun, Gauhanane henee waudaudjaude? nau wauāthe gauhadnaudenauhauwau jasaa? <sup>20</sup> Hāedauchauthee henanenauau, Jaun Dusaayāhe janāđautheavānauau Nananene, hathauhaugaunee, hanaāenaudedaunauthee, Gauhanane henee waudaudjaude? nau wauāthe gauhadnaudenauhauwau jasaa. <sup>21</sup> Nau vavade hāauchauau haenayauha haewauthanenau vavavāuhuhau nau havathee haugauwude, nau wauchāhenith haujaun; nau haewauthanenau nanenau-guhuhau haevana nauhauthau. <sup>22</sup> Hejavaneauthusaun hanaāēdauwunāthee, Naja-jathāauau, nau hadāedauwunauva Jaun hathāhaugaunee, hayewhu hanathauhauthāna



nau hathadauvana; hasejaenauhauthāde nanenauguhu, jeneejavesāhe daujavesade, naunaujaunee hedaugauwudaunenau dauuyaudahethee, hayājādāhe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade. <sup>23</sup> Nau hauwunaunade daun najewauchuthajaudaunāde. <sup>24</sup> Nau hāejathāaunethe Jaun hedauthaunau, hanaāejasesanadedauau henanedanede hasenaedenethe Jauneau, Hayew nananena haewaunenauhauthaunenau nauaunee? gau-gauguyāse daunauavasee? <sup>25</sup> Hau hayew nananena hāewaunenauhauthaunenau? Gauhenane hedāchaunau hejajehaunenau hedāchaunau? Naune, nethāeneenuhuthethee, nau neneenaedethee thanāsee nenauchuwunethe hedauauwunenenu. <sup>26</sup> Hau hayew hāewaunenauhauthaunenau? Gauhaeyāhe? Haa, hadāedauwunathava nananena, nau javaāsee haeyāhehau. <sup>27</sup> Naa nananene, wauthaunese, Naune, hadjejenanauau Naudautheau hathaaguna, hadnesedaunāna hauvaunenau sayānee Nananena. <sup>28</sup> Hanau nāedauwunathana, hadedanenu nethāenesaunevāna hesānauau hehauwujavaāse haeyāhe hathāde Jaun Dusaayāhe: hau hena haugajehede hanedauhuk henajanedanene Hejavaneauthu javaāhehuk. <sup>29</sup> Nau vahee henanedanede hathāenedaunāde, nau hauāyāhehauau, hanaāechuwauthethajaudaunauthethe Hejavaneauthu, haenethedusaanā dusaayāhew Jauneau. <sup>30</sup> Hau Nesethajauhuhauau nau nanavaavehehau yese nehayau haeausagudenauau hevathethādaunene Hejavaneauthu, haejenethedusaanā (Jauneau). <sup>31</sup> Nau Vahadāde hahagu, Hayew naudneedajenehethau henanedanede nuu henaedede? nau haethahenauthethe? <sup>32</sup> Waude dāeyaunauauau hathahethee theaugunauthethe haudaunanauauwuu, nau danadethadethee, nau nanāhethethee, Nevadauhana, hau nananena nejevādana; naudauwuthajaudauwunana nananena, hau nejevewauhuna. <sup>33</sup> Hanau denauusade Jaun Dusaayāhe dejevethethee jauaujaunau nau dejevanaa vasevenenaje; nau nananena nanethenaude haujaun, nethauna. <sup>34</sup> Heau henane daunauusade dauvethede nau dauvanaa; Nauhauvaa naa henane naudaudāhe, nau vasevenenajevanehe, henedaehauhau hauāyāhehau nau wauwauchudauhuhau, nethauna. <sup>35</sup> Hau haeyaude chaunuwuthajaudaunaude vahee hedāeyaunewau. <sup>36</sup> Nau hanesāde Nesethajuhu haeadetha haudjewaunenethevethehevāde, nau haeyehau haejedā Nesethajuhu hedauauwunene, nau haejanaugu hadvethede. <sup>37</sup> Nau, naune, hesā hedan, haeauhaugane, hāenaunaude Hejavaneauthusaun daujanaugunith hadvethehenith Nesethajuhu hedauauwunene, haejāchaude jāvasaa chauayau, <sup>38</sup> Nau haetheaugu hegauwune heauthene haevewau, nau hanaāejasesahesadede heauthene hee hedejee nau haeheahenauwu hee henethaanene, nau haenedane heauthene, nau haechauane hee chauayau. <sup>39</sup> Wauhā Nesethajuhu hāadethaude hāenauhauwaude, haejaevenanadethade, Naa Henane, haeyāheyaugu, hanaenaunaude daunhadāhenith nau daunhathāhenith nuu hesāne hevasanādaune: hanau wauwauchuduhu, hahagu. <sup>40</sup> Nau Hejavaneauthusaun hanaāāedauwunaude, Simon, haudnāedauwunathane nananene. Nau hanaāenehethaude, Hechauhauthethāhe, nanehe. <sup>41</sup> Hena jasaa sayānedanauwuyau haenesenenau hesayānedanauwunādaunau: hanesāhenith yauthaunevadadausauau vāejethā, nau jasaa yauthauyauau. <sup>42</sup> Nau hāeyauhuunee haunaudauhudaunene, haenanethauaunegudanauwuna nesauuu Jeēdauwune, hanaane hevehauthādaune javaānee? <sup>43</sup> Simon hanaāējaāedauwunaude, Nauchāe nananenth henehejavaāgudanauwunaune. Nau hanaāāedauwunaude, Nananene neaenauwu. <sup>44</sup> Nau hanaāeyethaagude hesāne, nau hanaāāedauwunaude Simoneau, Gauhau-nauhauwau nananene naa hesā? Nananenau nejedānau haudauauwuu, nananene hāehauwuvene naje hee nauaudau: hau neheahesadede nauaudau hee hedejee, nau neheahenauau henethaa. <sup>45</sup> Nananene hāehauwunedane hau naa hesā hāenauusanau-nauau hehauwuthauujenedane nauaudau. <sup>46</sup> Naudauguhua nauguu javeda nananene hajechauusānene hau naa hesā nechauanauau nauaudau hee chauayau. <sup>47</sup> Naa hāedauwunathane nananene hewauchudaudenau waunauthanee gaunudanauwunade; hanau dauvechauthāde javaānee hau daun vanehaa gaunudanauwunade vavade hasevehauthāde vanehaa. <sup>48</sup> Nau hanaāāedauwunaude hesāne, nananene hauwauchudaudenau jaegudanauwunane. <sup>49</sup> Nau hethāenedauguvādaunau dauvethethee

hanaāejasesanadethee hegaugauuthajaudenenauau hanaa naa negudanauau wauchudaudenau jea? <sup>50</sup> Nau hanaāēdauwunaude hesāne, Nananene hadethauwaudaude henayauhāne nananene; najesa hadnauwauthenesane.

## 8

<sup>1</sup> Nau hethauwuu waunee haejathāau nanadee hadauchanenee hedan nau hajaseehedan, dauaunauthedade nau daunaunauhauthethāde neethajaude waunauyaunee hasaunee henajanedanene Hejavaneauthu: nau vadadauchunesenee haenethaunaa, <sup>2</sup> Nau jasaa hesānauau, haenayauhau dewauchāhenethe haujaunau nau vavavāauhuhauau, Mare haseadagu Magdalene, naunudanavathe nesaudauchu wauchāhenethe haujaunau, <sup>3</sup> Nau Joanna henene Chuza Herod hadāhevāhe, nau Susanna, nau haewauthanauau hauthauuau, hevenādaunau hethāenetheyaunenenu. <sup>4</sup> Nau hāneenawauthaa henanedanede dauuāchāudenee, nau haedasaa hehethee nanadee hedane, hanaāēanadede jegausauhānee: <sup>5</sup> Jenayāhe haewauneneāgude hejenayaunau: hauthauau haejajanesanau vaunaa; nau haeauguhudaunene, nau neahehauau hejavaa haeaudauvanauau. <sup>6</sup> Nau hauthauau haedasegaugauusanau hauunagāe; nau chauchaunu hāeveseuu, haenadadanau, hanau daujenajenee. <sup>7</sup> Nau hauthauau haejajanesanau hegauau dauchuuwusee; nau dauchuuwuse haenauguveseaunau, nau haeajedaunanā. <sup>8</sup> Nau hauthauau haegaugauusanau dasee hadauuthadee vedauauwuu, nau haeveseaunau, nau haeneeaunau vadadausauau jenayaude. Nau hānehedauau nuu hayauhuhau, haevasenehe, Daun henaudaununede, nanehanedauvade. <sup>9</sup> Nau hethauguhādaunau haenaudedanau, duthanau nuu jegausudede, hathāhuk? <sup>10</sup> Nau hahagu, Nananena vanenana haudnaenauwuna jaeyaunau henajanedede Hejavaneauthu: hau hauthauuau janegausauhuthee; hadnenuhauthāthee havajenuhauwuu, nedauvāhehauau havajaenauwu. <sup>11</sup> Wauhā, heyew hasauau jegausudede: Jenayaunau hedenehede Hejavaneauthu. <sup>12</sup> Henee vaunaa nanathee nenedauvathee; hanaāēnauusade haujai, nau nedanauwunāthee hanadede hadahenauau, naseduhuu hethauwuthajauau, nau hadenanedanena. <sup>13</sup> Henee hauunaugāe nanathee, nenedauvanauthe nenedanuu hanadedaunau nauuu haunauwuthajaude; nau nuu hehauwuthājenenuau, vanehaa nethauwauduu, nau nauauchaudaunauthe vasehadede naneenaunegauhuthee. <sup>14</sup> Nau henee nejajanesāe thauhauthauchauyauau dauchuuwusee nanathee, hanesenedauvanauthe, nanejathāuthee, nau neenadejethathee hee haunaunethaude nau nethauyādahede nau haunauwudaude, hee nuu henaedede, nau hehauwunauuchaudenauau vevenaudenau hadauuyauthaunee. <sup>15</sup> Hau henee hadauuthadenee vedauauwuu nanathee, hethauvahethee nau hethadenee hadahenau nenedauwauduu hanadedaunau, naunaunedethee, nau nenauuchaudethee vevenaudenau hee jenuwauaunee. <sup>16</sup> Hegau henane, hāesedeauchauuu nauuuthayau, hehauwau gau hee vasaunau, nau wauāthe hehauwujenane thānee hauvaa; hau nethānauau nauuuthayau neetheaugunee daun janedāde hadenuhauwuu nauuuthayāgu. <sup>17</sup> Hayewhu hehauwuyauthesa, haudjauthasenesee; wauāthe hayewhu hehauwuyau hadjaenaunee nau hadnejaunauau hauthasauau. <sup>18</sup> Haunauyauhauwuu hanathadaunanā: daun nanethenaude, nananede haudnevenade; nau daunjanenethenaude, nananede haudnedanauwunade daun henetheyaunau. <sup>19</sup> Hanaāēdasāde henaune nau henethesaunau, nau haejenedasaa hee dauneethenedaunenee. <sup>20</sup> Nau haeāedauwunaa jachau hathāhuk, Hānu nau hāthesaunauau theauguthee jathee, vanadaunauhauvānaune. <sup>21</sup> Nau hanaāēchuhananadede nau hanaāēdauwunaude, Nānu nau nāthesaunauau nuu nanathee nenedauwauduu hedanadedanene Hejavaneauthu, nau naasedauthee. <sup>22</sup> Wauhā hethauwuu jasaa hese, haejedā thewaunaa nauuu hethauguhādaunau: nau hanaāēdauwunaude, hadeyaunau hauchaunau neajee: nau hanaāējathethuuthee. <sup>23</sup> Hau haejehauthee haenaugau: nau hanaāēnauasaa neajee haenaudasa; nau haechauchauanane naje, nau haenedaudauwugaujauaudahede. <sup>24</sup> Nau hanaāēdauchauthee, nau



haeauwaudananauau, Hechauhauthethāhe, Hechauhauthethāe,\* gaujauaudāhenauau, hathauhaugaunee Hanaāethauwauthede, nau hanaāeneudauau hasāse nau dasenaunanaunee naje: nau hanaāedauunauuu, nau hanaāedāduyauau. <sup>25</sup> Nau hanaāenehethaude, daude hadethauwaudadenenau? Nau haenāthajaunauau haejenaunethajaunauau, Dauhuthenane naa, hanathadagaunee; haauchuwudede hasāse nau naje, nau hanaāethauwaudaunāde. <sup>26</sup> Nau hanaāenuusathee vedauauwu Gadarenes, hauchaunau Gananee. <sup>27</sup> Nau hāeyehaude vedauauwu, hena haenuchaunaa jathee hedan jachau henanene, haenethena haujaun dajechauau, nau haevedauauchauna, haejenaede hauauwu, hau nedauthānavathe gaujauaudahehehau. <sup>28</sup> Hāenauhauwaude Hejavaneauthusaun haevasanade, nau haechaagujanaugudauna, nau hanaāevasanadethaude, Hauddusehathe, Hejavaneauthusau, Nananene Heau Hejavaneauthau javaājauuthee? Nenedauwunathane Nananene jevanaunauchauthehe. <sup>29</sup> (Hanau haenesedauwauna wauchāhenith haujaun hadjenauahenith hehethee henanene. Hanau nauaunee dauhusedanāde: nau naunaunehade neduguhude heee vāejethāduguthaunau nau nesaunajethaunau; nau haegaugauchauagude heeduguhudaunau, nau haejathethasauaunaa haujaun hese nauaunee.) <sup>30</sup> Nau Hejavaneauthusaun haenaudedanaa, Haudusee? hathāhuk, Nau hanaāēdauwunaude, Waunauthade: hanau dewauthanethe haujaunau hethāchaudaunādaunau. <sup>31</sup> Nau haenedauwunanaunau hadjenesedauwaunathee hadjeyehauthee hethauvaa. <sup>32</sup> Nau hena haewauthanaunau neauthuwauchu nevethehethee hauanee: nau haenedauwunanaunau hadjenanāthee wauhaunee. Nau haejenana. <sup>33</sup> Hanaāenauahethee haujaunauau hehethee henanene, nau haewauhaunesanaunau neauthuwauchuu: nau vahee neauthuwauchu haejathegauhunauau neenane janahuu yese neajee, nau haevanadeavenauau. <sup>34</sup> Hāene henee nauchauwauthee daunauhaudu hasedaunenene, haedaugauhunauau, nau haejathāaunauau nau haeauthedanauau hedan nau vedauauwu. <sup>35</sup> Hanaāeyehaudenee hadnauhauwu daun hasedaunene; nau haedauchau Hejavaneauthusau, nau haeevethau henane, heneenenauthāde haujaunau, haetheaugu heauthene Hejavaneauthusaun, haedāchaunene, nau haechuwuthajaune: nau haenāthajaudene. <sup>36</sup> Henee nenauhauwauthee haeauthedanauau neesenayauhade nenethenaude haujaunau. <sup>37</sup> Hadauchaa hathāauauvaa Gadarenes gauānee haejathethajenāhenauau; hanau dauusāhede: nau hanaāeyehaude nauauhuu jethe thewaunaa, nau hanaāejaesade. <sup>38</sup> Wauhā henane nenauthāde haujaunau haenehethaa hadnenethaunāde: hau Hejavaneauthusau haejathethajenāhe, hathauhuk, <sup>39</sup> Jaeyehau haudauauwu, nau hadnauhauthethā hathāenavasauau hayewhu Hejavaneauthau hasehāne nananene. Nau hanaāejathāaude, nau haeautheda nanadee hathāaunee hedan hathāenavasaunee hayewhu Hejavaneauthusaun hasehāde. <sup>40</sup> Nau hethauwu hāejaenauusade Hejavaneauthusau, henanedanede haeneethajaudanaa: hanau haevadauyauhauwau. <sup>41</sup> Nau, naune, haejenauusa henane Jairus haseagu, nau hadāhevāhe vevethahenauauwu: nau haeuāneseve Hejavaneauthusaun heauthene, nau haedetha hadjewaunejedānith hedauauwu: <sup>42</sup> Hanau haenesāhene hedaunau wauau hanesenee jajenevāhe, nau haeayānajane. Hau hajesesade henanedanede haevauhaunaa. <sup>43</sup> Nau hesā haevathaude nesenee jajene heee, haevathede haunauude hevāejethāwau heee naudaunehāhehau, hau haejenayauhau, <sup>44</sup> Haeedasa hegauwune, nau haevasane naunauchuu heduwune: nau chauchaunu haejenevathaude. <sup>45</sup> Nau Hejavaneauthusau hanaa navasanāde hahagu? Hāevahethedauwaudenee, Peda, nau hathāenethaunāde, Hechauhauthethāhe, henanedanede vauhaunane nau naneethenane, nau hanaa navasanāde, nesehene? hathauhaugaunee. <sup>46</sup> Nau Hejavaneauthusau, hanaadee vasanānu, hahagu: haenauwau daujasesenauau vadaude hehethee nananenau, hahagu. <sup>47</sup> Nau hāenauhaudauau naa hesā daujeyauthesee haejeyehau haeahenauau, nau hanaāechauāgujanaugudaunaude, haeauthedauna hauthasee vahee henanedanede

\* 8:24 Possible missing “h” in “Hechauhauthethā(h)e” (“Master”).

hathavasanaude, nau hasenayauhāde chauchaunu. <sup>48</sup> Nau hanaāēdauwunaude, Nauddau, nanehāauwauthenaedene: nananene hadethauwuthajaude henayauhāne nananene; najesa haunauwuthajau. <sup>49</sup> Hajesanadede, hena haejau hanesāde hehethee hadāhevahew vevethahenauauwuu, haeāedauwuna, Haudauna najaa; jevajenaunevene Hechauhauthethāhe. <sup>50</sup> Hau hāenedaunāde Hejavaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk. <sup>51</sup> Nau hāejedāde hauauwuu, henanedane haejevadaujedāne, vavade Peda, nau James, nau Jaun, nau henesaunaune nau henaune hesāhedāeyaune. <sup>52</sup> Nau vahee haeviewauhudaune, nau haeaudauwuthajauhā: hau hanaāenehede, Jevavewauhuu; hehauwunaja, nauthe naugauhude. <sup>53</sup> Nau haeauchauthanauau haevachunaunanauau, dauaenaunauthee daunajanethe. <sup>54</sup> Nau haevanudana, nau hanaāedanaude hejadenene, nau hanaāanadethaude, Hesāhee, thauwauthe, hathauhuk. <sup>55</sup> Nau hevadathuwu haejaedasaa, nau haethauwauthe chauchaunu nau hanaāenehede hadnauchauvavathe. <sup>56</sup> Nau henehā haegaudauwuthajaunenau: hau haeāedauwuna hadjāedauvanethe henanedaa hasedaude.

## 9

<sup>1</sup> Hanaāadethaude vadadauchu nesenee hethauguhādaunau hauānee, nau haejaanauwuna naudahede nau hadvaheneedauthee nanadee vahee haujaunaa, nau hadnenayaudethee haugauwude. <sup>2</sup> Nau haejenana hadnauthedaudauwunethe henajanedauene Hejavaneauthu, nau hadnenayauhaunethe hasauwauvahehehau. <sup>3</sup> Nau hanaāēdauwunaude, Jevaedanauwuu hayewhu hee hajavechaudenenu, daudause haugaudauhunau, daudause newaugusajaānauthau, daudause jauaujau, daudause vāejethā; daudause jevanesauguvechudaunaa. <sup>4</sup> Nau daun hauauwuu hadaujēdānā jenaadauna, nau jenaathejathāauna. <sup>5</sup> Nau daun hajethauhauvādaunenau, hāenauahenā hena hedane, hadegauyāējaheva naudauuyāgu hadneaenaunathee. <sup>6</sup> Nau hanaāejathāauthee, nau haeehedesanauau hauauwudan, haeauthedaudauwuu hethadenee waunauyaunee, nau haevahenayauthānauau nanadee. <sup>7</sup> Wauhā Herod naja haenedauva vahee hanasedaudenenee hee: nau haejaene, hanau haenaasenehedaunee gauuu, henee Jaun jaegauhāde hehethee denajaa; <sup>8</sup> Nau gauuu, henee Elias naunauhauthethāde hedanayau: nau hauthauauau, hanesāde dajechauau haeyāhehauau jaegauhāde. <sup>9</sup> Nau Herod haenehe, Jaun nedavaāsauau: hau hanaa naa, nandedauwauthau? Nau haevadaunauhauva. <sup>10</sup> Nau vadauhanauau, hāejaenuusathee, haevahauthedaunaa hanasedaunethe. Nau hanaāedanaude, nau hanaāejathāauthee hevenanee hese hadaunechaudanee hathauau hedan Bethsaida haseāgu. <sup>11</sup> Nau henanedanede hāenuu, hanaāethauguhauthee: nau haeesedana, nau haeauthedauna hasaunee henajanedauene Hejavaneauthu, nau haenayauha hathāevadaunayauhathee. <sup>12</sup> Nau hāyānaesade, hanaāejenuusathee nesenee, nau hanaāenehethāde, Nanehāejathāaudenee henanedanede, hadehaudenee hauauwudan nau vedauauwuu nauanee, nau hadenethee, nau hadejasedauthee vethewau: daunechaudaa hadaunauau. <sup>13</sup> Hau, Venaa nananena hadevethedane, hathauhuk. Nau hanaāēdauwunauthee, Hau nanethenauwunauau hehauwujavānee hayauthaunāe jauaujaunau nau hanesethe nauwu; hanāyehaunee nau haunaudau-nauhuu vethewau hee vahee nuu henanedanede. <sup>14</sup> Hanau wauau haeyauthaune vasevadadausauau henanenauau hanaadauchuthee. Nau hanaāēdauwunaude hethauguhādaunau, Janauguhā yauyauthauyauaugunauha. <sup>15</sup> Nau hanaasedauthee, nau haevajanauguhanauau. <sup>16</sup> Hanaāedanauau hayauthaunanenee jauaujaunau nau hanesenethe nauwu, nau hanaāejēnāauguaude hejavaa, haevevethasa, nau haenaāejeanaunau, nau hanaāevenaude thauguthāhehau haudjenanauwunethe hathaājedaunenee henanedanede. <sup>17</sup> Nau haevethedane, nau haevahegaudaudene; nau haeauānenau jeyauwaunau hathāenathaudāe nesenee hanaadauchāe hanechauchaunāe nenethaudanee. <sup>18</sup> Nau hethauwuu, haenesenane, dauvevethahede, Hethauguhādaunau haenethaunaa: nau hanaāenaudedaunaude, Hanaa nenehede

henaneda daunanenau? hathauhuk; <sup>19</sup> Hanaāauchuhananadethauthee, Dusaayā Jaun; hauhauthauauau nethee Elias; nau jasae nethee hanesāde dajechauau haeyāhehauau jaegauhāde. <sup>20</sup> Hanaāenehethaude, hau hanaa nenehede nananena daunanenau? Peda hanaāauchuhanāedauwunaude, Chris Hejavaneauthau. <sup>21</sup> Nau haeneenadauduvā, nau haenesedauwaunā hadjāedauwunaunethe henanedanau henee; <sup>22</sup> Heau henane hadnasenede wauthanee heee hayewhu, nau hadnausāguthāde vachaugānanenau nau naja vevethahevahehauau nau wauthaunauhāhehauau, nau hadnaade, nau hadjaegauhāsanade nasese, hanathauhuk. <sup>23</sup> Nau hanaāevahāedauwunaude, Hith henaneda jethauguhānaugu nanehanaunauchauthehadede, nau jeedane henaugauchu hayauwusenenee, nau najeethauguhaa. <sup>24</sup> Daun haunaugaunayaude hedenadede hadnanadede: hau daun hanadede hedenadede heee nadanayau, nananede hadnenayauhadede. <sup>25</sup> Hauddusedau henane, vahesedanauaugu hathāauauvadenee, nau hanahadagu, nauwauāthe hausāguthadagu? <sup>26</sup> Daun naudauthedaunāde nau nadanadedauau, nananenith Heau Henane haudnaudauthedaunaunith, hāenauusathe nehayau hadauvasāthanith, nau Henesaunaune hadauvasāthanith, nau vadanee hautheaunauau hadauvasāthanethe. <sup>27</sup> Hau hadethauwauthedaunathava hauthauauau theauguthee hede, haudnehauwuvajadauwu gaujauaudahede, haunaude haudnauhauuu henajanedauene Hejavaneauthu. <sup>28</sup> Nau hethauwuu wauau hanasaudauche hāesenehede, Hanaāedanaude Peda nau Jauneau nau Jameseau, nau hanaāenauauhusathee hauanee hadnevevethahethee. <sup>29</sup> Nau hajesevevethahede haenauasāaune hedauchaveau haeanathadene, nau hedāchaunau haenaujaunenau nau haenaunauaugausauaunenau. <sup>30</sup> Nau naune haeanadethaa hanesenethe henanenau, haenanenau Mosaseau nau Eliaseau; <sup>31</sup> Daunauhauthethāde hedanayau haenausāaune, nau haeauthedaude haudgaujauaudāde hadvathechauchaunadede hehethee Dādaunedan. <sup>32</sup> Hau Peda nau hethāenethaunādaunau haenauwaunanenau: nau hāauwaudauaunethe, haenauhaudauwunenau henauasāaude, nau hanesenethe henanenau haenethauguvaa. <sup>33</sup> Nau hethauwuu, hāenauthāde, Peda hanaāanadethaude Hejavaneauthusaun, Hechauhauthethāhe, hethadee hasanedaunee hede: nau hadenesedauna hanasāe nenaunau; hanesadee Nananene, nau hanesadenee Mosese, nau hanesadenee Elias; haejaene daunhasenehede. <sup>34</sup> Hajesanadede, haejenauusanau henaunauade, nau haeduguaunā: nau haenāthajaunaunauau daujedāthee henaunauadee. <sup>35</sup> Nau haejeanadedauone hehethee henaunauadee, Naa nananede Navechauthau Nāa: nedaunaa, hāheagu. <sup>36</sup> Nau hāesanadedauone, Hejavaneauthusaun haenesenane. Nau haeyaudenauau, nau haejāedauwunanauau henanedane hena hesee neanāthauhauuu. <sup>37</sup> Nau hethauwuu, dauauthesenenee, hāejejanauhusathee hehethee jauaudanee, haegauāhenenau henanedanau hejajedauaunādaunenau. <sup>38</sup> Nau, naune, henane hehethee henanedaa haevasanade, Hechauhauthethāhe, nenedauwunathane Nananene, daugauhauwune nāa: vavadenaanesāde nadāeyauneve, hathauhuk. <sup>39</sup> Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunaude jeda, nau haeasenehaa haejechuwauthenauthaa. <sup>40</sup> Nau nananenau neauthewu hāthauguhādaunauau hadnausāguthauthee; nau nejenedauthee. <sup>41</sup> Nau Hejavaneauthusaun hanaāauchuhananadethaude, Hau hāhauwuthauwuthajau nau daujechuwauthenaedene, haudedauhujesenedauguvatthe, nau haddauhujesenethauguvatthe? Jāsene nananene hāa hede. <sup>42</sup> Nau hajesejaude, haujaun haeauguthaa, nau haethauwuguthaa. Nau Hejavaneauthusaun haeneneuva wauchāhenith haujaun, nau haenayauha dāeyaunauau, nau haejaeena henesaunaunene. <sup>43</sup> Nau haevagaugauanadauwu hasevasenaudāhenith Hejavaneauthu, Hau hajeseaugauanadauu haunauude vahee hayauhuhau Hejavaneauthusaun hanasedaunith, Haeāedauwuna hethauguhādaunau, <sup>44</sup> Chuwauthee nuu hanadedauau jedānauha haunaudaununenau; hanau heau henane hadvenavathe hejadenene henanenau. <sup>45</sup> Hau haejaenauwu nuu hasenehenith, nau haeyaudaunaunauau, haejaenauwu: nau haeadaunaudedauanauau hasenehenith. <sup>46</sup> Hanaāegaugauudedauone, hanaadee haudvasāthaa. <sup>47</sup> Nau Hejavaneauthusaun,

haeaenauwu hanasethajauthee hedahenauau, haedana dāeyaunauau, nau haeauyोजना, <sup>48</sup> Nau hanaāēdauwunaude daun hanesedanaude nuu dāeyaunauau naneseedaunaa hadnesedanānu: nau daun nāsedanāde haudnesedanaude nājejenanādaune; daun javaānadavenuhunedē haunauude nananena vahee nananede hadnaasevasāthaa. <sup>49</sup> Nau Jaun hanaāauchuhanāēdauwunaude, Hechauhauthethāhe, neenauhauwaunauau hanesāde nenuguthaude haujaunau hee haneseede; nau needauduwaunauau, hanau dauhujenethaunānuau. <sup>50</sup> Nau Hejavaneauthusaun hanaāēdauwunāde, Jevadauduvaa hāhauwasānavāne nanesevānuau. <sup>51</sup> Nau hethauwu, hāenauauchaunee hadneejejanauhudanāde, haechuwuyethaāne hadnehaude Dādaunedan, <sup>52</sup> Nau haeauthēva sayānee: nau hanaāejathāaunethe, nau hājedāthee hajasee hauauwudan Samaritans, hadnesaanudaunāde. <sup>53</sup> Nau haejesedanaa, hanau dauyethaāsade Dādaunedan. <sup>54</sup> Nau hāene hethauguhādaunau James nau Jaun daunauhaudauwunethe nuu, hanaēnehethe, Vahadāhene, gaujevadaunedauwaune heseda hadjejanauhusanauau hehethe hejavaa, nau hadnevadauchauuthee, neesedaude Eliās? <sup>55</sup> Hau hanaāeyethaādausade, nau haeneneuva, Nananena hāhauwaenava daun vadathau nananena hadahena, hathauhuk. <sup>56</sup> Hanau Heau henane hehauwuujau hadnenauaudede henanedanau hedenaededaunenenu, hau hadnenayauhaude. Nau hanaāeyehauthee jasaa hajasee hauauwudan. <sup>57</sup> Nau hethauwu, hajesethaugudethee vau, jachau henanene hathāhuk, Vahadāhene, nananenau hadnethauguhathane nananene daun nananene hanasesanaune. <sup>58</sup> Nau Hejavaneauthusau hathauhuk, Gauauwuauau neyāethee, nau neaheauau hejavaa nenauhuchaunethee; hau Heau henane heyauhuunee nedausevaānede. <sup>59</sup> Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau nāsaunau. <sup>60</sup> Hejavaneauthusaun hanaāēdauwunāde, Nanehajanauthee gaujauaudahehehauau negaujauaudāhenethee: hau jathāau nananene nau haddauthedaude henajanede Hejavaneauthau. <sup>61</sup> Nau jachau jee, hathāhuk, Vahadāhene, hadnethauguhathane nananene; hau jechuwauthehe nedauau nawaunenaunenechauthaunauau, hanedauthee nayāenau naudauauwu. <sup>62</sup> Nau Hejavaneauthusaun hanaāēdauwunāde, Hegau henane, dunauaugu thauauauwujethau, nau jaaāyangu, hehauwunaathā henajanedanene Hejavaneauthu.

## 10

<sup>1</sup> Nuu hee Vahadāde haeauthēva hauthauau nesaudausauau jee, nau haeyeyethauthēva hanenesenethe sayānee haunauude hedan nau vedauauwu, haudnanādaunauusade. <sup>2</sup> Henaheee hanaāenehethaude, Jenayaunau hethauwuwauthāe haneseuu, hau nesethāhehauau hajewauthathee: vevethahee nananena hee Vahadāde deseujenayaunau, hadejejenanaude nesethāhehau hejenayaunaa. <sup>3</sup> Jathāauau nananena hathāāsana; naune nananenau janenanathana neānee waude haudāsaunauau hejee hauchāhee. <sup>4</sup> Jevanewuunauwu nesevāejethāwaunau, newaugusajaānauthau, nau wauaunau: nau jevanaunenāthedaunaa henane hauvaunenau. <sup>5</sup> Nau daun hauauwu nananena hadaujedānā, Dādauyauha nuu hauauwu, nedauau hadeva. <sup>6</sup> Nau hith heau dādaunee hanedauyugaune, nananena hadādaunahedaunenau hadnaadaudayānusaa: hau jene hadjaegauusedaunāna. <sup>7</sup> Nau vavade hauauwu hadanedauva, hadevethēva nau hadevanava daun hayauhuhau hauchauvadenenau: hanau nesethāhe naunaudaunade. Jevaenejedāe hauauwu. <sup>8</sup> Nau daun hedan nananena hadaujedānā, nau hesedanānagu, hadevethēva daun hayauhuhau hajenanauwunādaunenau: <sup>9</sup> Nau hadenayauhauva hasauwauvahehe daun hanedaude, nau hesau jeenanethāedauwunauna, Henajanede Hejavaneauthau hayāedasāna. <sup>10</sup> Nau daun hedan nananena hadaujedānā, nau jesedanānagu hadjajathāauva hasesana hehethe hadaugauchaudāe hauauwudan, nau hesau jeenesenehethauna, <sup>11</sup> Dause nauthejahathaugu nananena hadedanaunenau, heejahadāheagu, neyesegeaunuhudee nananena: hau nananena hadethauwaenava nuu, henajanede Hejavaneauthau

hayāedasāna. <sup>12</sup> Hau hadāedauwunathava, hadjavaānanethauauyauau hena hese hee Sodom, javaānee hee hena hedan. <sup>13</sup> Naunauthauau hadnauauchaudauna, Chorazin; naunauthauau hadnauauchaudauna, Bethsaida; hanau havathenayauthau heheenesedaudeneagu jedauwuu Tyre nau Sidon, nuu hasehana nananena, dajechauau neaunaunevethajauduuhewauchudaudenenu, needanaugudaunee neachuwaudene naujuwau nau jaetha. <sup>14</sup> Hau hadjavaānanethauauyauau hee Tyre nau Sidon hāenaudedauwunadedaunee, javaānee nananena. <sup>15</sup> Nau nananena, Capernaum, hanejanana yese hejavaa, hadjaejanauhane yese hadauveeyauau. <sup>16</sup> Daun hajaathehādaunenau nananena hadjaathehānau; nau daun hauwauchānavādaunenau nananena haudwauchānavānau; nau daun nauwauchanavāde hadwauchanauwaude najejenanādaune. <sup>17</sup> Nau nesaudausauau haejaenauusanauau nauguu neethajau, hanaāēdauwunauthē, Vahadāhene, daudause haujaunauau hanechauwauaunaunauau hee nananene haneseede. <sup>18</sup> Nau hanaāēdauwunāthee, Nenauhauwauau Haujau waude jahagude hasejanasaa hehethee hejavaa. <sup>19</sup> Naune, Nananenau vanenathana nananena naudahede hadnauguhudaunauna seseyānauau nau hauwauhaudathee, nau nanadee vahee henaudahede haujau: nau hegau hadneaseneva. <sup>20</sup> Hau vahee nuu jevaneethajaudauwuu, haujaunauau dauchauwauaunauna; hau henauthauneneethajauau hanau nananena haneseedaunenau dauwauthaunauhuu hejavaa. <sup>21</sup> Hena hāauchauau Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauauwuu, hanau Nananene dauyauaunaude nuu hayauhuhau hehethee nadaunahehehauau nau hathauwunanenauau, nau hadnauhauthehauva dāeyaunauauau: hethauwuu, Nāsaunau; waude hethadee nananena hasesānenau. <sup>22</sup> Vahee hayauhuhau vanenānau Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa, nau nananede hanaadāne Heāwaune hadnenauhauthehāde. <sup>23</sup> Nau hanaāejaedaugauhauwaude hethauguhādaunau, nau hanaāanadethaude hevenanee, Haunauwuthajauha hasesānenau dauhunauhauwuna hayauhuhau hānauhauthaunenau: <sup>24</sup> Hanau nananenau hāedauwunathana, waunauthathee haeyāhehauau nau nenauchuwuthee nevadaunauhauuu hena hayauhuhau hānauhauthaunenau, hau hehauwuthauunauhauwuu; nau devadaunedauwauuu hena hayauhuhau hānedauwauthaunenau, hau hehauwunedauwauwuu. <sup>25</sup> Nau, naune, jasaa nanavaavehe haetheaugu, nau haenaundayādauna, Hechauhauthethāhe, nauddusedane jethaujenee henaedede? hathauhuk, <sup>26</sup> Hanaāēdauwunāde, Hayew wauthaunesaa nanavaavedaunaa? Hādusasauhaude nananene? <sup>27</sup> Nau hanaāēdauwunaude, Nananene hadvechauthau Vahadāde nananene Hejavaneauthau nauguu vahee nananene hadahaa, nau nauguu vahee nananene hadathuvaa, nau nauguu vahee nananene hadāhedaunaa, nau nauguu vahee nananene haugaugauuthajaudenaa; nau nananene hanedaudewau waude nehayau nananene. <sup>28</sup> Nau hanaāēdauwunaude, Nananene hethauvāne: nanehasedaune, nau nananene hadnenaedene. <sup>29</sup> Hau nananede, vanadauchuvanadede, hanaāenehethaude Hejavaneauthusaun, Nau hanaa nanedaudewau? hathauhuk, <sup>30</sup> Nau Hejavaneauthusau hanaāauchuhanāedauwunaude, Jasaa henane haejathāau hehethee Dādaunedan hese Jericho, nau haeesedanaa havedehau, haethauwujedaunaa hedāchaunau, nau haenesenehaa, nau haejathāaunenau, haenauthaa dauhayānaja. <sup>31</sup> Nau haejathedasaa jachau vevethahevahew hehethee: nau hāenauhauvāde, haejavechauthaa gauchuhunee. <sup>32</sup> Nau vavade Levite, hāedadauau hadaunith, haeda sa\* nau haenāuhauva, nau haejavechautha gauchuhunee. <sup>33</sup> Nau jasaa Samaritan, daujādade, haedasa hadaunith: nau hāenauhauwaude haeuwunauna, <sup>34</sup> Nau haeyehau, nau haedugudauna hadaunesenenith, haedaunauwuna javeda nau vasevenenje,

\* 10:32 Two words across a page (“haeda” and “sa”) perhaps should have been hyphenated, giving “haedasa” which, together with “haedasaa”, occurs eleven times elsewhere in the text. There are no other occurrences of “sa” standing alone.

nau haedasana nehayau hedauneau, nau haenauuchauha vethehedaunauauwu, nau haeaunauneha. <sup>35</sup> Nau daunauganenee hāejathāaude, haeadane hanesanenee hevāejethāwau, nau haevena hadāhevahew, nau hadaunaunehau, hathauhuk; nau daun hasegaujauauthedanānaune jee, hāejaenauusanaune nananenau hadaunaudaunathane nananene. <sup>36</sup> Hayewnau nuu hanasāe, hadeanathaunau, henedaudevādaune henee neesedanāde havedehau? <sup>37</sup> Nau hanaāēdauwunaude henee heauwunaunādaune. Hanaāenehethaude Hejavaneauthusau, nau jenaenesedaune nananene. <sup>38</sup> Wauhā hethauwu, daunausujavesathee, haenauusanauau jasaa hajaseehauauwudan: nau jasaa hesā haseagu Martha haejedana hedauauwunin. <sup>39</sup> Nau haeenahavāe Mare haseyaugaune, jea haejanaugude Hejavaneauthusaun heauthene, nau haenedauwaude hedanadedauene. <sup>40</sup> Hau Martha haedauwauchune dauwauthanee hasedaude, nau haejeedasa, nau hanaāenehethaude, Vahadāhene, gauhajegaudauvanade daujenuauthānau nahavaa daunesenesethānau? hāedauwunene hadenedahevānau. <sup>41</sup> Nau Hejavaneauthusau hanaāauchuhanehethaude, Martha, Martha, nananene haunaunāhene nau dejanethajaudauwu waunauthāe hayauhuhau: <sup>42</sup> Hau hanesadee hayewhu chaunauguauau: nau Mare hayāchauhauau henee hethadenee hadāde, hehauwuneejathechauhau nauthee.

## 11

<sup>1</sup> Nau hethauwu, henee, daunauvevethahede haedaunanenee, hāejenedaude, hanesāhenith hethauguhādaune hathāhuk, Vahadāhene, jeechauhauthehāa hadnesevevethahee, waude Jaun jea neesechauhauthehaude hethauguhādaunau. <sup>2</sup> Nau hanaāēdauwunaude, hāene nananena vanevethahenā jeenanesenehena, Hāsaunaunene Nananede hanedaude hejavaa, Vadanauha Nananene hanesee. Nananene hanajanede hanājaunauau. Nananene hathanavāane hadnaasedaunee hasauau hejavaa, nau jee nuu vedauauwu. <sup>3</sup> Hejevenāa hadaachusenee hayauwusenee vethewau. <sup>4</sup> Nau jeaegudanauwunāa hewauchudaudenedaunau hanau nechau nejaegudanauwunade haunauude hanesāde nethāesayānedanauwunāade. Nau jevaechauhāa nedauvasehadee; hau haugaunayauhāa hehethee hadau wausauau. <sup>5</sup> Nau hanaāēdauwunaude, hanaa nananena hadnenedaehahede, nau hadneyehaude thaudajaa, nau hadethaude, Va, jeehe hanasāe jauaujaunau; <sup>6</sup> Hanau nādae daunauujādaunānau, nau nananenau haeyahuunee nauchauwaude? <sup>7</sup> Nau hehethee jedauwu hadnauchuhanehede nau hadnenede, Jevajanethajuhu: dajanau wauwu haugauhude, nau nanesaunauau nanejauwu naudavua;\* nananenau nāhauwuneethauwauthe nau hajeneevenathane. <sup>8</sup> Nananenau hāedauwunathana, hadnehauwuthauwauthene nau hadvenāde hanau dauhunedaehāwaude, auhanau daunenāhede hadthauwauthenith nau hadvenāde daun hadauchuvathehāthe. <sup>9</sup> Nau nananenau hāedauwunathana, Henedauwauau, nau hadnevenana; henaudethāe, nau hadnevedena; hewaūdāhee (dajanau), nau hadnegaunedanauwunana. <sup>10</sup> Hanau haunauude hanesāde nethāenedauwaude nenaudauwaude; nau henee nenaudethāde nevenauau; nau henee newaudāhaude (dajanaune) hadgaunanauwunade. <sup>11</sup> Hith hāahenau nedauwunānagu jauaujaunau jasaa nananena henesaunaune, gauhadvena hauunaugane? wauāthe nedauwunāhuk nauwu, gauhadvena hauchuhanee gauhadnanene nauwunenith seseyāne? <sup>12</sup> Wauāthe nedauwunāhuk naunau, gauhadvena hauwauhaudanethe? <sup>13</sup> Hith nananena, hauhauganenagu, hadaenava hadnesevenauna hethadenee venadedaunau nananena hadāeyaunevenau: duthāee nananena hejavaa Hāsaunaunenau hadvenāva Vadanauwauthauwu nethāenedauwunauna? <sup>14</sup> Nau neausāguthaude haujaun, nau heehauwanadene. Nau hethauwu hāejathāaude haujau, hanaāejaanadede; nau henanedanede haegauguauthajaudene. <sup>15</sup> Hau jasaa hahagu, Nausāguthaude haujaunau hee Beelzehub najane haujaunaa. <sup>16</sup> Nau

\* 11:7 Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.



hauthauau, haenaudayādaunaa, haenehethaa hadnauhauthaudenenee hehethee hejavaa. <sup>17</sup> Hau haeaeene hedenethajaudenene, haeāedauwuna, Hadauchaa najanede nanayāsenauaugu nehayau hadneyauhuu; nau hauauwuu hasānavadenaugu hauauwuu hadjanesaa. <sup>18</sup> Hith, Haujau jea hasānavadagu, hauddusetheaugune henajanede? hanau nananena denehena nananenau deausāguthaugaunee haujaunauau hehethee Beelzebub. <sup>19</sup> Nau hith nananenau hausāguthaugaunee hehethee Beelzebub haujaunauau, hanaa hāahenau hadnausāguthaude? hadedauchuwuwuna. <sup>20</sup> Hau hith nananenau hejadenethedaunaugu Hejavaneauthau hausāguthaugaunee haujaunauau, hethauwuu henajanede Hejavaneauthau hedašana. <sup>21</sup> Henane danāahethe hedauchuaunau haunaunedehuk hedauauwuu, hevatheyaunau nedādauyaunee: <sup>22</sup> Hau hāejavaādāāhenethe javaāhehuk hedašana, nau veavehāhaugu, hadnedanauwunāde vahee hedauchuaunau heanadauwaundenau, nau hadjaanenee hesehauudenau. <sup>23</sup> Daun najenethaunāde hasānavānau: nau daun najenethauāyāvāde naneāsauauwaude. <sup>24</sup> Hāenauthauthe wauchāde haujau henanene, nehedesade hadajenajenenee, denausedede dauyānusenade; nau janeveedethe, naneenehede, nananenau hadjaesanau naudauauwuu needajenauahenau. <sup>25</sup> Nau jaenauusathe, neveedede nesewaudeauhunee nau neyauauthaunenee. <sup>26</sup> Naeneejathāde, nau nanedanauwaude hanesaudaichunethe hauthauau haujaunau javaānauhauganethe javaāhede; nau naneejedāthee, nau nanejanauguthee: nau waunee henee henane naeneejavaānauhauganede nedauaunejeethāde. <sup>27</sup> Nau hethauwuu, hajeseanadede nuu hayauhuhau, jasaa hesā hehethee henanedaa haevasanade, nau hathauhuk, Hauwunaunade henesaunehe hājanesauthāde Nananene, nau hethanau nedaunenane. <sup>28</sup> Hau hahagu, Haa, nausunee, nauwunaunathee nethāejathededuu hedanadedaunene Hejavaneauthu, nau naunaunedethee. <sup>29</sup> Nau henanedanede hāneenanauthenanedauhuu, hanaāejasesenehede, Nuu nanaa wausauau henaedede: nevadaunauhauthāthee; nau hegau nauhauthaude hadvenaunauau, hau vavade nauhauthau nananede Jonas haeyāhe. <sup>30</sup> Hanau Jonas neesenauhauthaude Ninevites, nechau jea Heau henane hadnaathāde nuu henaedede. <sup>31</sup> Nenauchuwusā janauhuu hadjaegauhāde naudedauadenesee nauuu henanenau nuu henaedede, nau hadnauthauwuvāna: hanau dejewaunejaathehaude hehethee hāauauvadenee naunaudāhenith Solomon; nau naune, hejavaāhedaune Solomon hanedaunith. <sup>32</sup> Henanenauau hehethee Nineveh hadjaegauhāthee naudedauadenesee nauuu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith. <sup>33</sup> Hegau henane, hāesedeauchauuu nauauuthayau, hehauwujenane yuthee, daudause hehauwugaudauyasenaunaa, hau dasee nauauuthayauneetheaugunee, nethāejedāthee hadnenauhauuu naunauasādanee. <sup>34</sup> Hanesenee vadanayannaa nanaa nevasesānee: nanaa hāenesadee hasesānenau nananena, nananene hadnaunauudauyauau hadanayau jea hanechauchaunaa hese; hau hāene nananene hasesā wausuu, hadanayau jea hadnechauchaunaudene vaneeyauau. <sup>35</sup> Haunauyauhauwauwau hanau henee hesee hathāsadaude nananene jeva veeyauha. <sup>36</sup> Hith nananene haunauudauyauugau hadanayau hanau hadnechauchaunaudene hese, hadnehauwugauuveeyau haunauude hadnechauchaunaa hese, waude naunauasādāe nauauuthayau nevenāna hese. <sup>37</sup> Nau hajesanadede, jachau Nesethajauhu haeadethaa hadnethevethehewaude: nau haewaunejedā, nau haejanaugu dauvethede. <sup>38</sup> Nau hāene Nesethajauhu nauhauwauwau, haegaudauvanava daujahesehunith nedauau hajesejevethenith. <sup>39</sup> Nau Vahadāhenith hathāhuk, Hewaunehaa nananena Nesethajauhuhauau neyauthahenauwuna jathee vāenaunau nau saenaunau; hau nananena hethauvaa hanechauchaunaudena vahedayaude nau hauhauganede. <sup>40</sup> Nananena janethauvahena, gaujenane Hejavaneauthau nenesedede jathee gaujee henesede jedauwuu? <sup>41</sup> Hau hevāe hauwuyau daun hanetheyaunenau; nau, naune, vahee hayauhuhau hadnesewaudeanauwunana? <sup>42</sup> Hau naunauthauau

hadnedasāna nananena Nesethajauhuhauau, hanau nananena hadvāna vadadauchu wauhaunauau nau naneujaudevejechau nau vahee hathāejajāesuu vejechau, nau hadjavechadauwuna vavesauchuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauau nejesehee. <sup>43</sup> Naunauthauau hadnedasāna nananena Nesethajauhuhauau, hanau nananena devechadauwuna najatheaugudaunau jedauwuu vevethahenauauwuu, nau dejachauthana nedauadaunauvadee. <sup>44</sup> Naunauthauau hadnedasāna nananena, wauthaunauhāhehauau nau Nesethajauhuhauau, nanadaunahena, hanau nananena waude nedaugaudauyauhudaunee dejenauhauwuu, nau henanenauau nedasejavesathee hehauwaenaunā. <sup>45</sup> Hanaāauchuhananadede hanesāde nanavaavehe, nau hathauhuk, Hechauhauthethāhe, nuu dauhanadene nananene naunaunauthevāana jea. <sup>46</sup> Nau hathāhuk naunauthauau hadnedasāna nananena jea, nananena nanavaavehehauau, hanau nananena henenauchuna henanenauau nauguu henenauchude hehayaudee javechauhunee, nau nananena nehayau jevavasanauwuu henenauchudaunau heee hanesadee nananena hajadenenau. <sup>47</sup> Naunauthauau hadnedasāna nananena, hanau nananena denesedaunauna gaujauaudahenauauwu haeyāhehauau, nau hāsaunaunenau denauauthee. <sup>48</sup> Hethauwuu nananena haeyāna henee nananena wauhaunee nanāsedauthee hāsaunaunenau: hanau denauauthee, nau nananena nenesedena hegaujauaudahenauauwunenau, <sup>49</sup> Naasauau jea hahagu hedaeyaude Hejavaneauthau, Hadjenanu haeyāhehauau nau vadauhanauau, nau hauthauau hadnenaathee nau hadnenaunaunauchauthehathee: <sup>50</sup> Henee hevaevenau vahee haeyāhehauau, hanedaunee hehethee davadeesehee vedauauwuu, hadneenaudedauwuhuu nuu henaedede; <sup>51</sup> Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadannauauwuu: hethauwuu nananenau nehethathana nananena, hadneenaudedauwuhuu nuu heee henaedede. <sup>52</sup> Naunauthauau hadnedasāna nananena nanavaavehehauau, hanau nananena dauhudanauwuna gaunaudauauha haeyaude: nananena hadnehauwujedāva nehayau, nau henee hathāejedāthee nananena najauaunauna. <sup>53</sup> Nau daunenehedauau nuu hayauhuhau yesee, wauthaunauhāhehau nau Nesethajauhuhauau hanaāejaseseneenanaudedauunāde, nau haeneenadaunanauau hadnauthedaudauwunith hauwuhuu hayauhuhau; <sup>54</sup> Haeaudenauthaa, nau hadnesedanauwunethe hayewhu hehethee hedenene, hadnāedauwauthauthee.

## 12

<sup>1</sup> Gaunauwuu, hāene hena hauāchadenee hauānee haejedaguu hadaucha haenanedanede, dauwauthaa haeaunauguhudaunadenauau, hanaāejasesāedauwunaude hethauguhādaunau nedauau vahee, Haunauyauhaudauwauau nananena gauhauju Nesethajauhuhauau, nenadaunahethee. <sup>2</sup> Hanau hehauwuyauthesa, hathāeyauthesaa, daudause hehauwuyauthesa, nethāejaenaunee. <sup>3</sup> Hanau daun nananena hasanadenā veeyagu hadnedauwuhuu hesenee; nau henee nananena hasenehenā waunaudaunuu jedauwuu hadnauchunana dasee hauauwuu. <sup>4</sup> Nau nananena hāedauwunathana Nādaehauhauau, Jevaesaa henee nenadethee henanedayāhau, nau heee hehauwauthesedaunauau. <sup>5</sup> Hau nananena hāedauwunathana daun nananena hāchaunenau: Hesaa Naa, heee hesenaānagu naunaudāde hadgauusevāna hadaugauhauchanee; haa, Nananenau hāedauwunathana nananena, Hesaa. <sup>6</sup> Hayauthaunethee hajaseaheauau gujeaunaunaunee heee hanesāenee nevaāhenee, nau hanesāde hehauwunauneethedaunā Hejavaneauthu? <sup>7</sup> Hau daudausee hadauchāe hāthaanenau haudauguhuanenau vahenayāee. Jevanāthajauau henaheee: nananena javaānauwuhua hadauchtethee hajaseaheauau. <sup>8</sup> Jea Nananenau hāedauwunathana, Daun naujaudauthehāde hesee henanedaa, nananede Heāhene henanene jea hadnehauwaudauthehaa hesee hautheaunau Hejavaneauthuu. <sup>9</sup> Hau henee nauyauhāde hesee henanedaa hadneyauhade hathaāhenethe hautheaunau Hejavaneauthuu. <sup>10</sup> Nau daun hayādaunaude Heāhene henanene, hadjaegudanauwunade: hau nananede henee hauhauganedauau Vadanauwauthauwu



hadnehauwujaegudanauwunau. <sup>11</sup> Nau hāejedanānā vevethahenauauwuu, nau hauchuwunanenauau, nau najanauau, jevagaugauanadauwuu wauāthe daunhayewhu nananena hadnesauchuhanehena, wauāthe daun nananena hadnesenehena: <sup>12</sup> Hanau Vadanauwauthauwu hadnāedauwunāna nauauchaugu daun nananena hadnesenehena. <sup>13</sup> Nau hanesāde hehethee hananedaathathauhuk, Hechauthethāhe, hanadesene nasaa, hadegaugauanauwaunauau vatheyaunau. <sup>14</sup> Nau hathāhuk, Henane, hanaa nanesehāde hadnauchuwuhathane nau hadjaanauwunathane nananene? <sup>15</sup> Nau hasenehethauhuk, Haunauyauhaudauwauau, nau naseduhuu jevatthehāe: hanau henane hedenaedede hehauwunedahevaa wauthayāgaune hevathayaunau henethayaunau. <sup>16</sup> Nau haenanadetha haejegausudenanadetha, Vedauauwuu jasaa nethauyāsenane haenauthauthā: <sup>17</sup> Nau hasethajauhuk nehayau, hewauau hauaudnesedaunaune, hanau hajanethenauwau jedauwuu hadnedauthānauwau navethenau, hahagu? <sup>18</sup> Nau hanaāenehede, nuu hadnaasedaunau: hadthauwunauwau nathāyānauauwuu, nau hadnesedenau hadjavaāvasauau; nau hadnaadauthānauwau vahee navethenau nau navathayaunau. <sup>19</sup> Nau hadnaāenehethauau navadathuwu, Vadathau, nananene nanethenauwu waunauthāe hanethayaunau janenane hadwauthāe jajene; hedanau nanethauaunenaedede, hevethete, hevaveyā, nau haunauwunaede. <sup>20</sup> Hau Hejavaneauthu hathāhuk, Nananene Hauhauga, nuu dauveeyauau nananene havadathuwu hadnedauwunane: hee hanaa hadnethenauau hajanayaunau? <sup>21</sup> Nananede haenathaunau heveaunauaudenau, nau hehauwuveaunauau hese Hejavaneauthu. <sup>22</sup> Nau hathauhuk hethauguhādaunau, Naa nehethathana, Jevagaugauanadauwuu hadenaededaunenau, daun hadnevethedaunenau; daudause hee hadanayaunenau, daun hadnāsaunenau. <sup>23</sup> Henaedede javaāsaa vethevaa, nau vadanayau javaāsaa hāchaunaa. <sup>24</sup> Gaugauanavaa huunauau: hanau dejejenayāthee nau dejegauausauhāthee; hehauwunethenauwu thāyānauauwu nau vethewau nedauthāsanene; nau Hejavaneauthu nauchauwaude: gauhajavaāneenaedeva neahenaa? <sup>25</sup> Nau hanaa nananena vanadaunanāde hee neejahehe? <sup>26</sup> Hith nananena wauhā jeneenesedaunagu hene haugajuhuu, nauduhajanethajaudauwuna hauthauau? <sup>27</sup> Gaugauanadauwuu nenaugaānuu nejajaesaānuu nesevesee: hehauwunesethānaunau, hehauwunethaudayānaunau; nau nausene nāedauwunathana, henee Solomon vahee hevasāthade hehauwunaasenu hasaunee nuu. <sup>28</sup> Hith wauhā Hejavaneauthu heneenudehuk wauchunau, nuu desene nauau, nau naugaagu hadneewaudeadaunane; hāduthāejavaāvenāva hāchaunau, Hau nananena vanehaa hethauwuthajauna? <sup>29</sup> Nau jevanaudedee nananena daun nananena hadnevethedaunenau, wauāthe daun hadnevaveyādaunenau, jevauwau-gaugauuthajauau. <sup>30</sup> Hanau vahee nuu neauthudan hathāauauvaa nenaudethāthee: nau nananena Hāsaunaunenau haenauau henee nananena hāvathethādaunenau nuu hayauhuhau. <sup>31</sup> Hau henaudedee nananena henajanede Hejavaneauthu; nau vahee nuu hayauhuhau hadnethedaunauwunana nananena. <sup>32</sup> Jevanāthajauau, hāhauwuwauthaheva; hanau nananena Hāsaunaunenau hayethanadauwunādaunenau hadvenāna henajanede. <sup>33</sup> Heaudaunaa henee hanethayaunenau, nau hauwunaunaa hadavenuhuhauau; jasedauau nesevāejethāwaunau henee nejethauuthauaachusāe, haenathaude haneduu hejavaa henee nejethauuyuhuu, nedaujavedadene, hehauwujuudenauau nuvanauauau. <sup>34</sup> Hanau haduu hadaenathaunenau, hena hadahenau jea hadnaaduuu. <sup>35</sup> Duujehee, nau haunauauuthayaunenau gauhauchanauha; <sup>36</sup> Nau nanethathana henanenuu henee nedauyuhauwauthee hanau Hadahethedaunādaunenau, hājejaesathe hehethee gauwuhaude; henee hājenausathe nau hadwaudāhaude, hadgaunanauwunade nauhauhaunee. <sup>37</sup> Hauwunaunaa henee nesethāhehauau nananenethe, Vahadāde hājenausathe hadveenaude hadnaunauyauhauthāne: hethauwāedauwunathana, hadduujede nehayau, nau hadjanauguhaude hadvethenenethe, nau hadjeedauchaude nau hadnaunauchauwaude. <sup>38</sup> Nau hith jenauusahek naneseauwaude haunauyauhauthāhe, wauāthe jenauusahek naneseauwaude haunauyauhauthāhe, nau hadveenaude

hadnesaanunethe, hauwunaunaa henee nesethāhehauau. <sup>39</sup> Nau nuu hāenauwuu, henee hith henane hedauauwuu haenauaugu daun hāauchaunee havedehew neeenauusanith, haunaunauyauhauwaude, nau hanājechuwauthedaunenauhunee hedauauwuu. <sup>40</sup> Nananena hadnaesaanuna jea, hanau Heau henane hadnauusade daun hāauchaunee hāejenauanauwaunā. <sup>41</sup> Peda hanaānadethaude, Vahadāhene, gauhanadethāa Nananene nuu heee jegausudede wauāthe vahee? <sup>42</sup> Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauuu vethewau nauauchaunee? <sup>43</sup> Hauwunaunaa henee nesethāhe, nananenith hadāhewaunādaune hāedasāthe hadveehāde hadnaasehāde. <sup>44</sup> Hethauvaa hathāedauwunathana, henee hadnesehāde hadāhewaude vahee hethāenetheyaunau. <sup>45</sup> Hau nau hith henee nesethāhe hesethajauhuk, Nadāhewaunāde jeguthenauusahek; nau henesesegauhahek henanenau nesethāhehau nau hesānau, nau hevethehagaunee nau hevaveyāhaugaunee, nau henaunauneseavagaunee; <sup>46</sup> Hadāhevāhe henee nesethāhe hadnauusanith hajesesenenee hāejjauwuwuhauthe, nau, neeejaenauau, nau hadgudanāde nau hadjenanaude jethauwaudahehau. <sup>47</sup> Nau henee nesethāhe haenauaugu hadāhewaunādaune hathanavāde, nau jesaanuhuk, daudaus dejesedaude hathanavāthe hadnenenesegauhude dejauaunee. <sup>48</sup> Hau henee jaenauaugu, nau hesedauhuk nesenenesegehedaunenee hanājauwaunenesegehuhude, hanau daun hauwauhuvenāde nananede hadnauwaunedauwunade; nau nananede henane hauwauhauhauthade, nananede hadnauwaunedauwunade. <sup>49</sup> Hadjejenanauwau heseda dasee vedauauwuu; nau hayew navathehāde wauwu gauhauchagu? <sup>50</sup> Hau nanethenauwau dusaahede hadneedusaahedaunee; nau hanahauwaudauaunānau haunaude hesedaudeyāgu. <sup>51</sup> Haneajaude hadjenanauau dādaunee vedauauwuu haāthanaveva? hadāedauwunathava, Hegau; hau wauāthe hanāgauanauwau: <sup>52</sup> Hanau hehethee heee yauthaunenanaedauneagu hanesadee hauauwuu hadgauanee, hadnasaunauthee hanesenethe, nau hadnesaunauthee hanāenethe. <sup>53</sup> Henesaunaun hadgauanathee hadnasānauwaude heau, nau heau hadnasānavāde; hesā hadnasānauwaude hedaunau, nau hedaunau hadnasānavāde, hesā hesave hadnasānauwaude, nau hesave hadnasānavāde. <sup>54</sup> Nau hanaānadedauau jea henanedanede, hāenauhaudauwunā henaunauade jevetchauuchaugu hehethee nesenaesade, chauchaunu nananena, Hadnauchuhajauwauausauau; nau naenesauau. <sup>55</sup> Nau hāenauhaudauwunā jenauhuu hanehedasāe, nananena, hadnasedaa; nau naenesauau. <sup>56</sup> Nananena nanadaunahena, nananena naenauwuna hedauchaveau haunauau nau vedauauwuu; hau dusaudee haejaenauwuna nuu hewaunehaa? <sup>57</sup> Haa, nau nau du daudause nananena haejaenauwuna hasethadee? <sup>58</sup> Hāeyehauthānā hasānavādaunenau hauchuwunanenau, nausujavesanagu, nayātheneneevaa hadeenayauhāna; havaehauthāva najanauchuwunanee, nau najanauchuwunane havavena duguthāhew, nau duguthāhe havathānāva duguthānauauwuu. <sup>59</sup> Hāedauwunathana havajeneenauthauva, haunaude vathaunaudauhunagu havāejethāvenau.

## 13

<sup>1</sup> Hena hethaa heee jachau haeauthedaunaa Gananeans, hevaewu Pinade haewauhau-nauwuaunenau nedauausāyāthee. <sup>2</sup> Nau Hejavaneauthusaun haeauchuhananade-thā, Nauchāe nananena henee nuu Gananeans heauhaugayaugaunee javaānee va-hee Gananeans, hanau daujeneethajauduu hayauhuhau? <sup>3</sup> Nananenau nāedauwunathana, Hegau: hau, vavade nananena jaugauthethajaunagu, nananena hadnavahethahena gaujauaudahede. <sup>4</sup> Wauāthe hena nasaudaichunee, dasee hayauauwuu jedauwuu Siloam dethauwunauauau, nau haenanaā, gaugauanadauwuu henee gauhu-javaānauhauganenauau vahee henanedanede henee theaugude jedawuu Dādaunedan? <sup>5</sup> Nananenau nāedauwunathana, Hegau, hau vavade nananena jeneethajauhadede, nananena hadnavahethahena gaujauaudahede. <sup>6</sup> Haeheanade jea nuu dajenehede; Jasaa henane haenethena hauyauauchunauhauhdene haejenana jedauwuu dadajevenevese

nethauchayaunaa; nau haejenauusa nau haenaunaude vevenaundenau hanāvenee, hau haejeveede. <sup>7</sup> Hanaāenehethaude nesethāhew hedadajevenevese nethauchayaunaa, Naune, nuu hanasāa jajene nananenau hanejaunau daujenaudedenu vevenaundenau nuu hauuyauchunauhaudee, hau haejevedenu: dauwauhune; hadevachunauthauyauau vedauauwuu? <sup>8</sup> Nau hanaāauchuhanadethāde, Vahadāhene, hauwaa nanehasene nuu heee jaje jea, nadeesenenesede, nau vehethe hadjenanauwau. <sup>9</sup> Nau hith hāvagaune vevenaundenau neee: nauhith jene, hadnaāedauwuhade. <sup>10</sup> Nau haechauhauthethā jasaa vevethahenauauwuu vadanese. <sup>11</sup> Nau, naune hena hesā haujaunehaeheaugauwu nasaudauchunee jajenee, nau haevajanā hauānee, nau haejeneechuwuwau-the nehayau. <sup>12</sup> Nau hāene Hajavaneauthusau nauhauwaude, Haeadetha, nau hanaāāedauwunaude, Hesā, nananene haunaugunane hehethee hadaugauwudaunaa. <sup>13</sup> Nau hanaāevasanaude: nau chauchunu hanaāechuvāde, nau haevaveenethedauna Hejavaneauthu. <sup>14</sup> Nau hauchuwunane vevethahenauauwuu haeauchuhananade nau-guu hasenaunaude, hanau henee Hejavaneauthusaun denayauthānith vadanese, nau haeautheda henaneda, Hena nanedauchaē hese henane heenesethādaunau hanānaneajauna nau hanānaneenayauhana, hau hegau vadanese. <sup>15</sup> Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanese haugunauva hauwaugajevenau wauāthe naugauchauda-heauau hehethee hewauchuhauchauwauwuu, nau gāyethājethauva devanauhauna? <sup>16</sup> Nau gaujenaasaunee naa hesā, hedaunau Ābraham,\* henee Haujau heduguthaune, naune, nuu nasaudauchunee jajene, hāaugunade hehethee nuu deduguhude vadane-see? <sup>17</sup> Nau hāenehedauau nuu hayauhuhau, vahee hejauthauwau haeaudaudāhene-nau: nau vahee henanedanede haeneethaujudene heee vahee havathee hayauhuhau henee hesethaunau. <sup>18</sup> Hanaāenehede, dusaune henajanede Hejavaneauthau? nau hayew naudnenehethau? <sup>19</sup> Waude nejenanenee mausdaude, henane nedanauau, nau neneāgudede hejenayaunaa; nau neveseaudede, nau hāhe haeavadauhudenē; nau neahehauau hejavaa negauusee hedānaa. <sup>20</sup> Nau jea hanaāenehede, Hayew naud-needajenehethau henajanede Hejavaneauthau? <sup>21</sup> Waude nesaunauchaa henee hesā nedanauau nau nejenanauau nasau dejenauhunee thauauhanau haunaude devahene-saunadāe. <sup>22</sup> Nau haeehedesa hauwauhauwudane nau hajasedan, dechauhauthethāde, nau haejāda hese Dādaunedan. <sup>23</sup> Hanaāanadethāde hanesāhenith, Vahadāhene, gau-jewauthanauau henee henayauhathee? Nau hanaāāedauwunaude, <sup>24</sup> Neaunedauwauau hadejedāna hadaugaugunesāde dajanau: newauthana, Nananenau dāedauwunathana, hadnenaudedena hadnedaujedāna, hau hadnehauwuneda. <sup>25</sup> Hāene hechauhau-thethāhe hauauwuu thauwauthehuk, nau haugauhahagu dajanaune, nau nananena hanānaāetheauguna jathee, nau hanānaāewaudāhauna dajanau, hanānaāenehethauna, Vahadāhene, Vahadāhene, jegaunanauwunāa, nau hanānaāauchuhanehethāna nau hanānaasenehethāna, Hāhauwaenaunathe daun hadesane: <sup>26</sup> Hanānaāenehethauna, Nevethehenauau nau nevaveyānauau hathāhene, hau nananene dauthedaunāane-hadaugauchadee. <sup>27</sup> Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehauau wauwauchudaude. <sup>28</sup> Hena hadnevewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwuu henajanede Hejavaneauthau, hau nananena nehayau nenuguthadena. <sup>29</sup> Nau hadjenauuchaudenee hehethee nejeethevesesanith, nau hehethee nesenaesanith, nau hehethe nanavee, nau hehethee janauhuu, nau hadjanauguduu henajanedanene Hejavaneauthu. <sup>30</sup> Nau, naune, hena hedauaude hadnedauvade, nau hena nanedauvade hadnedauchude. <sup>31</sup> Hajesesenee hena haejenauusa jasaa Nesethajauhuhauau, hasenehethāhuk, Nauahe, nau jathāau, hanau Herod hadnaāne. <sup>32</sup> Nau hanaāāedauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayau-

\* 13:16 “Ābraham” is spelt thus once in this verse and spelt “Abraham” thirteen times elsewhere in the text. It is not known whether the spelling differences have any grammatical significance.

thānau nuu desenee nau nauugaagu, nau nanaseauwauau hese hadnaāesedaunau. <sup>33</sup> Hau hadnesesanau nuu desenee, nau nauugaagu, nau jea hathavenaugaagu: hanau hehauwunaasau henee haeyāhe denaade Dādaunedan. <sup>34</sup> Hau Dādaunedan, Dādaunedan, nanathee nenauathee haeyāhehau, nau nenauchauwahathee hauunaugāe henee hejejenanauwunaudenenu; dauhudauchu naudnauāchauhaunauau nananena hadāeyaunewauau hauānee waude neauthuneahee dauānaude henesaunau hethauvaa hethaenaa, hau hāhauwuvathehāva. <sup>35</sup> Naune haudauuwunenu, nau nauaudauwunana hadnadauyewu: nau hethauwuu nāedauwunathana, Nananena hadnehauwunauhauwuva haunaude nauauchaugu hadneenehena, Hauwunaunaa henee jaunaude hee henesedaunene Vahadāhenith.

## 14

<sup>1</sup> Nau hethauwuu, daujedāde hedauuwunene hanesāhenith najane Nesethajauhuhau hadvethee jauaujau vadanese, henee haeauuauyauhauvaa. <sup>2</sup> Nau, naune, hena jasaa henane hathāhede haenenesaunenauau. <sup>3</sup> Nau Hejavaneauthusau haeauchuhananadetha nanavaavehahau nau Nesethajauhuhau, gaujenanavanau henayauthaude vadanesee? hāthauhuk. <sup>4</sup> Nau haedādaunaugunauau. Nau hanaāedanaunith nau haenayauha, nau haejenana; <sup>5</sup> Nau haeauchuhananadetha, Hanaa hedauneau nau gauchaudahehau wauāth waugaje janesenayaugaune hadaunaudenee, nau gauchaunu gauhadnauuguthauva vadanese? hāthauhuk. <sup>6</sup> Nau haeyauhuune nesenehethauthee jea nuu hayauhuhau. <sup>7</sup> Nau haedadajenehetha henee hathāadethavathe, hāenauhauwaude hasayāchauhauwunethe najatheaugudaunau; hanaāedauwunaude, <sup>8</sup> Hāene nananena hadethaunā henanenauau gauwuhaudeneagu, jevajanaugu najatheaugudaunaa; havajavānethā henane havajavāheva henee hadethade; <sup>9</sup> Nau henee hadethāde nau nananede hadjaude nau hadnethāne, Venene naa henane hadehedagu; nau nananene haddayāhene janaugunenagu hesaudavaa. <sup>10</sup> Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechauthānaune henee hanethevethehevādaunauau. <sup>11</sup> Hanau daun nanajathajauve nehayau hadnausādaudaude; nau henee nausādaudaude nehayau hadnajanede. <sup>12</sup> Hanaāenehethaude jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhauau, wauāthe hāthesaunauau, daudause hādaunauau, wauāthe nethauyādahagu hanedaudewau; havaadethaa jea, nau havaaunaudaunā. <sup>13</sup> Hau hāene nananene vethehevanenagu, hadadethaunauau hadavenuhuhauau, henesenehehauau, jeneejavesahauau, nananauguhuhauau; <sup>14</sup> Nau nananene hadnauwunaunane; hanau daujeneau-naudaunānaune: hanau nananene hadnaunaudaunane jaegauhādeneagu hathāethade. <sup>15</sup> Hāene hanesāde henee henethevethehevādaune daunedauwauwunith nuu hayauhuhau, Hauwunaunade henee hadvethee jauaujau henajanedaunene Hejavaneauthu, hathāhuk. <sup>16</sup> Hanaāedauwunaude, jasaa henane haeavathethunevetheheva, nau haeauwauhādethānanena; <sup>17</sup> Nau haejenana hewauwaune dauethunevethehedaunee hadnāedauwunaunith henee hadethavathe, Jenajesaa; vahee hayauhuhau wauwu hanesejenanee. <sup>18</sup> Nau vahee haenesadene hathauchuwuhadethee hadnudanethee. Nandedauwauau hasenehethauhuk, Neaudaunaudauwau vedauuwuu, nau hadneyehaunau nau hadnauhauwau: Nehethathane hadnudanene. <sup>19</sup> Nau jasaa ahagu, Neaudaunauthu yauthauyauna hedauhuwaugaje, nau hadneyehaunau hadnayāduuhuu: nenehethathane hadnudanene. <sup>20</sup> Nau jasaa hahagu, hedauwunenenu, nau naajenejaunau. <sup>21</sup> Hanaāejenauusade henee wauwau, nau hanaāenauhauthehaude hadāhe-waunādaune nuu hayauhuhau. Wauhā hechauhauthethāhe hauuwuu hanaāasenaunade hanaāedauwunaude hewauwaune, Yegahu nauhauhaunee hadaugauchaudāe nau hadaugauchane hedane, nau hadjāthaunauau hede hathāadavenuhunethee, nau henesenehehauau, nau jeneejavesahauau, nau nananauguhuhauau. <sup>22</sup> Nau wauwau hasenehethauhuk, Vahadāhene, naasedaunau hasenehesene nau nausunauthauyauau, hathāhuk. <sup>23</sup> Nau Vahadāhede haeāedauwuna wauwaune, Yehau ha-

thenavaunaa nau nethauchayaunaa nau hadjādasauaunaunauau hadejejedāthee, henee naudauauwuu hadeechaunaana. <sup>24</sup> Hanau nāedauwunathane, henee hegau hena henanenauau neadethathee hadnehauwuvajadauwu nadethunevethewau. <sup>25</sup> Nau hena haenethaunau havathenedanede: nau hanaāejaaagude, nau hanaāēdauwunaude, <sup>26</sup> Hith daun henane hedašanaugu, hau jasānauwauhuk henesaunaune, nau henaune, nau henene, nau dāeyaunauau, nau henethesaunau, nau hedašāwau, haa nau nehayau hedenaedede jea, nāhauwuneethauguhaa. <sup>27</sup> Nau daun janenevaa henaugauchu, nau thaughānaugu, nāhauwuneethauguhaa. <sup>28</sup> Hanaa nananena vanadaunesedede hayauauwun gauhadjējanaugu nedauau hadnayādede hadaachuunee, wauau hanaadauchanenee hesehenee? <sup>29</sup> Havaene hesejenanauhuk hauunauganau, nau hanājeneesedede, vahee henee hathāenauhau dauau hadneevavavayaudenenee. <sup>30</sup> Naa henane nenesedede, hau hajeneesedede, hanāthāde. <sup>31</sup> Wauāthe daun naja, vadauvauthauhuk jachau najane, hanājanaugude nedauau, nau hanāgaugauanadauau wauau haneene nauuu vadadauchu vasevadadausauau hadnenuchaunaude henee hejevenahedaunau nauuu nesauau vasevadadausauau? <sup>32</sup> Wauāthe, hajesenausujechaugunethe, hanāyethautheavede, nau hanānayāthenedauāwaunaude. <sup>33</sup> Nau naasauau, daun nananena henee janenaunaudauau vahee henethayaunau, nāhauwuneethauguhaa. <sup>34</sup> Nejauauwuu hethadee: hau hith nejauauwuu jevanujaudāgu, hayew hadneenejauauwujauau? <sup>35</sup> Daudause hehauwuuthade vedauauwuu, wauāthe heee vehethe; hau henanenauau hanāneāgudede. Daun henaudaununedede heenedauvahek jaathede.

## 15

<sup>1</sup> Hanaāeuchaunāde vahee hauyāhehau nau wauwauchudauhuhau hee hadjaathehāde. <sup>2</sup> Nau Nesethajauhuhau nau Wauthaunauhāhehau haeneneedenenau, Naa henane hanesedanaude wauwauchudauhuhau, nau nanethevethehewaude, hathāhuk. <sup>3</sup> Nau haeauthaunanadetha, hasenehethauhuk, <sup>4</sup> Hanaa henane nananena hedauneede vadadausauau jauaunawaudā, hith hanauhauhuk hanesahenith, gauhadnautha theaudausauau nau theaudaachunee nauaunee, nau gauhadnaudeha henee naunethaunith gauhaunaude hadveeha? <sup>5</sup> Nau hāveehauthe hadthāegauhaude hejaanaunaa, hadneneethajaude. <sup>6</sup> Nau hāenauajegauhuthe, hadnadethaude hauānee henedaehauhau nau henedaudevādaunau, netheneethajaudauwunee hanau daujaveehauau naudauāve nenaunethauaude, hathauhuk. <sup>7</sup> Nananenau hāedauwunathana, nuu hadnaasauau neethajaude hayāene hāene hanesāde wauwauchuduhu haunaunevethajauhuk javaānee theaudausauau nau theaudaachunee hathauwunane janenethenauau haunevethajaude. <sup>8</sup> Daudause daun hesā nethenauaugu vadadauchu gauneevāejethā, hith hanadehuk hanesadenee gaunee, gauhadjedeauchauau nauauuthayau, nau gauhadwaudeau hauauwuu, nau gauhadvavesenaudene haunaude gauhadveede. <sup>9</sup> Nau daun hāveenuu hanadethaude henedaehauhau, nau henedaudevādaunau hauānee netheneethajauwuu, hanau daujaaveenauwau hanesadee nāanathau, hanāthau. <sup>10</sup> Naasauau, Nananenau nāedauwunathana, haneduu neethajaude hathāāhethee hautheaunauau Hejavaneauthuu hanesāde wauwauchuduhu haunaunevethajauhuk. <sup>11</sup> Nau hasenehuhuk, jasia henane neseyaugaune heauhau: <sup>12</sup> Nau hajauchaugade haenehetha henesaunaune, Nāchau jevene gauuu vatheyaunau henee nāudnedadahedaunau. Nau hanaāgauuve-naude hethāenetheyaunau. <sup>13</sup> Nau haunauauhaejewauthanenau hese hajauchaugade hāesauānauau vahee hauānee, nauhanaāejathāaude hese vavāaune vedauauwuu, nau hena hanaāevadauthedede hethāenetheyaunau hee hauhaugānenaedede. <sup>14</sup> Nau hāevathedede vahee, hena haanaāenauauchauau naunauthauau hasenaude hena vedauauwuu; nau hanaāadavenuhunedede. <sup>15</sup> Nau hanaāeyehaude nau hanaāewauhaunesade nehayau hauwauhauauwunanenau henee vedauauwuu; nau haejenanaa hethauauwuu hadnauchauwaude neauthuwauchu. <sup>16</sup> Nau hanāneanadauau hanāchauchau-naudedede henaude hee jeyauwaunau henee neauthuwauchu hevethedaunenenu: hau hegau henanene hevenaa. <sup>17</sup> Nau hāaenaudedede hanaāenehede, Waunauthanethe hedautheaunau nāsaunau nenethenauau jauaujaunau naenedauchanenee

nau nejeesesanenee, hau hadnenadaugauyānau? <sup>18</sup> Hadgauhānau nau hadeye-haunau nāsaunau, nau hadnaasenehethauau, Nāchau, nananenau nanethenauwau wauchudaude hese hayāene, nau yese nananene, <sup>19</sup> Nau nananenau hegau hee hāhauwauthēāve: jeneshe waude haudautheaunauau. <sup>20</sup> Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune haenauhauvaa, nau haeauwunaunaa, nau haeyeseneegau, nau haenaethesaunaunagutha, nau haenedana. <sup>21</sup> Nau heau hathāhuk, Nāchau, nananenau nanethenauwau wauchudaude yese hayāene, nau nananene, nau nananenau hegau hāhauwautheneēāve. <sup>22</sup> Hau henesaunaune hathauyaugaune hedautheaunene, Jādee chaunaguuthadee hu, nau hauyauunaa; nau thānauwunaa nechaunathathau hejadena, nau jedauaunena: <sup>23</sup> Nau hadjāthauva hede daun gauchujāde wauuu, nau hadnauauva; nau hadvethehenauau, nau hadeaunauwuthajauunau: <sup>24</sup> Hanau naa nāa nenajaa, nau jaenaedede; nenaunethauaude, nau jaevenade; nau hanaāejasesaunauwuthajauthee: <sup>25</sup> Wauhā vanachauganith heau haenedaune nauau: nau daunausujaude nau hāyānauusade hedauauwunenau, haenedauwaude haenevandenene nau haevaudenenene. <sup>26</sup> Nau haeadetha hanesānith haunauaheau, nau haenaudedana dusedaudene hathauhuk. <sup>27</sup> Nau haeāedauwunaa, Nananene hahavaa nauusade; nau nananene hāsaunau nau-nauaude gauchujānith wauuu, hanau daujaesedanaude nanethauaunee. <sup>28</sup> Nau haease-nauna, nau haejejedā: hanaāejenaunahenith henesaunaune, nau haedadadasevaa. <sup>29</sup> Nau haeauhananadetha henesaunaune, Naune, nuu hawauthāe jajenee hānesedau-nathadenau, daudause hāhauwujethauwaudaunathe hanāene hanathauchuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajaude nauuu nādaehauhauau: <sup>30</sup> Hau chauchauu hasenauusade naa hāa, hāgaujauauthedaunādaunau hāheenaededaunau hee henesahehau hesānau, nananene hanadaunaude gauchujānith wauuu. <sup>31</sup> Nau hanaāāedauwunaude, nā, nananene nanethenaedevene, nau vahee henee nāthāenetheyaunau nanehanāhene. <sup>32</sup> Dauudasadee henee haneenesehēe haunauwuthajaude, nau hadneethajaunee: hee naa hahavaa denajaa, nau jaenaedede; nau denaunethauaude, nau jaevenade.

## 16

<sup>1</sup> Nau hanaāāedauwunaude jea hethauguhādaunau, hena jasaa haenethauyādā henane, haenethena hadāhevahew; nau haenanene haeauthauwuvaa henee daunethauyādauchudede hevatheyaunau. <sup>2</sup> Nau haeadetha, nau hanaāenaudedau-naude, Duthanee henee daunedaunathane nananene? nayāde hādāhevadenau hanau nananene hadnehauwuguthadāheva. <sup>3</sup> Hadāhevāhe, Hewauau hauaudnesedaunaune? hasethaujauhuk, hanau navahadāhewaunāde haedanauwunānau nadadāhewau: hajeneenauchauhānau; thaununedauwuhunenau. <sup>4</sup> Haenauwau hadnesedaunau, henee hāenudanānaune hadāhewaude hadjedanethee hedauauwunenau. <sup>5</sup> Hanaāadethaude haunauude hadāhewaunādaune hethāesayānedanaunādaunene, nau hanaāāedauwunaude nanedaunauaunith, Dauhudauchanau hasayānedanaunauwunaudenau nananene nadāhewaunāde? <sup>6</sup> Nau hāheyaugaune vadadausauau dejenauhūu javeda. Nau hanaāāedauwunaude Hedanaunau hauwauthaunauha, nau janaugu nauhaunee, nau hadwauthaunau yauthauyauau. <sup>7</sup> Hanaāāedauwunaude jachau, nau dauhudauchanau hasayānedayaunau nananene? Nau hanaāāedauwunāde, Vadadausauau dejenauhūnee thauuhanewauchūunau. Nau hanaāāedauwunaude, Hedanaunau hauwauthaunauha, nau hadwauthaunau nasaudausauau. <sup>8</sup> Nau vahadāde haevaveenethedauna janechuvāhenith hadāhevahew, hanau dauhaenauau hasedaude: hanau dāeyaunauau nuu hathāauuvaa hedenaededaunenau hāenuu javaānee hesenedāeyaunauau. <sup>9</sup> Nau nananenau hāedauwunathana nesedee nehayau henedaehāvadede hee nethauyādahede hehauwuthade; henee hājenenaedenā hadeesedanāna nedaujethauujenenaededaunene. <sup>10</sup> Henane henee chaunuvāde hee haugajuhuyāgu hanechuvāde jea vasee: nau henane henee janechuvāde vanehaa hehauwuuchuvā jea vanasaunee. <sup>11</sup> Hith naaheene nananena jechuvahena



hāhauwuuthaheva nethauyādahede hanaa hadvenāde nananene hadanethaude hethauwu veunauaude? <sup>12</sup> Nau hith nananena hejechuvahenagu hee henehanahede jasaa henane hanaa hadvenāde nananena henee hanehanahede. <sup>13</sup> Hegau nesethāhe hehauwuneenesedauna hanesenethe hechauhauthethāhehau: jachau hanāasānauwaude hanesāhenith, nau hanāvechauthaude jachau; wauāthe hanādudevede hanesānith, nau hanāthauchaunauhauwaude jachau. Nananena hāhauwuneenesedaunauva Hejavaneauthau nau nethauyādahehehauau. <sup>14</sup> Nau Nesethajauhuhauau jea, haeveenauwu vāejethā, haenedauwaudauwu vahee nuu hayauhuhau: nau haeauchaudanavanauau. <sup>15</sup> Nau hanaāēdauwunaude nananena nethadee hasehadenā hathaāhethee henanenauau; hau Hejavaneauthau naenauau hadahenau: hanau henee nechauguanavathethee henaneda newauchanavathethee hathaāhenethe Hejavaneauthu. <sup>16</sup> Nanavaavedaunau nau haeyāhehauau haunaude nauuu Jaun: hee hena henajanede Hejavaneauthau deheauthedaunee, nau haunauude henanenauau neheeneethenathethee. <sup>17</sup> Nau hehauwunauthau hejavaa nau vedauuwuu heyauhuāgaune javaānee hanesadee haugajuhuu nanavaavede hadneeyauhuu. <sup>18</sup> Daun hausānaude henene, nau heneyaugu gauchuhunee, wauchudaudehaugauthenenede: nau daun hausāyaune nanewaude wauchudaude. <sup>19</sup> Hena jasaa nethauyāsenane, haeneenu haevejayaunenau nau haegaugunesaunenau, nau haeneechauna hadauchenenee: <sup>20</sup> Nau hena jasaa nedauwuhu Lazarus haseagu, haesaese hedajanaana haevahaseva, <sup>21</sup> Haevadauugaudaude hee jeyauwaunau nejanesanenee hehethee nethauyāsenanene hevethedaunene: jea hathave haedasaa nau haenenesaudauwu hedaewaunau. <sup>22</sup> Nau hethauwu, henee nedauwuhu haenaja, nau haenauaunechauhaa hautheaunau yese Abraham haenedauguva: nethauyāsenane jea haenaje, nau haejenanau; <sup>23</sup> Nau hadauveeyaunee haejenāauguau, haeaudauwuthajau, nau haenauhauva Abraham vavāaune, nau Lazarus haenedauguvane. <sup>24</sup> Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadenaa najee, nau hadedauyauvanauau nāthaune; hanau nananenau hanavachuunau nuu hesedaa. <sup>25</sup> Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hewaunehaa hauwauthenaedede, hau nananene naunauchauthenaedene. <sup>26</sup> Nau jea vahee nuu, nahethāe nananee nau nananene haneduu vanasauau vanethaunauau janenane: hadnejeneehedechedenee hehethee hede hese nananene hehauwunee; daudause hehauwuneejeauchenauau hadaunee, henee nevadaujauthee hehethee hethaa. <sup>27</sup> Hanaāenehethaude, Vanevethedaunathane hena hee, Nāchau, henee nananene hadejejenanaude nāsaunau hedauuwuu: <sup>28</sup> Hanau yaunauthaunethee nauhauwauau henee hadeāedauwunaude, jea havajaunenau nuu haduu naunauchauthauau. <sup>29</sup> Abraham hanaāēdauwunaude nanethenauthee Mosaseau nau haeyāhehau; jaathehaunauha. <sup>30</sup> Nau, hegau, nāchau Abraham: hau hith hanesāde jaeyehauhuk hehethee degaujauaudāde, haunaunaunevethajauthee, hathāhuk. <sup>31</sup> Nau hanaāēdauwunāde, Hith jenedaunauhaugaunee Mosaseau nau haeyāhehau, daudause hāhauwunee nadauwaunauau, daudause hanesāhenethe jaegauhāyaugaune hehethee degaujauaudāhenith.

## 17

<sup>1</sup> Hanaāēdauwunaude hethauguhādaunau, Hāhauwunee hau henee dauusenadenau hadnauauchuu: hau naunauthauau hadnauauchaudaude daunjaunaude. <sup>2</sup> Hanāneene henee thauyānaunaugane henauānauyagu, nau seāguthadagu hadaje, hauhanāheejegaudavāhenethe henee haneedausenanethe jachau nuu hajasedāeyaunauau. <sup>3</sup> Haunauyauhaudauwauau nehayau nananena: Hith hahavaenau havawauchuhāva, hadanadethauva; nau hith haunaunevethajauhuk, hadjaegudanauwunauva. <sup>4</sup> Nau hith wauwauchuhānagu nesaudauchu hajesesenene, nau nesaudauchu hajesesenene naujaeyethaagudaunānagu,

haunaunaunevethajaunau, hethānagu: nananena hadjaegudanauwunauva. <sup>5</sup> Nau vadauhanauau, Vahadāhene, hethedaunanauwunāa hedethauwaudaudenede, hathauhaugaunee. <sup>6</sup> Nau Vahadāhenith hathāhaugaunee, Hith nananena hethauwaudauwunagu hethāee hethāuu mausdaude jenayaunau, nananena hanāna nuu segaumau hunauhaudene, Hanāgauchauhana hethājee, nau hanājenanauna hadajee; nau hanāthauwaudaunāna. <sup>7</sup> Hau hanaa nananena, hanāwauwaunavede hanāthauauauwujethānith wauāthe hananajauānith, hanāthauna waunee hāenauusathe hehethee nauau, Najese nau hadjanaugu nau hadvethe? <sup>8</sup> Hau hanājenaasenehethauna, Hesetheva nayaudenee hadnevethenau, nau duujehe nehayau, nau hadjeenechaudaune haunaude hesevethenau nau hesaveyānau; nau heauhauwune jenaevethene nau hadevaveyā? <sup>9</sup> Gauhadvaveene henee wauwau hanau dauhunaasedaude henee hanasenehethāthe? Haunauchāe hegau. <sup>10</sup> Naathahena, hāene nananena vahesedaunagu hena hayauhuhau hathauchuuhana, Hāhauwuneejavaājasethānau wauwaunauau; vavade nanesedaunauau hadnesedaunuu, hadeva. <sup>11</sup> Nau hethauwuu, daunsausyehaude Dādaunedan, haeehedesa nahethāe Samaria nau Gananee. <sup>12</sup> Nau hāewaudasade jasaa hauauwudan, haenuchaunaa vadadauchu henanenau haenaujaune hedaugauwudaunenau, haetheaugunenau vavāaune: <sup>13</sup> Nau haeneduvanauau, nau hanaāenehethauthee, Hejavaneauthusau, Hecauhauthethāhe,\* jeauwunauāa. <sup>14</sup> Nau hāenauhauwaude hanaāedauwunaude, Waunenauhauthehaa hadanayaunenau vevethahevahehauau. Nau hethauwuu, henee daunsausyehauthee, haejegaudauvāhenauau. <sup>15</sup> Nau hanesāde, hāenauhaudauau henee dauunayauhade, haejaaugu, nau haevasenehe dauvaveenethedaunaude Hejavaneauthu, <sup>16</sup> Nau haeuāneseve heauthene, haevaveenethedauna: nau haenaadāde Samaritan. <sup>17</sup> Nau Hejavaneauthusaun haeachuhananadethā, gaujenayauhaunauau vadadauchu? hau daude theaudauchu? <sup>18</sup> Hajenauhauvathee hajejaeyehauthee hadvaveenethedaunauthee Hejavaneauthu, vavade naa henewauhu. <sup>19</sup> Nau haeāedauwuna, Gauhā, najesa: nananene hadethauwaudaude henayauhāne. <sup>20</sup> Nau hāenaudedauwunāde Nesethajauhuhau, daun henajanedauwunene Hejavaneauthu hadneenauauchaunee, Haeāedauwuna, Henajanede Hejavaneauthu hadnehauwunauauchaune nausujauwuwuhadagu: <sup>21</sup> Daudause hehedauneagu, Nauhaudauwuu hede, wauāthe, nauhaudauwuu hena, hanau, naune, henajanede Hejavaneauthu thanāsadena, <sup>22</sup> Nau hanaāedauwunaude hethauguhādaunau, Hese hadnauauchuu, hāene nananena vadaunauhaudauwunā jasae hese Heau henane, nau hadnehauwunauhaudava. <sup>23</sup> Nau hadnanethāna, Nauhaudau hede; wauāthe nauhaudau hena; jevayehauau, wauāthe jevathauguhaa, <sup>24</sup> Waude hasauau jahagude, henee naunauasānauuu hehethee naugauthanee naugauauwuu hejavaa neenauasādaa jasaa naugauthanee naugauauwuu hejavaa; hadnaasauau jea Heau henane hadnaasaunee hedeseve. <sup>25</sup> Hau nedauau hadnanasenedauau wauthanee, nau hadnausāguthade nuu henaedede. <sup>26</sup> Nau waudeneesaunee deenaedede Noe, hadnaasaunee jea hedeseve Heau henane. <sup>27</sup> Neauwauthevethedeaune, neauwauthevaveyandenee, neauwauthenenedaunee, neenenehathee, haunaude nauuu henee Noe dejedāde havathee thewaunaa, nau haenaāenanadauwuauau, nau haenauauhā vahee. <sup>28</sup> Waudenaasauau jea deenaedede Lot; neauwauthevethedeaunee, neauwauthevaveyandenee, neauwauthaunaudenee, neheaudaunaudenee hayauhuhau, neauwauthenayaundenee, neauauvadenee; <sup>29</sup> Hau hajesesenee henee Lot haunaude Sodom haeesedanausaude nau haegauhauchanauauhaunauganauau hehethee hejavaa, nau haenauauhā vahee. <sup>30</sup> Hadnaasauau hesee hāene Heau henane hāenauhauthethāthe. <sup>31</sup> Henee hesee, hāanedauthe dasee hauauwuu, nau hevathayaunau jedauwuu hauauwuu, nanehajejeauwusade hadejedanaunau: nau henee hanedaude nauau, nanehajejeajaejaude. <sup>32</sup> Dauyuuwuu Lot henene. <sup>33</sup> Daun vanadaunayaudede henaedede hadnanadede; nau daun hadnanadede henaedede

\* 17:13 Missing "h" in "Hec(h)auhauthethāhe" ("Master").



hadnenayaude. <sup>34</sup> Nananenau nāedauwunathana, henee veeyaugu hadnesethee henanenauau hanesadenee hauau; hanesāde hadnedanade, nau jasaa hadnathauaude, <sup>35</sup> Hanesethee hesānauau hadthauayāthee wauhaunee; hanesāde hadnedanade, nau jasaa hadnathauaude. <sup>36</sup> Hanesethee henanenauau hadnandedauthee nauau; hanesāde hadnedanade nau jasaa hadnathauaude. <sup>37</sup> Nau haeauchuhananadethanauau, Daude, Vahadāhene? Nau haeāedauwunā haduu vadanayau, hanaadauhauāneauhuthee neahehauau hauānee.

## 18

<sup>1</sup> Nau haeandetha hauthaunauhānee nuu heee, hena henane hāvachudajauaun-  
evevetha, nau hājethauujesevenauau; <sup>2</sup> Hahagu haeandau hedan hauchuwunane,  
haejesa Hejavaneauthu, daudause hathauwunanenau: <sup>3</sup> Nau haeandau henevesā  
hena hedan; nau haejeedasa, Jeaugaunayewhu naujauthavaa, hathauhuk. <sup>4</sup> Nau hae-  
jevadaunaasedau: hau waunee hasethajauhuk, hewauāthe nejechauau Hejavaneau-  
thau, nau hathauwunanenau; <sup>5</sup> Hau nausunee hanau naa henevesā hajanauchuhānau,  
hadenayauhauau havaedajauaunejau navanadauchuhaa. <sup>6</sup> Nau Vahadāde hasenehe-  
huk, Jaathehaa hasenehede janechuvāhede hauchuwunane. <sup>7</sup> Nau gauhujavaneau-  
thau gauhadnenayauha nehayau hanayāsanaunau, hauwauaudaunādaunau hesee nau  
dajāee, hau negudauchuhaude? <sup>8</sup> Nananenau nananena nāedauwunathana henee  
hadnauchuhanenayauhaude, Hau hāejauthe Heau henane, gauhadveede hethauwau-  
daude nuu hathāauauvaa. <sup>9</sup> Nau haeauthaunanadetha jachau nethauwaudaunadenethe  
nehayau henee dauchuvahethee, nau newauchānauwauthee hauthauau: <sup>10</sup> Hanesethee  
henanenauau haeyehaunauau vevethahenauauwu hadvevethahethee; hanesāde Ne-  
sethajuhu, nau jasaa hauāyāhe. <sup>11</sup> Nesethajuhu haetheaugu nau haevevetha waude  
heee nehayau, Hejavaneauthau, nananenau vaveenethedaunathane, henee nāhauwu-  
naathā hauthauau henanenauau hathahethee, hedanauwuyāhehauau, janechuvā-  
hethēe, jatheaudauwuyāhehauau, daudause naa hathāde hauāyāhe. <sup>12</sup> Nananenau  
nenaugauyānau nese hanesadee hauchauvadēde, Nevānau vadadauchu vahee he-  
nee nāthāenetheyaunau. <sup>13</sup> Nau hauāyāhe haetheaugu vavāaune, daudause haeje-  
jenāauguau hejavaa, hau haeandesejāhede, Hejavaneauthau jeauwunaune wauchu-  
daunau, hathauhuk. <sup>14</sup> Nananenau nāedauwunathana, naa henane haejaeyehau  
hedauauwu haeauwunaunau haejavaāhe jachau: hanau dathājee hanesāde henee  
nevadaujavaānajanethee nehayau hadnauwujenanade; nau henee nenenanethaunadēde  
hadnejanade. <sup>15</sup> Nau haejādaunanauau jea hajasedāeyaunauau, hadnevasanaude; hau  
hāenauhaudauwunethe hethauguhādaunau, haeneneuvanauau. <sup>16</sup> Hau Hejavaneau-  
thusau haeandetha, nau hahagu, Nanehauthēe hajasedāeyaunauau, nau jevadaudu-  
vaa: naathāhenethe henenanahedaunau henajanede Hejavaneauthau. <sup>17</sup> Hethauwu  
nāedauwunathana, Daun hadjesedanauau henajanedaunene Hejavaneauthu hasena-  
denethe hajasedāeyaunauau hadnehauwuneejedā. <sup>18</sup> Nau jachau hauchuwunanene hae-  
naudedaunaa, Hethāhene Hechauhauthethāhe, nauddusedau hadnedanauwau jethau-  
ujenenaedede? hathauhuk. <sup>19</sup> Nau Hejavaneauthsaun\* haeāedauwunaa, Naudu het-  
hāde haesene? henaneda hehauwuthā, vavade hanesāde, nananede, Hejavaneauthau.  
<sup>20</sup> Nananene haenauwu nanavaavedaunau, Jevawauchudauau heee haugauthenenede,  
Jevanaa, Jevaaveda, Jevajayaudauwāedauwauthadee, Vechauchune nananene hāsaunau  
nau hānau. <sup>21</sup> Nau hanaānehede, Vahee nuu haunaunedenau heee daujeeseaunau.  
<sup>22</sup> Wauhā Hejavaneauthusau hāenedauwaudauau nuu, Hanaāedauwunaude, Hanesadee  
hāhauwusenethene: Vaheaudauna henee hāthāenetheyaunau, nau hadjaanauwunau-  
nauau hadavenuhuhauau, nau nananene hadnethenauwu haenathau hejavaa, nau  
hadejau hadjethaugu. <sup>23</sup> Nau hāenedauwaudauau nuu, haeaudauwuthajau: hanau

\* 18:19 Missing letter “u” in “Hejavaneauth(u)saun”, which often appears (as does “Hejavaneauthusau”) where we would find the name “Jesus” in the KJV.

deethauwunethauyā dāde. <sup>24</sup> Nau Hejavaneauthausaun hāenauhaudauwunith henee dauaudauwuthajaude, Duthāenanauthaune henee nanethenuu veaunauaude hadnesejedāthee henajanedauene Hejavaneauthu, hathauhuk. <sup>25</sup> Hanau hehauwujajathaune heee camel hehedesahagaunee hajasevāhau nedaudaunaudenee, javaāneenauthaunee nethauyāsenane hadnesejedāde henajanedauene Hejavaneauthu. <sup>26</sup> Nau hathāenedauwauduu, Hanaa hadnenanedanede? hahagaunee. <sup>27</sup> Nau hanaāenehenith, hayauhuhau hejethauuneethaunenau henanenauau neneede Hejavaneauthu. <sup>28</sup> Hanaāenehede Peda, Naune, naunaudauwunauau vahee, nau thaunauguhane. <sup>29</sup> Nau haeāedauwuna, Hethauwuu nāedauwunathana, hena haunauude henane henee hehauwunaude hedauauwuu, wauāthe henehā, wauāthe henauhauwauau, wauāthe henene wauāthe henesaunau, heee henajanedauene Hejavaneauthu hedenaededaunene, <sup>30</sup> Nananede hadjavaānesedanauau nuu hewaunehaa, nau hathāauauvaa hadnauusanauau henaedede hadnejethauuvadauau. <sup>31</sup> Hanaāedanaude neseene, nau hanaāedauwunaude, Naune, hadneyehaunauau Dādaunedan, nau vahee hayauhuhau hathāewauthaunauhuu haeyāhehauau heee Heau henane hethauwunauauchauau. <sup>32</sup> Hanau hadvenavathe Neauthu, nau hadvavavanauchuhāde, nau hadnaunaunauchaudauchuhāde, nau hadneguthahayauthāde. <sup>33</sup> Nau hadnensesegauhude, nau hadnaāde: nau nasese hadnaāejaegauhāde. <sup>34</sup> Nau haejaenauwu nuu: nau nuu hauthedau haeyaudaunaunauau, daudause haejaenauwu hathauthedaunāthee. <sup>35</sup> Nau hethauwuu, hāyāedadauau Jericho, jasia haenanenaugu henane haetheaugu nedechaudenenee dauhunedauwaude: <sup>36</sup> Nau haenedauwaude henanedanede dadavechaudenenee, haenaudedauva haesedaunenenee. <sup>37</sup> Nau haeāedauwunau, henee Jesus Nazareth hanehedesade. <sup>38</sup> Nau hanaāevasanadede, Hejavaneauthusau, nananene Heau David, jeauwunaune, hathauhuk. <sup>39</sup> Nau henee nanedauvathee haeneneuvanauau haddādaunaugunith: hau haevasanade haugauthe, Nananene Heau David, jeauwunaune. <sup>40</sup> Nau Hejavaneauthusau haedauusa, nau haeautheave hadjādaunade: nau hāyājenauusanith, haenaudedauva, <sup>41</sup> Hauddusehathe henee hadenaasehathane? hathauhuk. Nau hanaāedauwunaude, Vahadāhene, nanaa hadeesedanauwau nauhaudauwaude. <sup>42</sup> Nau Hejavaneauthusau haenehetha, hanesedanauwu nananene nauhaudauwaude: hadethauwaudaude henayauhāne. <sup>43</sup> Nau chauchaunu haesedane henauhaudauwaude, nau haethauguha, haevaveenethedauna Hejavaneauthu: nau vahee henanedanede, hāenauhauduu, haevaveenethedaunanauau Hejavaneauthu.

## 19

<sup>1</sup> Nau Hejavaneauthusau haewaudasa nau haechaugusa Jericho. <sup>2</sup> Nau, naune, haenedau henane Zacchaeus haseagu, haenajawauna hauyāhehau, nau haeveaunauau. <sup>3</sup> Nau haenenavadaunauhauva Hejavaneauthusau haedāhenethe; nau haejeneene daunauthethenedaunenene, heee daujaahede. <sup>4</sup> Nau haesayāgau, nau haenauahu sycamore hunauhaudee hadnauhauwaude: hanau hadnehedesanith. <sup>5</sup> Nau Hejavaneauthusau hāejeedadauau, haejaāne, nau haenauhauva, nau hathauhuk, Zacchaeus, nauhauhuhu, nau jeauwusa, hanau nuu desenee hadnanaunau haudauauwuu. <sup>6</sup> Nau haenauhuhu, nau haejeauwusa, nau haedasa nauguu neethajaude. <sup>7</sup> Nau hāenauhauvāhede, vahee haeneānaune, Henee hadneejādavenethe henanene henee wauwauchudahu, hathāhuk. <sup>8</sup> Nau Zacchaeus haetheaugu, nau haeāedauwuna Vahadāhenith; Naune, Vahadāhene, vayaugauuu naudaununaunau vanenu hadavenuhuhanau; nau hith hedanavanaugu hayewhu hehethee daun henane hanājyauaudauvāedauwauthauau, hanājyāvenauau yāyaunanee. <sup>9</sup> Nau Hejavaneauthusau haeāedauwunaa, Nuu desenee henayauthāhe hedadauau nuu hauauwuu, hanau nechau haneāvāde Abrahamvene. <sup>10</sup> Hanau Heau henane nauusade hadnaudethāde nau hadnenayauhaude daun naunethauaunith. <sup>11</sup> Nau hajesenedauwauduu nuu hayauhuhau, haethedaunane nau haeauthaunauhānanadetha, hanau dauhuauchauau wauwu Dādaunedan, nau hanau daunuanadu henee henajanedauene Hejavaneauthu chauchaunu wauauhaadenauhauwu. <sup>12</sup> Hanaāenehede henaheee, Jasia naja haehau vavāaune

vedauuwuu hadnesedanauau hee nehayau najanede, nau hadjaejaude. <sup>13</sup> Nau haeadetha vadadauchu hewauwaunauwau, nau haejaanauwuna vadadausauna vāejethā, nau haeāedauwuna, Hadeaudaunava haunaude jaenauusanaugu. <sup>14</sup> Hau hauauwunanenau haeasānavaa, nau haeyethautheavedaunene thaugu, Nāhauwuvadaunethenauva naa henane nāhauwuvadaunajawaunāva, hathāhuk. <sup>15</sup> Nau hethauwuu, henee hājejenauusade, haeesedane najanede, hanaāauchuwaude nuu wauwaunau hadnadethaude, hevenaunau vāejethā, henee hadnaenauau haedauchu dathājee henane haedauchujavaājasedethe hee hedaunaunau. <sup>16</sup> Hanaājejenauusade nanedauvade, Vahadāhene, havāejethāwau javaājasedede vadadausauna vāejethā, hathāhuk. <sup>17</sup> Nau hanaāedauwunaude, Hethadee, nananene hethāhene wauwau; hanau nananene nethauwaudauwuu hee naugajuhuhuu hadnajawaudauwuu vadadausauna hedan. <sup>18</sup> Nau naneseauwaude haejenauusa, Vahadāhene, havāejethāwau javaājasedethee yauthauyauna vāejethā, hathāhuk. <sup>19</sup> Nau vavade hanaasenehethaude, Hadnehanāhene yauthauyauna hedan jea. <sup>20</sup> Nau jasaa haejenauusa, Vahadāhene, Naune, heyewnuu havāejethāwau, neaunaunedenau nejenanauwau hāheāhaunaa, hathāhuk: <sup>21</sup> Hee dauhusathane, hanau nananene daugaunauwunanenene: nananene hedanau henee hājejenayaunau, nau hadegauchu henee hājejenayaunau. <sup>22</sup> Nau haeāedauwuna, hehethēe nehayau hadenaa hadauchuwhathane, nananene hauhauganene wauwau. Haenauwuu henee daugaunauwunanenenu, hedanauwau henee nājejenayaunau, nau hadgauuchauwau henee nājejenayaunau: <sup>23</sup> Naudu gauhājevā navāejethāwau nedauhaenaeevāejethā, henee hājejenauusanaune hadeesedanauwau nehayau javaānee? <sup>24</sup> Nau haeāedauwuna henee daunauthetheaugunethe, Hedanauwunaa vāejethā, nau hadevenau henee vadadauchuvāejethāvade. <sup>25</sup> (Nau hathāhuk, Vahadāhene, nanethenauau vadadauchuvāejethā.) <sup>26</sup> Hanau hāedauwunathane, Henee dathājee hanesāde nanethenauau hadnevenade; nau henee janejasedede, daudause henee henethayaunau hadnedanauwunade. <sup>27</sup> Hau hena naujauthauwauwau, henee najevadaunajawaunaunauwau, hadjāthauva hede, nau hadnaunauwauvau hathaājenau. <sup>28</sup> Nau hāesanāsenehede nuu, haenedauva, haenauauhuyehaunauwau Dādaunedan. <sup>29</sup> Nau hethauwuu, hāyānauusade Bethphage nau Bethany, haa Olives haseāgu, Haesayānautheava hanesenethe hethauguhādaunau. <sup>30</sup> Najesaa nananena hesēe hajasee hauauwudan hathaāsana, hathauhuk; nana waudasanagu hadveehauna dātheveehauchavesau hadduguhude, hehauwuthauune henane dachaugu: hadaugunauva, nau hadjāchaudauneva hede, hathauhuk. <sup>31</sup> Nau hith daun henane naudedanānagu, Naudu hauaugunauna hethānagu? hesau jenasenehethauna, hanau Vahadāde haddaununaude. <sup>32</sup> Nau henee hautheavathēe hanaāejathāuthēe, nau haeveehanauwau neesenehethaude. <sup>33</sup> Nau daunausunaugunauthēe dātheveehauchavesaune, hedaunenith, Naudu haaugunauna dātheveehauchavesau? hathāhaugaunee, <sup>34</sup> Nau hanaāedauwunauthēe, Vahadāde haddaununaude. <sup>35</sup> Nau haenauuchaudaunanauwau Hejavaneauthusaun: nau haedadasanauwunanauwau hedāchaunenau dasee dātheveehauchavesaun, nau haeaugunauwunanauwau Hejavaneauthusaun dasee. <sup>36</sup> Nau daunausuyehaude, haesasaanauwuu hedāchaunenau vaunaa. <sup>37</sup> Nau hāyānauusade, wauwuu haeauwusa hauanee Olives, haunauwuu hadauchude hethauguhādaunau hanaāaunauwuthajauthēe nau haevaveenethedaunanauwau Hejavaneauthu nauguu haevasānadedaune hee vahee hathāenauthaunee henesethaunene henee henauhauthaunenau; <sup>38</sup> Haunauwuthajauwau Naja henee jaunauwuu hanenesēede Vahadāhenith: danādauyauwau hejavaa, nau vaveenethedauwuu javaājauwuu, hāheagu. <sup>39</sup> Nau hauthauwau Nesethajauhuhuu hehethēe henaneda, Hechauhauthethāhe, neuwune hāthauguhādaunauwau, hathāhuk. <sup>40</sup> Nau haeauchuhanāedauwuna nau hasenehethauhuk, Nananenau nāedauwunathana henee, hith nuu dādaunaugagaunee, hauunauganauwuu chauchaunu hadneduhuthēe. <sup>41</sup> Hau hāyānauusade, hāenauhaudauwuu hedan, nau haevewau, <sup>42</sup> Hanaāenehede,

hith heaenauwunagu, ha nananene, ha nuu hadeseve, hayauhuhau naathuu hadādaunahedaunaa, hau hewaunehaa yaunaudaunane hasesāe. <sup>43</sup> Hanau hese hadnedasāna henee haujauthauwauau hadnesedethee havatthegauuha heee nananene, nau hadnechauchuaunāna nauanee, nau hadnaunaunehāna daudauna hehethee, <sup>44</sup> Nau hadnanaunauvaenāna, nau hadāeyaunewauau hanedauchaunawaunauau; nau hadnehauwunaudanauwunā hanesāhenith hauunaugane hanathaugunethe; hanau nananene daujaenauwu hāenauujādaunathana. <sup>45</sup> Nau hanaāeyehaude vadanedaunauauwu, nau hanaāenudanaude henee neaudaunanethe jedauwu, nau henee naudaunanethe; <sup>46</sup> Hanaāēdauwunaude, Wauthaunauhuu, Naudauauwu haneauauwunee hadnevevethahedaunee; hau nananena haesedena nedaunadee heyāenau havedehelhauau. <sup>47</sup> Nau haeautheda hayauwusenenee vadanedaunauauwu. Hau najanauau vevethahevahehauau nau wauthaunauhāhehauau nau najavahehauau henanedanede haenenanaudehaa hadnaāde, <sup>48</sup> Nau haeyauhuune nesenehāde hanau vahee henanedanede haenāedevenenau dauhujaatthēde.

## 20

<sup>1</sup> Nau hethauwu, henee jasia hena hese, denausunauthedade henanedanede vadanedaunauauwu, nau haeauthedaude waunauyaunee hethadenee, najanauau vevethahevahehauau nau wauthaunauhāhehau haedasaa naugu vachaugananenau, <sup>2</sup> Nau hanaāanadethauthee, Jeauthedaunāa, hayew hāenaudahede hāenesedaude nuu hayauhuhau? wauāthe hanaa henee havenāde nuu hāenaudahede? <sup>3</sup> Nau hanaāauchuhananāedauwunaude, Nechau hadnaudedauunathana hanesadee hayewhu; nau hadjeāedauwuneva: <sup>4</sup> Heedusaayāde Jaun, gauhuhuthaune hejavaa, wauāthe hehethee henanedaa? hathauhuk. <sup>5</sup> Nau haeeegaugaugauudenauau, hith hesauhesenehethaunauugu, hehethee hejavaa; hahagaunee, Naudu haejethauwau-daunauna? hanāthānauau. <sup>6</sup> Hau hethaunauugu, hehethee henanedaa; Vahee henanedanede hanāedaudauuvānauau hauunaugāe, hanau hethauwaenaunauthee henee Jauneau dauhaeyānith. <sup>7</sup> Nau haeāedauwunanaunauau, daujeneauthedaunauthee daunathaunee. <sup>8</sup> Nau Hejavaneauthesau hanaāēdauwunaude, Dause gauhaudnauthedaunathava daun nāenaudahede nāenesedaude nuu hayauhuhau. <sup>9</sup> Hanaāejasesanadedauau henanedanede heee dajenehede; Jasia henane haejenane dadajenevesenethauchayau, nau haehathauauuwujethāhehau, nau haejathāu hese vavāaune vedauauwu haegudaunā. <sup>10</sup> Hāenauauchaunee haeyethautheava wauwaune hese thauauauuwujethāhehau, henee hadjevenāde venaundenau hehethee dadajenevesenethauchayaunaa; hau haeneneseguhuu, nau haejathethajenāhee jessaa. <sup>11</sup> Nau jea haeyethautheava jachau wauwaune; nau haeneneseguhunauau jea, haedayānauchuhanauau, nau haejathethajenāhee jessaa. <sup>12</sup> Nau jea haeyethautheave nanaseauwaunee; nau haenasenethanauau jea, nau haenuguthanauau. <sup>13</sup> Hanaāenehede hadāhevāhe dadajenevesesaa, Hewauaujeesedaunaune? Hauthaewauau navechauthau nāa: Nauchāe hadeneehauthee hāenauhauwaunauthe. <sup>14</sup> Hau thauauauuwujethāhehauau hāenauhauwauthee, haegaugaugauudenauau, Naa nananede hadvanehanāde: nahājauau hadenauaune, henee headevanehanahedaunau hadenehanahenauau. <sup>15</sup> Hanaāenuguthauthee dadajenevesenethauchayaunaa, nau haenanauau. Haudneduseha hadāhevāhe dadajenevesenethauchayaunaa? <sup>16</sup> Hadejaude nau hadnauauhaude nuu thauauauuwujethāhehau, nau hadgauchuhuvāde dadajenevesenethauchayau, hathauhuk, Nau hāenedauwauduu, hadnehauwunaasau, hahagaunee. <sup>17</sup> Nau haenāuhauva, nau hanaāēdauwunaude, Dusau nuu henee wauthaunauhuu, Hauunauganaunau hāuauvāhehauau hausāguthaunenau, hanānanenith hāhe hanadāde nedautheaunee? <sup>18</sup> Daun janesee dasee nuu hauunaugane hadthauusee, hau dasejaneseagu hanānauchauwuthauathāaunaude. <sup>19</sup> Nau najanauau vevethahehehauau nau wauthaunauhāhehauau chauchaunu haegaugauanavanauau hadnesedanauthee; nau haedauwu henanedanede heee dauhāenuu henee dauhuanadede nuu dajenehede heee. <sup>20</sup> Nau haeanauyauhauvanauau, nau

haeautheavanauau haunauyauhauthāhehau, hadnanaunethānethe hadchuvāhevathe henanenau, henee hadnesedanauwunethe hedanadedauunau, henee hadenau-uchaudaunauthee hejadenenau nau naunaudāhenethe hauchuwunanene. <sup>21</sup> Nau haenaunaudedaunanauau, Hechauhauthethāhe, haenaunee henee hasenehenaune nau nethauwuchauhauthethāne, daudause hāhauwujāvedaugauhauwaunauau henanedanauau hegau, hau hanechauhauthethāne hesee Hejavaneauthuu hethauwuu: <sup>22</sup> Gaunaasauau hee nananee hadnevenade hauāyaunau Caesar, gauwauāthe hegau? <sup>23</sup> Hau haeenauwu henadaunedaunenau, nau hanaāēdauwunaude, Naudu haevadauvasehena? <sup>24</sup> Jenauhauthehee vāejethāe. Hanaa hewauthaunenauaudene, nau hanaa hewauthaunauhanede? Haeauchuhanāedauwunanauau, Caesar. <sup>25</sup> Nau hanaāēdauwunaude, Jauaunaudanaa hee Caesar hayauhuhau henetheyaunau Caesar, nau Hejavaneauthau hayauhuhau henetheyaunau Hejavaneauthau. <sup>26</sup> Nau haejeneesedanauwu hedanadedauunene hathaājedaunenee henanedanede: nau haegaugauanadauwu hedauchuhanehedauunene, nau hanaāedādaunauguthee. <sup>27</sup> Hanaāejeedauchauthee jasae Sadducees, hayāthajauhuhau henee hadjejaegauhadenenee: nau haenaudedaunanauau, <sup>28</sup> Hechauhauthethāhe, Moses hathauthaunauwunānauau, Hith daun henane henauhauwauau gaujauaudāheyaugaune, heneyaugaune, nau gaujauaudāheyaugaune jedāeyauneveyaugaune, henee henauhauwauau hanādanaude henenene, nau hanānesaunede hee henauhauwauau, hathauhaugaune. <sup>29</sup> Hena hee haenesaudauchunauau henahavaevadehehauau: nau jasaa nedauau haenenene, nau haenaja haejedāeyauneve. <sup>30</sup> Nau naneseauwaude haeneva, nau haenaja haejedāeyauneve. <sup>31</sup> Nau naneseauwaude haeneva; nau vavade hanaasene nanesaudauchauwaude jea, nau haejenauthanauau dāeyaunauau, nau haegaugauaudāhenauau. <sup>32</sup> Waunee vahee hesā haegaugauaudā jea. <sup>33</sup> Henaheee jaegauhadeneyāgu hanaane hadnevādaune? hee hanesaudauchunethe daunevāde. <sup>34</sup> Nau Hejavaneathusau haeauchuhanāedauwuna, dāeyaunauauau nuu hathāauauvaa nenevadedauunee, nau nenenehauunee: <sup>35</sup> Hau daun naunauguathee hadnenaededuu hena henaedede, nau jaegauhadeneyāgu hehethee gaujauaudahede, hadnehauwunevadedauunee, hegau hadnenenehadedauunee: <sup>36</sup> Daudause hadnehauwauthenajadene: hadnaathahedaunee hautheanauau; nau hadnenesaunevāthee Hejavaneauthu, naathedāeyaunenedaunee jaegauhade. <sup>37</sup> Wauhā henee gaujauaudahehehauau hadjaegauhāthee, Moses denauhauthehade jauauadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob. <sup>38</sup> Hehauwuujavaneauthune heyauhauade, hau henaedede: hanau vahee haneenaededauunene. <sup>39</sup> Hanaāene jasaa wauthaunauhāhe haeauchuhananadetha, Hechauhauthethāhe. Nananene hethade hasenehene. <sup>40</sup> Nau hee haejauthenaudedaunanauau. <sup>41</sup> Nau hanaāēdauwunaude, Naudu haena hane Chris Dāvid\* dauhuāwaude? <sup>42</sup> Nau Dāvid nehayau hasenehede wauthaunauhanaa Psalms,† Vahadāde hasenehethaude Navahadāhewaunādaune, Hadjejanaugudaune hejavesanee, <sup>43</sup> Haunaude nadeesehaunauau haujauthauwauau hadnedaugāaugunene. <sup>44</sup> Dāvid henaheee haeheenesea Vahadāhenith, dusee heau? <sup>45</sup> Nau vahee henanedanede haenedaunau hanaāēdauwunaude hethauguhādaunau, <sup>46</sup> Waudauau wauthaunauhāhehauau, nenanadu javesanee sauauausāchaude, nau vechauduu jauthadede nedauaudaunauvadedauunenee, nau najatheaugudaunau vevethahenauwuu, nau najanau nedaugunethe vanethehedauunenee; <sup>47</sup> Naudauvāe henevesānau hedauauwunene, nau hanau denauhauthethāthee deguthevevethahethee: hadnathee hanesedanuu vanasaunee gudanadede.

\* 20:41 “Dāvid” is spelt thus here and in two other places nearby, 20:42 and 20:44. The name is spelt “David” in its other ten appearances in the text. (See note for 13:16.) † 20:42 “Psalms” is capitalized here but not in 24:44, but both are almost certainly deliberate. As per the KJV, “Psalms” in 20:42 is the name of a book in the Bible, but in 24:44 the common noun “psalms” is meant.

## 21

<sup>1</sup> Nau haeejaāne, nau haenauhauvā nethauyāsenanene haejenanauwu hevaudenau haenathaunaa. <sup>2</sup> Nau haenauhauva jea jachau hadavenuhu henevesāne haethāgudene hanesāene nevaāhenee vāejethāau. <sup>3</sup> Nau hanaāenehede, hethauwu nananenau nāedauwunathana henee naa hadavenuhunede henevesā javaājenanauau vahee; <sup>4</sup> Hanau vahee nuu nanethauyādahethee dejenanuu dejenanauwunauthee Hejavaneathu: hau hadavenuhunede hajanenauau vahee heenaededau nau hathāenethenauau. <sup>5</sup> Nau hahegaugaugauudenauau vadannauauwu, haseenehenee nauguu hethāhenethe hauunauganau nau hausāyaunau, hanaāenehede, <sup>6</sup> Nuu hayauhuhau hānauhauthaunenau, hese hadnauaichuu, hadnehauwunathauau hanesāde hauunauga hanathaugude hadvajanesee. <sup>7</sup> Nau hanaāenaudedauthee, Hechauhauthethāhe, hau hadduunaasau nuu? nau hayew hadnauhauwu hadnesauau hāene nuu hayauhuhau hadneenauaichuu? hathauhauganee. <sup>8</sup> Nau hanaāenehede, haunauyauhaudauwau henee nananena hadejenanedaunehana: hanau hadnewauthathee hadjauthee Naneseedaunaa, Hanejavaneauthusaunenau, hadnethee; nau hayānauaichauau: jevathauguhaa. <sup>9</sup> Hau hāenedauwaudauwunā vauthadede nau jajayauthadede, jeva nathajauau, hanau nuu hayauhuhau hadnedauunauaichuu; hau hadneevadauauau hadguthauau. <sup>10</sup> Hanaāēdauwunaude, jajaesenanedanedede hadnevauthadee jajaesenanedaa, nau najanede hadnevaudauau najanede: <sup>11</sup> Nau hadnavathethauthauwunauauau vedauauawuu, nau hasenaude, nau havathaugauwude, nau naunaunauchaudauhauthaude nau hadvasauau naunauhauwu hadnauaichauau hehethēe hejavaa. <sup>12</sup> Hau hadnejesejenauaichuu vahee nuu, hadnedanāna, nau hadnaunaunauchauthehāna, nau hadnevaudenee nananena hauāchaude, nau duguhunauauwu, nau hadnenauuchauhana hathaājethee nenauchuwuthee nau hauchuwunanenauau hanau Naneseede hee. <sup>13</sup> Nau hadnaasejenanauwunana hee haenathau. <sup>14</sup> Hāenauwu heehena nananena hadahenauau, jevagaugauuthajauau nedauau daun hadnesenehena: <sup>15</sup> Hanau hadvenathana vade nau haeyaude, vahee hasānavādaunenau hadnehauwuneayādaunāva hegau hayethaagudaunādaunenau. <sup>16</sup> Nau nananena hadnavethevāthee nesauu hanehānenau, nau hāthesaunenau, nau hādauānenau, nau hādaehahenau; nau jasae nanaena hadneenaana. <sup>17</sup> Nau hadneevahasānavāhena vahee henanedaa hanau naneseede hee. <sup>18</sup> Hau hegau hāthaanenau haudauguhuanenauau hadnehauwugaujauaudāhenaunau. <sup>19</sup> Hanāedevedaunenau hadnaunaunehaudde havadathuwunau. <sup>20</sup> Nau hāenauhaudauwunā Dādaunedan hadnechauchaunāna vanenanenauau, nanehāenauwuna henee nauauhadede wauwu hadneadaa, <sup>21</sup> Nanehadaugauhuthee hese hauanee hathāanedauthee Judaea; nau henee hathāanedauthee nahethāe nanehanauhethēe; nau jevajejedānauha henee hathāanedauthee gauchuhenee vedauauwu. <sup>22</sup> Hanau nuu hese hadneauthedaudenee henee vahee hayauhuhau hathāewauthaunauhuu hadnethauwunaasauau. <sup>23</sup> Hau naunauthaunee hadnethauauvāhethēe hathāenesaunethee, nau hathāeneauthuthee hena hese, hanau hena hadnavathasenaudenee vedauauwu, nau hasenaunaudaunāhenauau nuu henanedanede. <sup>24</sup> Nau hadneaunathāhethēe gaugauthau, nau hadnejathechauhāthee hadwauwaunenethee vahee jajaesenanedanede: nau Dādaunedan hadnauguhethee Neauthu, haunaude Neauthu nauauchaudauhauganee. <sup>25</sup> Nau hadnauhauthaunee hesesee, nau vegusesee, nau hauthuu; nau nanadee hathāauauvaa hadnaunauādaugauhudaunee jajaesenanedanede, hadnehauwaenauwu; hadaje nau hadnaunaudānaunee; <sup>26</sup> Henanenauau hedahenau hadnadenāthajauunee, nau hanau naunauyauhauduu hena hayauhuhau hadnauaichaunee dasee hathāauauvaa, hanau hathāenauthauau hejavaa hadnauauwunauauau. <sup>27</sup> Nau hadnaāenauhauwauna Heau henane hadnenauusade henaunauade nauguu naunauthaunee nau hadnavathenauasāauau. <sup>28</sup> Nau hāene nuu hayauhuhau hāenauaichuu, nauhadnaāenauauānena; nau hadnejenāauguauna hee hadneejaenauthana hadnaēaudaa. <sup>29</sup> Nau hanaāedadajenehethaude; Nauhauvaa hauuyauchunauhaude, nau vahee hahaudenauau; <sup>30</sup> Hāeguugauāhenauthē, hadnauhauwauna nau hadnaenauwuna nehayau henee



veja dauhuaudaa. <sup>31</sup> Hadnaasauau nananena hāenauhaudauwunā nuu hayauhuhau hadnethauwunaasauau, hāenauwuu henee henajanede Hejavaneauthau haneaudanee. <sup>32</sup> Hethauwuu nāedauwunathana, nuu henaedede hadnehauwuvadauau, haunaude vahee hadnethauvāe. <sup>33</sup> Hejavaa nau vedauauwuu hadneyauhuu; hau Nadanadedau nau hadnehauwuthauuyahuunau. <sup>34</sup> Nau haunauyauhaudauwauau nehayau, naseduhuu daunāene hadahenau havaehayaundenau hee haudauhauganedaunenau, nau havanadenenau, nau haunaunethaunenau nuu henaedede, nau henee hese hadgauduaunāna hau hadnehauwaenava. <sup>35</sup> Hanau waude nauyaundenau hadnauauchauau vahee hathāetheaugude dasee hathāauuvaa. <sup>36</sup> Haunauyauhaudauwauau henaheee, nau hevevethahee dajauaunee, henee nananena hadeheenauguna hadegauchuhauwuna vahee nuu hayauhuhau henee hadnauauchuu, nau haddetheauguna hathāāhede Heau henane. <sup>37</sup> Nau hesenee haechauhauthethā vadanauwuu; nau hāeveeyaunee haenauā, nau haeadāne hauanee henee neseeyāgu hauanee Olives. <sup>38</sup> Nau vahee henanedanede haejvanauuchaudene naugusāje daunauganenee hadaude vadannauauwuu, hee dauhjaathehāde.

## 22

<sup>1</sup> Wauhā hadneevasevenee janenesaunauchauanauhuu jauaujaunau haeayānauauchau, Hadavechaude neseāgu. <sup>2</sup> Nau najanau vevethahevahehau nau wauthaunauhāhehauau haegaugauanadauwunenau hadnesenaāde; hau haedauwu henanedanede. <sup>3</sup> Hanaāejedāde Haujau Judas hejaveede Iscariot, haenethanedau vadadauchunesenee. <sup>4</sup> Nau hanaāejathāde, nau haenadetha najanau vevethahevahehau nau haunauyauhauthāhehau, hadneseavedaunaunauwaude. <sup>5</sup> Nau haeneethajaunauau, nau dechachuwhadethee hadvenāde vāejethā. <sup>6</sup> Nau haesayānehetha, nau haeanauyauhaudauwu hadneeneavedaunaunauwaude henanedanede. <sup>7</sup> Hanaāenauauchauau hese janenesaunauchauanauhuu jauaujaunau nanaa hadavechauthau hadnāede. <sup>8</sup> Nau hanaāautheawaude Pedaheau nau Jauneau, Najesaa hadesaanudeva hadavechauthadede, hadevethenauau, hathāhaugaunee. <sup>9</sup> Nau hanaāēdauwunauthee, Daudu hadauvathehāne hadnedauusaunuu? <sup>10</sup> Nau hanaāēdauwunaude, Naune, hāejedānā hedan, hena henane hadnuchaunāna, hadnewauunauau hauānau hadjaāsanenee naje; hadethauguhauva hauauwuu hadnedaujedāde. <sup>11</sup> Nau hadethauva henane hedauauwunede, Hechauhauthethāhe nejeethāne, daudu jādanauauwuu hadnedauvethenauau hadavechauthadede naugu nāthaughādaunauau? <sup>12</sup> Nau hadnauhauthehāna vanasaunee dachauauwuu hadnesewaudeanee: hadnesaanuhuu. <sup>13</sup> Nau hanaāeyehauthee, nau haevedenauau neethāedauwunaude: nau hanaāesaanudethee hadavechauthadede. <sup>14</sup> Nau hāenauauchaunee, hanaāejanaugude naugu vadadauchunesenee hevadauhanau. <sup>15</sup> Nau hanaāēdauwunaude, hethauwuvadavethenau nuu hadavechauthadede naugu nananena hajesejasauwauwuthānau: <sup>16</sup> Hanau nāedauwunathana, Nadnehauwauthethe nuu, haunaude hadnauauchauau henajanede Hejavaneauthau. <sup>17</sup> Nau hanaāedanauau vāenau, nau hanaāevāde vaveenede, nau hanaāenehede, Hedanauwuu nuu, nau hadjaanauwauva nehayau: <sup>18</sup> Hanau nāedauwunathana, Naudnehauwuvanethede dadajevenenaje, hanaude henajanede Hejavaneauthau nauauchauyāgu. <sup>19</sup> Nau hanaāedanauau jauaujau, nau hanaāevāde vaveenede, nau haejeane, nau haevena, Nuu nanaa nadanayau havenadenenau: nuu hadneejenaunethedaunena, hathauhuk. <sup>20</sup> Naasauau jea vāenau hāesethunevethehedaunee, Nuu vāenau waunauyauau hesānaavede Navaevaa, hanedaunauwunana, hathauhuk. <sup>21</sup> Hau nauhauvaa, hejadenaa henee haneavedaunaunade nananenauau nanedauguvānauau vethehedaunaa. <sup>22</sup> Nau hethauwuu Heau henane hadjathāde, neesedaunade: hau naunauthaunee henee henane haneavedaunaundenenee. <sup>23</sup> Nau hanaāenaunaudedauadethee nehayau, hanaadee hadnesedaude nuu. <sup>24</sup> Nau hena jea haeneenayaundenauau, hanaadee hadjavaāvasāthaa. <sup>25</sup> Nau hanaāēdauwunaude, Nenauchuwuthee Neauthuu

haevahadahethedauwu; nau henee nanethenuu naudahede nanadee hesenaedehehauau neseadagaunee. <sup>26</sup> Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau. <sup>27</sup> Hanaa vanasāthaa, henee vanethede, wauāthe henee henechauthāhe? gaujenane henee vanethede? hau hanedaunaunathana waude henee henechauthāhe. <sup>28</sup> Nananena daudajauaunenethaunena denaunaunauchauthehanau. <sup>29</sup> Nau janenanauwunathana najanede, waude Nāsaunau nejeesejenanauwunānau; <sup>30</sup> Hadevethena nau hadevaveyāna navethehedaunaa Nanajanedaunaa, nau hadetheaugudauwuna najatheaugudaunau hadnauchuwuhauna vadadauchunesenee jajaesenedanede Israel. <sup>31</sup> Nau Vahadāde hanaānehede, Simon, Simon, nauhauwune, Haujau nevadaunethenāne, hadvachuuguthāne waude thauauhanewauchuunau: <sup>32</sup> Hau nevevethasathane, henee hadethauwuthajaude hadejenadegaundenauau: nau hāejauaugauthethajaunaune hadedāewaunauau hahauwauauau. <sup>33</sup> Nau haenehetha, Vahadāhene, Nananenau hanesaanunau hadnenedethaunathane, nesauna duguhunauauwu, nau gaujauaudahedaunaa. <sup>34</sup> Nau haeāedauwuna, hāedauwunathane, Peda, neauthuneāhe hadnehauwunedu nuu desenenee, hajesejenehenaune nasau hadnethedauwaune henee nananene daujaenaunene. <sup>35</sup> Nau hanaāedāuwunaude, Deathavejenanathana hāehauwunewauunava nesevāejethāwau, nau newaugusajaānauchu, nau wauaunau, gauhājevathēhāva hayewhu? Hegau, hathauhaugaunee. <sup>36</sup> Hanaāedāuwunaude, hau hewaunehaa henee nanethenauau nesevāejethāwau nanehaedanaunau, nau jea heneaugusajaānauchu; nau henee janethenauau gaugauchu, nanehaeaudaunade heddu, nau jeaudaunaude gaugauchu. <sup>37</sup> Hanau nāedauwunathana, henee nuu wauthaunauhuu hethauwunaauthaunauhunau, Nau haewauhaunau wauwauchudauhuhau: hanau nethauthedauthanau hethauvaa. <sup>38</sup> Nau hathauhaugaunee, Vahadāhene, nauhaudau, heyewnu hanesāe gaugauthau. Nau haeāedauwuna, Naadauchāe. <sup>39</sup> Nau haejenaua, nau haejathāau, neseadaude, haua nee Olives; nau hethauguhādaunau jea haethauguhaa. <sup>40</sup> Nau hāanauusade, haeāedauwuna hevevethahee henee hadejejedāna vashadade. <sup>41</sup> Nau haejāvesa hehejese nejechauthaunenee, nau haechagujanaugu, nau haevevetha, <sup>42</sup> Nāchau, hith Nananene vadausedaunenagu, jegudanauwune nuu vāenau hehethee Nananenau: hau nāhauwuvathehaa, hau Nananene, hadnaasauau, hathauhuk. <sup>43</sup> Nau haenauhauva hautheaune hehethee hejavaa, haedadāeva. <sup>44</sup> Nau haeneenajeneethajau haeneenavevetha: nau heguwauaude waude davathejajaneauthēe vaewauau dejanese vedauauwu. <sup>45</sup> Nau hāegauhāde hehethee devevethahede, nau haejeedasa hethauguhādaunau, Haeveena haeseenaugauhunenau hee haudauwuthajaude, <sup>46</sup> Nau haeāedauwuna, Naudu haenaugauhuna? gauhāe nau vevethahee, hadejejedāna vashadade. <sup>47</sup> Nau hajesanedede, haenauhauwu havathenedanede, nau henee Judas neseade, jasa vadadauchunesenee, haenedauva, nau haeayāedasa Hejavaneauthusaun hadnedanaude. <sup>48</sup> Hau Hejavaneauthusaun hathāhuk, Judas, gauhāavedauna Heau henane gauhadneenedanau? <sup>49</sup> Hāene henethauguvādaunau daunauhaudauwunethe hadneshade, Vahadāhene, gauhadjedauauwaunauau hee gaugauchu? hathauhaugaunee. <sup>50</sup> Nau hanesāde haedauauva hewauwaunavene vasnajane vevethahevahew, nau haegauadathāhe hejavese. <sup>51</sup> Nau Hejavaneauthusaun haeauchuhananadetha, Hauwaa nanesedau nuu. Nau haevasane henaudaununenene, nau haenayauha. <sup>52</sup> Hejavaneauthusaun hanaānehethaude najavevethahevahehau, nau haunauyauhauthāhehau vadannauauwu, nau vachaugananenau, hejewaunedasādaunau, Gauhāejauva, waude hee havedehe, nauguu gaugauthau nau vachau? <sup>53</sup> Denethenaedevathana hayauwusenee vadannauauwu, nananena hāehauwudaneva: hau nuu nauauchaudauna, nau naunauthauau vaneeyauau. <sup>54</sup> Hanaāedanauthēe, nau haejathechauhanaunau, nau haejedananauau Vasenajane vevethahevahew hedauauwunenene. Nau Peda haejesedauchu. <sup>55</sup> Nau hāesewaudeadaunathēe nahethāe hadauvasenejesauau, nau haeauājanaugunauau, Peda haejanaugudauna. <sup>56</sup> Hau jasa hesāhedāeyaune haenauhauvaa daujanaugudaunaude hejava hesedaa, nau



haenaunauchaudauhauvaa, nau hathāhuk, Naa henane jea nanethenaedewaude.  
<sup>57</sup> Nau haeethedauwautha, Hesā, nahauwaenaunau, hathauhuk. <sup>58</sup> Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenau hegau. <sup>59</sup> Nau hee jasaye denauachauau waunee jachau haeethauwunehene, hathāhuk, hethauwuu naa jea nanethenaedewaude; hanau nananede Gananaean. <sup>60</sup> Nau Peda hahagu, Henane, Nāhauwaene daun nesenehene. Nau chauchaunu, daunausunanadede, neauthuneāhe haenedu. <sup>61</sup> Nau Vahadāde haejaaagu, nau haenāuhauva Pedaheau. Nau Peda haethauchuthajaude hedanadedauene Vahadāhenith, neesenehethāde, Hajesejeneduhude neauthuneāhe, nananene hadnethedauwachune nasauna. <sup>62</sup> Nau Peda haenau, nau haeneenavewau. <sup>63</sup> Nau henanenauau henee daununauthēe Hejavaneauthusaun haevavavanauchuhanauau, nau haedaudauuvaa. <sup>64</sup> Nau hāesajeājethauthēe, haenadeāhenauau, nau haenaunaudedauanauau, Haeyāhe, hanaa henee haudauuvāde? nethāhuk, <sup>65</sup> Nau wauthanee haeewauwachuvaa nanāsanadethāde. <sup>66</sup> Nau chauchaunu hasenaugusājenee, vachaugananenauau henanedanede nau najanauau vevethahehehauau nau wauthaunauhāhehauau haeauāchadaunanauau, nau haejedananauau hadauhanadethee, <sup>67</sup> Gauhanane Chris? jeāedauwunā, hathauhaugaunee. Nau haeāedauwuna, Hith Nananenau hāedauwunathanagu, nananena hanājethauwaudaunena: <sup>68</sup> Nau hith nananenau jea naudedauathanagu, nananena hanājauchuhananadesena, wauāthe hanājejenanena. <sup>69</sup> Hewaunehaa hee Heau henane hadtheaugude hejavee naunaudāhenith Hejavaneauthu. <sup>70</sup> Hanaāenehethee vahee, Gauhanane Heau Hejavaneauthau? Nau haeāedauwuna, Hasenehena Nananenau. <sup>71</sup> Nau hahagaunee, Hehauwauthevathehāanauau naudedauyaunauau? hanau nehayau nanedaunaunauau Nehayau hedenaa.

## 23

<sup>1</sup> Nau haunauude henanedanede haegauhādene, nau haeyehaudaunanauau Pinade. <sup>2</sup> Nau hanaāevavasevāde, Vaneenaunauau naa gauchuhuchadede jajaesenanedanede, nau nedauduwaude hadjevenauthēe hauāyaunau Caesar, daunahagu Chris Nenauchuwude, nethadede, hathauhaugaunee. <sup>3</sup> Nau Pinade haenaudedaua, Gauhanane Dauhunauchuwuhunene Jews? hathauhuk, Nau haeauchuhanāedauwunaa, Hethauvāne. <sup>4</sup> Hanaāāedauwunaude Pinade najanau vevethahehehau nau henanedanede, Nāhauwuvedenaune wausaunee naa Henane. <sup>5</sup> Nau haenaunauchauthedauhadene, wauwayauchudedēe henanedanede, hanechauhauthethāde hehethee vahee Jewsevedauuwuu, jejasesee hehethee Ganane nauuu nuu vedauuwuu, hathauhaugaunee. <sup>6</sup> Hāene Pinade nedauwauthaude Ganane, haenaudedauva wauau hagananenane. <sup>7</sup> Nau chauchaunu hāesaenauau henee daunaadāde Herod hadaunajavanethe, haeathavenane Herod, jea haeanedau Dādaunedan hena hese. <sup>8</sup> Nau hāene Herod nauhauwaude Hejavaneauthusaun haevaseneethajau: hee devadaunauhauwaude dajauaunee hanau dauhuwauthanedauwauthaude; nau haevadaunauhauwuu jasia venauneguthau hadnesedaunith. <sup>9</sup> Haenaunaudedaua hauwauhuu hanadedauau; hau haejauchuhananadethaa. <sup>10</sup> Nau najanau vevethahehehau nau wauthaunauhāhehau haetheaugunenau nau haenaunaunauchauthēvaa. <sup>11</sup> Nau Herod nauguu vauānanenau haejenananauaugaugauyaune, nau haevavavanauchuhanauau, nau haeneenuhanauau neaudahenenee hu, nau haevenanauau jea Pinade. <sup>12</sup> Nau hajesesenee Pinade nau Herod haenedaehāvadenauau nesauuu: hanau nedauwuu haesānavadenauau nehayau. <sup>13</sup> Nau Pinade, hāesauānadethaude najanau vevethahehehau nau hauchuwunanenau nau henanedanede, <sup>14</sup> Haeāedauwuna, Nananena nauuchadaunena naa Henane, nanahagu henee gauchuhuchadede henanedanede: nau, naune, nananenau, haunauchuwuhauau hathāāhena, nāhauwuvedenaune wausaunee naa henane hee henee hayauhuhau nanāsevasewauna: <sup>15</sup> Hegau, hehauwune Herod: hanau neathavejenanauwunathane; nau naune, hehauwuneenauau hehauwugaudauwudau. <sup>16</sup> Hadnensesgauhaa, nau hadjenanauau. <sup>17</sup> (Hanau

hadnaugauhusenaasedaude hadjenanaude hanesāhenethe vasevethededauneagu.)  
<sup>18</sup> Nau haunauude haevasānadenauau jasānee, Hausāguthaa naa, nau jejenanauwunāaa Barabbas, hahagaune: <sup>19</sup> (Nananede hanau jasaa nejaevauāde hedan, nau hanau nenaade, nethānade duguhunauauwu.) <sup>20</sup> Pinade henaheee, haevadaujenana Hejavaneauthusaun, haeanadetha jea. <sup>21</sup> Hau haeneānaune, Saethechuhuu, Saethechuhuu, hahagaunee. <sup>22</sup> Nau haeāedauwuna nanaseauwaunee, Dusee, dusewauchudau? Nāhauwuvedenaune hadneegaujauauthehaude: Hadnaasedaunau hadnenesegauhaa, nau hadnaāejenanaau. <sup>23</sup> Nau haeneenavasānadenauau, haeneenavadausaethechuhunauau. Nau haeneānadenauau nau najanau vevethahehehauau haeechauwauauwaunauau. <sup>24</sup> Nau Pinade haechuwardā henee hadnaasaunee hasevathehāthee. <sup>25</sup> Nau haejenanauwuna nananede henee hanau nejaevauāde nau nenaade haethānau duguhunauauwu; nananede heenedauwaudenenau; hau haevā Hejavaneauthusaun hathanauwauthee. <sup>26</sup> Nau hāejathechauhauthee, haeedananaauau hanesāhenith Simoneau, hehethee Cyrenene, hananeedesade vedauauwu, nau hananene haenhanauwunanaauau naugauchu, henee hadnanewauunauwunith thauguu Hejavaneauthusaun. <sup>27</sup> Nau hena haethauguhaa havathenedanede, nau hesānau, haeaudauwuthajauha nau haevewauhunauau heee. <sup>28</sup> Hau Hejavaneauthusaun haejaaāne haeāedauwuna, Dādaunedan hedaunauhau, jevahevewauhuu heee Nananenau, hau heevewauhuu nehayau, nau heee hadāeyaun-evenau. <sup>29</sup> Hanau, naune, hese janādauuu, hadneenedaunee, Haunauwuthajauau jenesaunehauau, nau henaudaunenau henee nejethauujanesāthee, nau hethanenau hehauwunethuaunenau. <sup>30</sup> Heee hadnaāejasesenedu huanee, Gaudaunānaau; naa jauaudane, gaudauyauhunauau. <sup>31</sup> Hanau hith heenesedauhaugaunee nuu hayauhuhau janadanegauaheyaugaune hauhaudene, haudneedusedaune wautheyaugu? <sup>32</sup> Nau hena haenesenauau gauchuhunee jea, wauwauchudauhuhau, haenethaunaa hadnaugunaade. <sup>33</sup> Nau hāene hāedadu, Calvary hanaaseenee, hena haesaethechuhunauau, nau wauwauchudauhuhau, hanesāhenith hejavese, nau jachau nauwauthe. <sup>34</sup> Haenaāenehede Hejavaneauthusaun, Nāchau jaegudanauwunene; hanau daujāenuu hasedauthee. Nau haejaanauwunanaunau, hedāchaunene, nau haeheedaudauusadaunenau. <sup>35</sup> Nau henanedanede haetheaugudaune dauhasauhauvade. Nau hauchuwunanaunau jea nauguu haeauchaudanavaa, haseneheyaugaune, Nenayauhaude hauthauau; Nanehanenanayauhadede hethauwu Chrisdeyaugu, Neayāsānāde Hejavaneauthu. <sup>36</sup> Nau vanenanenau jea haenaunaugauthedanaa, haedasaa, nau haevenaa naneujaudenee dadajevenenaje, <sup>37</sup> Nau hathāhuk, Hethauwunajawaunaudagaunee Jews, henayauhade nehayau. <sup>38</sup> Nau haewauthaunau jea haewauthaunauhune hejavaa hedanadedanene Greek, nau Latin, nau Hebrew, Naa Nanajawaunaude Jews. <sup>39</sup> Nau jachau wauwauchudahu chaunaunauaunith haewauwauchuvaa, Hethauwu Chrisdenagu, henayauhade Nehayau nau nananee, hathāhuk. <sup>40</sup> Hau jachau haeauchuhananadene haedauduva, Gauhajeadaunau Hejavaneauthu, hanau nananene nanesadee hathauchuwuhane? hathauhuk, <sup>41</sup> Nau neehanauau; hanau hanesedanauwunauau nanāsedanaunau: hau Naa hehauwuwauchudau. <sup>42</sup> Nau hanaāenehethaude Hejaneauthusaun,\* Vahadāhene, dauyewuwuthedaune hāanausanaune Hanajanede. <sup>43</sup> Nau Hejavaneauthusaun hathāhuk. Hethauwu hāedauwunathane, Nu desenee hadnethenaedevene Paradise. <sup>44</sup> Nau hāethauthaunesade, nau hanaāeveeyauau nanadee vahee hathāauavvaa haunaude nanasuusee hāenauauchauau. <sup>45</sup> Nau hesese haeveenenauau, nau hauguthau Vadannauauwu haethauwunauau nahethāe. <sup>46</sup> Nau Hejavaneauthusaun hāevasānadede, Nāchau, hajadana hadaunaunehau Navadathuwu, hahagu: nau hāesenehede nuu, haevadauwauthauwu. <sup>47</sup> Wauhā vanenenaja hāenauhaudauau hasedaudenenee, Haeauwauaudauna Hejavaneauthu, Hethauwu naa chaunuvāde Henane, hahagu. <sup>48</sup> Nau vahee henanedanede henee

\* 23:42 “Hejaneauthusaun” possibly should be “Hejavaneauthusaun”. (See note for 18:19.)

hathāejeuānuusathee hadnauhauwauthee, haenauhaudauwu hanasedaudenenee, haenanadesejāhedenauau, nau haejaajegauhadaune. <sup>49</sup> Nau vahee henedaehauhau, nau hesānau hethāethauguhādaunau hehethee Gananee, haetheaugunenau vavāaune, haenauhaudauwu nuu. <sup>50</sup> Nau, naune, henane Joseph haese, najananadehe; nau haeethā, nau haechuvā: <sup>51</sup> (Naa haejechuwardā hasenedaudenene nau hasedaunethe;) haenaadāde Arimathaea, hedan Jews: nananede jea nehayau haejauwuwude henajanedaudene Hejavaneauthu. <sup>52</sup> Naa haeyehau Pinade, nau haenedauwaude hedanayaunene Hejavaneauthusaun. <sup>53</sup> Nau haejanana, nau haeauyauuna naunaujānaunee, nau haejenana nedauthānavathe gaujauaudahehehau hauunaugāe, haunauau henane haejethauujenana. <sup>54</sup> Nau hena hese haesaanudaune, nau vadanese dayānauauchauau. <sup>55</sup> Nau hesānau jea, hejenauunethaunādaunau hehethee Gananee, haethauguhaa, nau haenauhaudauwu hadausaesenanethe, nau hedanayaunene hathaudanee. <sup>56</sup> Nau haejaenauthau, nau haesaanudenauau hathāeneevaudenene nau chauayaunau; nau haedauyānusenauau vadanese hasauau nanavaavede.

## 24

<sup>1</sup> Wauhā nandedauwadaa hese hauchauvadede, hajesejevesesanith haejeedadauwu hadausaesenanith, haenauchaudenauau hathāeneevaudenene heesaanuthaunenau, nau jasae hauthauau nauguu. <sup>2</sup> Nau haenauhauvanauau hauunaugane haeausānene hehethee hadausaese. <sup>3</sup> Nau haejedānauau, nau haejevedenauau hedanayaunene Vahadāhenith Hejavaneauthusaun. <sup>4</sup> Nau hethauwu daugaudauwuthajauthee hee, naune, hanesenethe henanenau haetheaugudaunā haenauasāaunenau hedāchaunene: <sup>5</sup> Nau daunāthajauthee, nau haenauauagunauau vedauauwu, haeāedauwunā, Naudu nananena haenaudehauna hanenaededaunade nethee gaujauaudahehehau? <sup>6</sup> Hehauwanedau hede, hau jaegauhāde: dauyewuwuu neethāedauwunāna denausunatedaude Gananee, <sup>7</sup> Neesenede, Heau henane hadvenavathe hejadenene wauwauchudaunanenau, nau hadsaethechauhude, nau nase hadjaegauhāde. <sup>8</sup> Nau haedauyewuwunauau hedanadedaudene, <sup>9</sup> Nau haenauhaudauwu hehethee needausaesenanith, nau haeauthedaunanauau vahee nuu hayauhuhau jasānee, nau vahee hauthauau. <sup>10</sup> Haenane Mare Magdalene, nau Joanna, nau Mare henaune James, nau hauthauauau hesānauau hene henethaunādaunenau, neauthedaunauthee nuu hayauhuhau vadauhanau. <sup>11</sup> Nau hedanadedaudenenau hathanadauwuyaugaune gaugauyaune, nau haejethauwadaunaunauau. <sup>12</sup> Hanaāegauhāde Peda, nau haeyeseneegau hadausaesenanith, nau haeewauguau, haenauhaude naunaujānaunee haeānaudanenau jessaa, nau haenaude, haegauguanade hasaunee. <sup>13</sup> Nau, naune, hanesenethe haeyehaunenau henee hajesesenee hajasee hauauwudan Emmaus haseagu, hehethee Dādaunedan wauau nesaudauchu nau gauuu daugauha. <sup>14</sup> Nau haenanadenauau wauhaunee vahee nuu hayauhuhau hasaunee. <sup>15</sup> Nau hethauwu, henee, dauanadethee wauhaunee nau haenaunaudedaunadenauau, Hejavaneauthusaun Nehayau haeauhauna, nau haenethauna. <sup>16</sup> Hau hesesānenau haedunenau henee hadjaenaunauthee. <sup>17</sup> Nau haeāedauwuna, Hayewnau hadanadedaudenenau nuu hene nananena hānegudaunenau, daujāwauaunadena, nau daudaneāauna? <sup>18</sup> Nau jasaa hanaaseede Cleopas, haeauhananadethaa, Gauhanane vavade dauhadavesane nuu Dādaunedan, nau gauhajaene hayauhuhau hasedaunene hena nuu hese? <sup>19</sup> Nau haeāedauwuna, Hayewnau? Nau haeāedauwunaa, Hee Hejavaneauthusaun Nazareth, nananede Haeyāhe naunaudāde hanasedaude nau hedanadede hathāhenith Hejavaneauthu nau vahee henanedanede: <sup>20</sup> Nau najanauau vevethahevahehauau nau hadauchuwunanevene neesevānethe gaujauaudahede hadneauchwuhade, nau nesaethechauhude. <sup>21</sup> Hau nejauwuwuhaunauau Nananede hadnenayaudedede Israel: nau nauguu vahee nuu, desenee nanasāe hese hāsesenedaudenene. <sup>22</sup> Haa, nau jasae hesānauau jea hadahenauau nenāvānauau, naugusāge neanedauthee hadausaesenanith; <sup>23</sup> Nau dejevedethee hedanayaunene, nejenuusathee,

neauthedathee, henee jea haenauhauvanauau hautheaunau neethāhaugaunee henee daujaenaedeyaugaune. <sup>24</sup> Nau hauthauauau hānethaunādaunene deyehaunauau hadausaese, nau haevedenauau vavade hesānauau neesenehenethe: hau haejenauhauvanauau. <sup>25</sup> Hanaāēdauwunaude, Hau hāhauwaenava nau gaunauanu hadahenau hethauwaudanee vahee henee haeyāhehauau nethauthedathee: <sup>26</sup> Naasauau Chris hadnasenede nuu, nau hadjedāde hadnedauvasāthaa. <sup>27</sup> Nau jeejaseese Mosese nau vahee haeyāhehauau, neevavesāedauwunaude hee vahee hanathauthaunauhunee hayauhuhau hadnesenaedede Nehayau. <sup>28</sup> Nau haeēauchaui hajasee hauauwudan hasesathee: nau nehayau haenandauneha hadjavesade. <sup>29</sup> Hau haeneenadaunauau, hathauhaugaunee, Hanedaunā: hayānaesade, nau hese hayāenauwusanauau. Nau haejedā hadnandaunauau. <sup>30</sup> Nau hethauuu, daujanaugude haenethevetheheva, Haeedane jauaujau, nau haevaveene, nau haejeane, nau haevana. <sup>31</sup> Nau hesesānenau haegaunanenenau, nau hanaāenaunauthee; nau haeyauhauvanauau. <sup>32</sup> Nau hadāhene gauhauchāe hethauvaa, hanathadagaunee jae, deanadethānauau jāthee, nau hāegaunauwunānauau wauthaunauhanau? <sup>33</sup> Nau haegauhānauau chauchaunu nau haejaeyehaunauau Dādaunedan, nau haeveehanaui jasānee haeauauudaunāhenenau, nau hauthauau henee hanedaunādaunenau, <sup>34</sup> Vahadāde gauhāde hethauuu, nau haenauhautheha Simon, hathahaugaunee.\* <sup>35</sup> Nau haeauthedanauau hayauhuhau hanasedaunith hadesathee, nau hasaenaunāde daujeanaui jauaujau. <sup>36</sup> Nau daunausunadethee, Hejavaneauthusau Nehayau haetheaugu nahethāe hadauthee, nau hathāhaugaunee, Danādauiyauau vanenathana. <sup>37</sup> Hau haenānauaunauau nau haenāthajauvanauau, nau hasethajauhaugaunee henee haenauhauvanauau vadathu. <sup>38</sup> Nau hathauhuk, Naudu nananena haenāthajauva, nau nauu haegaugauuthajauva gauhānauha hadahenau? <sup>39</sup> Nauhauwuu Najadenau nau Nauaudau, henee Nananenau nehayau: Vasanee, nau nauhauuu; hanau vadathau hehauwudaunānune nau hehauwudechaunave, hathauhauwuna. <sup>40</sup> Nau dauhanadede, haenauhautheha hejadenau nau heaudau. <sup>41</sup> Nau haejethauwuthajauvanauau hee haunauwuthajauve, nau haegaugauuthajauvanauau, Haeēdauwuna, Gauhajeveheneve hede? <sup>42</sup> Nau haevanaui hanesāhenith nauuu haeaujaunene, nau gauhauaugunaugauve. <sup>43</sup> Nau haeedane, nau haevethe hathājenethe. <sup>44</sup> Nau haeēdauwuna, Nuu nanāe hanadedaunau hāauthedaunathadenenau, denausunethenaedevathana, henee vahee hayauhuhau hadnethauwunauaui, hanathauthaunauhuu henanavaavede Mosese, nau haeyāhehauau, nau psalms hee Nananenau. <sup>45</sup> Hanaāegaunauwunaude hadnaenauwunethe, henee hadnaenauwunethe wauthaunauhanau, <sup>46</sup> Nau haeēdauwuna, Hathauthaunauhuu, nau naasauau Chris hadnasenede, nau hadjaegauhāde hehethee gaujauadahede nase: <sup>47</sup> Nau henee haugauthegaugauuthajauve nau hadjaegudanee wauchudaunenau hadnautheduhunee hee Heneseede nanadee jajesenanedanede, hehethee Dādaunedan. <sup>48</sup> Nau nananena haenauwuna nuu hayauhuhau. <sup>49</sup> Nau, naune, Nananenau vanenathana sayānee Nāsaunau hau theauguu hedan Dādaunedan, haunauve nananena hāchauwunagu nauuu nauu hadahede hehethee hejavaa. <sup>50</sup> Nau haejasesenedauwuna hajechedanee Bethany, nau haeegauha, nau haevevethasa. <sup>51</sup> Nau hethauuu, daunausuevethaui, Haenautha, nau haejechauhau jethee hejavaa. <sup>52</sup> Nau haevevethedaunauau, nau haejaeyehaunauau Dādaunedan nauuu vaseneethajauve: <sup>53</sup> Nau dajauunee haenandaunauau jedauuu Vadannauwuu, hauwunede nau haevevethedaunauau Hejavaneauthu. Hethauvaa.

\* 24:34 The last word of the verse is unclear and could be “hathahaugaunee” or “hathahaugauhee”. The former was chosen as being closer to what is used in other instances of direct speech.